

二十四史九通政典類要合編

皇朝

第六十冊

欽定四庫全書

二十四史九通政典類要合編卷二百十五

皇朝二十三

樂 樂制 樂章 樂舞 樂津 樂器

大樂之作天地同和蓋惟聖人之心通極造化故能基中和之極究聲氣之原嘉應神祇茂豫民物所謂聖人生古樂興也我朝開國之始肇豐元音廣大清明燦然隆備聖祖仁皇帝心通天矩欽定律呂正義一書古樂之大義明而千古有定論今樂之至理具而千古有正聲我皇上恭

先緒重輯後編凡郊廟所陳朝會燕饗所奏無不按律諧音分刊節比舉前書所謂審

音定樂制器協均者一一見諸施行盛德形容於斯爲極良由聖心天縱學貫神樞所以制作之

隆超越千古也竊觀古來論樂者以黃鍾爲律本而律尺不明縱黍橫黍聚訟紛如律本之失蓋由

於此聖祖仁皇帝躬親佈黍審定今尺七寸二分九釐爲黃鍾真度以爲律本律本既定以之上

生下生諸律皆由此而定皇上業隆繼述一切范金琢玉之製悉稟成模典法攸昭範圍不過此

製律之密也樂之爲用最重分均自後漢志以管子絃音之度率合管音故有黃鍾爲宮太簇爲商

姑洗爲角蕤賓爲變徵林鍾爲徵南呂爲羽應鍾爲變宮之說歷代相沿承譌襲謬遂致一均之內

律呂互用豈古人製律陰陽不紊之義乎聖祖仁皇帝神明律數確然定爲清濁分均使陽皆從

律陰皆從呂皇上於周禮六樂奏黃鍾歌大呂奏太簇歌應鍾之文謂清濁同均者尙不可合用

豈有清濁不同均者而可合用之理蓋既云奏則但奏其樂而不歌既云歌則始作樂以合人聲耳  
奏與歌自必各爲一事義蘊深融不徒昭揭經旨直契先聖造律之原此審音之確也至於宮律之  
用考之周禮既曰圜鍾爲宮奏之圜丘函鍾爲宮奏之方澤黃鍾爲宮奏之宗廟又曰奏黃鍾以祀  
天神奏太簇以祭地祇奏無射以享先祖奏夷則以享先妣經文已歧而不合自漢以後或以黃鍾  
祀天地以蕤賓享宗廟或以黃鍾祀天以太簇祀地均未允協我 皇上貫通三極以黃鍾子位天  
之統也 天壇用黃鍾爲宮林鍾未位地之統也 地壇用林鍾爲宮太簇寅位人之統也 太廟  
用太簇爲宮而朝賀燕饗之樂則隨月用律爲宮既握三才並建之原更協五行迭嬗之序此用律  
之當也若夫釐定樂章務歸雅正遇有舉行 慶典登奏攸資或從 幾暇親裁或自臣工奏 進  
紀庸功則軼采薇杖杜之篇誌愷樂則遇湛露蓼蕭之什溥福祺則追壽考作人之頌光文治則儼  
辟離於樂之詩以至勤求民瘼 譜雲漢之章廣厲學宮 補笙詩之什敦和莊雅美備詳明他如  
丹陛導迎鏡歌鼓吹花袍馬之聲遠播藏衛之音並皆列在 闕廷登諸樂府鏗鏘炳燿莫與比  
隆近猶以鍾呂元音古今同揆 特命樂臣定宮商之譜究疏越之音輯爲一編用昭法守所由折  
衷善美依永和聲洋洋乎聲振之休藻金石而絳萬禩也

天命元年正月元旦諸貝勒大臣文武羣臣進表恭上 尊號 上焚香告 天句受齊禮以是年

爲天命元年 陸御座受慶賀陳設鹵簿奏樂八年台吉阿巴泰等征蒙古還至都城 上出城迎

之因破敵豎壽八鳴角拜 天禮畢設大宴慶勞奏樂以上

禮典

順治元年定 郊 廟 社稷樂章名用平字大學士馮銓等奏言郊廟及社稷樂章前代各取焉

名以昭一代之制 本朝削平寇亂以有天下擬改用平字 郊社九奏 宗廟六奏 社稷七奏

從之 十四年定 奉先殿樂制禮部奏准迎 神樂奏開平之章初獻樂奏壽平之章亞獻樂奏

嘉平之章終獻樂奏雍平之章徹饌樂奏熙平之章送 神還宮樂奏成平之章以後 親祭俱行

家人常禮其太常寺贊禮官樂舞生俱不用應令內府官贊禮作樂立春上元四月初八端陽重陽

係尋常節忌辰清明霜降十月朔係哀慕日期俱不贊禮不作樂 飭部修整祭祀樂器 諭禮部

祭祀樂器必考辨精良始足肅將誠悃朕觀近來各 壇 廟所用樂器其中尚有敝壞非朕祇事

天地 宗廟 社稷及致敬古帝王聖賢之意爾部即詳加察驗應行修整者節次開列奏請以

便內府修理換給

通考

康熙二十一年釐正朝會宴享樂章時左都御史余國柱奏請釐正 郊 廟朝會宴享樂章 上

曰享祀樂章一代制作所係禮部翰林院集議以聞嗣禮臣等議奏自古廟樂原以頌述祖功宗德

本朝 郊壇 廟祀樂章典名曰平現今遵奉已久 太祖 太宗 世祖同在 太廟致祭不

便分廟另撰宜如舊惟朝會宴享等樂曲調風雅未備宜敕下所司酌古準今求聲律之原定雅奏

之節進呈請定嘉名以昭盛典從之 五十三年考訂中和樂章聲調 諭南書房翰林等向來陞

殿所奏中和樂章皆仍明代所撰句有長短體制類詞後因文體不雅命大學士陳廷敬等改撰其章法皆以四字為句而奏樂人未習聲調仍以長短句法湊合歌之是雖文法易而聲調未易也今考察舊調已得宮商節奏甚為和平必得歌章字句亦隨詞調則章法明而宮商諧此事所關最要著南書房翰林同大學士等詳考定議務使章法與聲調協和歸於允當

雍正元年定直省祭器樂器圖式禮部遵旨議定直省各州縣祭祀壇廟一應祭器樂器逐一繪

圖著為成式釐為定數刊刻頒示遵行定官民婚嫁樂制凡有品級官員各用伊執事鼓樂人不得過十二名生監軍民不得僭用執事鼓樂人不得過八名

考通

乾隆七年定時巡省方饒歌鼓吹駕出宮前導鼓吹振作馬上所奏有饒歌大樂饒歌清樂饒

歌大樂有清朝四時仗承天眷貢琛球錦繡乾坤中天盛世奉辰歡晴開五雲瑞雲籠駕六龍尾

翠華四時念壯軍各日初昇嘉祥曲練吉日謁珠邱御黼座長白山布爾湖建陽曲瀋陽城鐵嶺山

孕嘉產毓靈禽蕃珍樹建皇極饒皇清等曲凡二十八章饒歌清樂有九龍旗皇威整猊貅河清

海宴輦路平景清明聖武光昭皇風泰慶雲呈象天行虹流華渚皇都無外夏諺歌芳賡曲渥注曲

美留都湖興京格皇天大凌河狩于原日上扶桑九五飛龍聖德巍巍躡遊龍慶皇圖萬國瞻天

昊天命等曲凡二十七章其樂器有大小銅角金口角蒙古角金鼓鈸雲鑼笙笛之屬凡大閱

親征親征凱旋受俘並得奏之十三年皇上東巡親祭岱嶽增撰樂章迎神奏祈

豐奠帛初獻奏華豐亞獻奏興豐終獻奏儀豐徹饌奏和豐送 神望燎奏錫豐

按乾隆十五年巡幸中州致祭

嵩嶽十九年再謁 祖陵 命大學士傅恆為經略討金川重定 命將出師樂制通典

十八年定祈雨致祭仍用樂先是十七年禮部奏言 神祇壇本無專祀惟祈雨則祇告於壇而不

作樂自乾隆七年始增樂章揆之一應因事祇告之禮均不作樂殊未盡一至甘雨霽足報祭之時

僅用酒果脯醢與祈告相同又與報祭之禮未稱請嗣後各壇告祭停止作樂至報祭時均應加籩

豆牲牢卽將 神祇壇樂章用於報祭得 旨祭祀用樂以導和氣而格神祇乃事神之禮與齋戒

徹懸自致誠恪其義各別且樂足以宣通陰陽之氣祈雨致祭仍當用樂為是至是復議奏凡祈雨

之祭時當待澤孔殷闕誠致禱與因事祇告之禮原有不同儀文自宜周備應遵 旨仍用樂章其

太歲壇祈雨樂章交樂部另行撰擬從之 二十四年增定慶賀 頌詔中和樂章時回部悉平

於冬至次日王公羣臣行慶賀禮 欽頒恩詔 皇帝御太和殿陞座中和韶樂奏遂平之章違宮

中和韶樂奏允平之章通考

二十六年鑄造鈔鐘先是古鐘十一圍出自江西撫臣恭進 皇上辨正法疏異同定為鈔鐘至是

命莊親王欽遵 聖祖御定律呂正義鐘律尺度鑄造十二律鈔鐘一分以備特懸其舊有鈔鐘

內缺一圍亦依式補鑄嗣又經和碩莊親王等奏請以和闐玉製造特磬十二處用儼鈔鐘以備聲

振之全並請 御製銘詞鐫識於上通典

二十四年九重文與頌要各編

卷三百十五 皇朝 樂

三 約雅堂藏板

四十八年 上御乾清宮 賜宗室王貝勒貝子公以下及四品頂帶宗室等宴 陞座奏隆平之章進茶奏瑞旭中天麗之章進酒奏珠斗杓迴之章進饌奏景麗仙瀛之章奏世德舞禮畢 還宮奏慶平之章

通考

### 右樂制

虞書云詩言志歌永言聲依永律和聲故鄭樵志樂謂樂以詩爲本詩以聲爲用其所列四門皆系以聲而輒以聲歌湮沒風雅不分爲言蓋必有聲律身度之聖人斯能推闡精微折衷美善以昭盛德之形容也洪惟我 國家 列聖相承功成治定作爲大樂美備詳明 聖祖仁皇帝貫通理數特揭正樂審音和聲定律協均度曲之旨詳載律呂正義一書垂示萬世而於審比聲歌之事猶有待也我 皇上極建中和業隆繼述以前書內尙少樂章字譜用加釐正別陰陽辨清濁音律之高下節奏之短長咸分刻而節比之務使律呂各得其宜歌奏不紊其序故自 郊 廟登歌 朝廷宴饗以及丹陛導迎鏡歌鼓吹遠方藩服之音于蕭羽翮之制莫不繪圖定譜列入律呂正義後編夫而後 聖祖之所爲審音定樂制器協均者一一施諸實用至於一切 慶典舉行每 親製宸章宣諸金石卽 令臣工撰擬亦必 特加訂定一歸敦雅莊和此所由廣大清明成文從律洋洋乎載如地而疇如天上媿簫韶之雅奏也

通志

三十六采詞

世宗憲皇帝御製遇行耕藉禮時用金鼓簫篳笙拍各六歌采詞樂工十四名於耕

藉所排列候行禮時樂工鳴鑼鼓歌此詞

採桑歌 皇后採桑時童監歌採桑詞者十人金鼓拍版各二簫篳篥各六排立桑外東西徑道唱

之以上  
通典

鑾歌鼓吹曲 聖皇出 遼水奠 安隴右 豫章翻 掃七閩 海波平 平五羊 桂水深

鑾渠魁 洞庭湖 收成郡 克黔陽 定昆明 文德舞 謹按右鑾歌鼓吹曲康熙二十年臣

徐嘉炎上 聖皇出 皇帝受命也遼水奠平察哈爾之亂也安隴右平王輔臣也豫章翻定江西

賊也掃七閩平耿精忠也海波平驅海寇鄭錦也平五羊討尚之信也桂水深定廣西亂也鑾渠魁

吳三桂伏天誅逆黨漸自解散也洞庭湖平湖南郡縣也收成郡平全蜀也克黔陽定貴州也定昆

明誅吳世璠平全滇也文德舞告成功也凡一十四章

大駕南巡樂府 東南春 歲星謠 江水清 桃花然 謹案右樂府四章康熙二十八年臣趙

執信上東南春道路無擾也歲星謠蠲租稅也江水清吏知法廉也桃花然變民俗也

北平雅 成命 皇祐 天監 謹按右雅三篇康熙三十六年臣宋駿業上成命九章 天子自

將出塞靖邊慶安萬世也 皇祐九章 天子再出塞料軍實決機宜也天監九章 天子三出塞

况醜窮蹙服天誅集大功也

聖駕北巡鑾歌 撫萬國 乘法駕 紫壇高 六龍旋 謹按右鑾歌四章康熙三十六年臣沈

四 約雅堂藏板



二十四史通正典卷之三  
三  
函上撫萬國 天威北指厄憐特遠道也 乘法駕 大駕巡邊喀爾喀等墾切輸誠也紫壇高  
總合天人甘霖應沛也 六龍旋 還宮齋祓 親詣北郊行禮也

大駕親平沙漠還京凱歌 皇矣 有山崔嵬 從軍樂 絕大漠 二儀樂 雄狐 歌凱旋

謹按右凱歌七篇康熙三十六年臣姜宸英上皇矣頌 宸斷也有山崔嵬述貞符也從軍樂卽將  
士也絕大漠頌 神武也二儀樂好生也雄狐美諸將能禦 神算成大功也歌凱旋樂寇平 大

駕早還也

番部合奏樂章三十三章 大合曲 染絳曲 公莫 雅政詞 鳳凰鳴 乘驛使 兗豈 西嶽

曲 政治詞 千秋詞 鴻鵠詞 慶君侯 慶夫人 羨江南 救度詞 大番曲 遊逸詞 興

盛詞 豔治曲 慶聖師 白鹿詞 合歡曲 白駝歌 流鶯曲 君侯詞 夫人詞 賢士詞

舞詞 鼗鼓曲 調和曲 謹按茄吹樂章六十七章番部合奏樂章三十一章皆乾隆七年定於

皇帝筵宴進果進酒進饌清樂止慶隆舞畢後奏之如恭遇 盛京大宴凱旋 賜宴並擇奏數

闕考鄭樵所載九部樂當時第演習其聲無與服教長神之盛也我 朝中外一家化隆道洽遠方

藩服之樂登奏 殿廷茲謹備列笏吹諸樂章以方周禮鞀鞀氏之職掌焉

古稀祝嘏樂章 謹按乾隆四十五年 皇上七旬萬壽藏僧班禪額爾德呢恭獻此詞 聖祖延

洪遠方忭祝聲教之廣 福祚之隆於斯並可仰見云以上並通志

右樂章

周禮以六舞大合樂自後歷代因之制之沿革不同皆所以和神人而象功德也我朝舞制亦仍前代之舊而斟酌盡善損益得中蓋列聖相承文德武功度越前古周禮六代之舞於今復觀其盛矣謹次樂舞聲容儀節之美備而於樂員人數服色之制亦附記焉

通考

順治元年定樂舞人員額數及服色之制凡樂舞儀節令協律郎等官教習作文德武功之舞祭日典儀官唱樂舞生就位初獻樂作司樂執節引武舞生執干戚進奏武功之舞舞畢樂止武舞生退亞獻樂作司樂執節引文舞生執羽籥進奏文德之舞終獻樂作如之舞畢樂止文舞生退

通典

凡樂舞儀節本寺令協律郎等官教習遇有祭祀先期於凝禧殿演習至祭日司爵司香捧帛捧爵焚香等事俱用執事樂舞生又有樂生文舞生武舞生執旌節樂舞生應給淨衣俱行文工部取用康熙十二年定舞官各賞蟒緞大緞樂舞人等各賞紬緞細布有差十六年定織造樂舞生袍帶凡

祭祀通贊樂舞生袍帶據太常寺來文式樣數目行浙江織造

以上通考

乾隆七年定大雩童子舞制用舞童十六人衣元衣爲八列各執羽翳終獻後文舞生退司樂引

舞童進典樂唱舞童歌詩舞童按舞而歌歌畢乃望燎其羽翳俱染五彩本周禮皇舞之式

通志

詔定舞譜奉諭鄭世子樂書等書俱有舞譜本朝舞制並無記載應作何載入書內之處著傳諭

莊親王張照知之嗣經莊親王等詳考各祭祀樂舞聲容儀節纂成舞譜奏准載於律呂正義後編

垂爲定制

通考

右樂舞

禮運五聲六律十二管旋相爲宮自漢以後律學不明旋宮之義失傳我 聖祖仁皇帝親製律呂妙協宮商清濁分均辨陰陽之相配管絃同度明應和之各殊夫而後五聲二變之用悉貫通於十二律呂之中而古樂復昌明於 盛世

通考

律呂正義黃鐘理數篇曰按律呂新書黃鐘九寸空圍九分積八百一十分註曰天地之數始於一終於十其一三五七九爲陽九者陽之成也其二四六八十爲陰十者陰之成也黃鐘陽聲之始陽氣之動也故其數九分寸之數具於聲氣之元不可得而見及斷竹爲管吹之而聲和候之而氣應而後數始形焉均其長得九寸審其圍得九分積其實得八百一十分長九寸圍九分積八百一十分是爲律本度量權衡於是而受法十一律由是而損益焉朱子以爲本原第一章是最大節目蓋上古聖人心通造化默會中聲製爲黃鐘適符天地自然之數漢晉而後凡究心於律呂者因未詳考黃鐘之眞度是以中聲無由而得今欲定黃鐘之管必先定黃鐘之度旣得黃鐘之度乃攷其周徑面幕積實之相生而較以容黍之多寡然後製以器審以音一一脗合則理之出於自然者無不歸於大同矣 律呂正義後編律由數起篇曰問漢志言度量衡皆起於律又曰推歷生律律呂新書則曰分寸之數具於聲氣之元不可得而見及截竹爲管吹之而聲和候之而氣應而後數始形

焉然則數由律起乎抑律由數起乎曰律由數起也漢志曰推歷生律制器規圓矩方權重衡平準繩嘉量探鑿索隱鈎深致遠莫不用焉度長短者不失毫釐量多少者不失圭撮權輕重者不失黍象紀於一協於十長於百大於千衍於萬其法在算術觀志所言是律生於數而度量衡又起於律也後漢志曰物生而後有象象而後有滋滋而後有數天地初形人物既著則算數之事生記稱大撓作甲子隸首作算數二者既立以比曰表以管萬事一十百千萬所同用也律度量衡歷其同用也是又言律與度量衡同起於數也蔡元定曰律未成之前有數而未見律成而後數形焉度之成在律後度之數在律前故律之長短圍徑以度之分寸之數而定是又言律起於數度成於律而律又定於度也凡此皆律由數起之義也 律呂正義後編律呂分均篇曰周禮太師掌六律六同以合陰陽之聲陽聲黃鍾太簇姑洗蕤賓夷則無射陰聲大呂夾鍾仲呂林鍾南呂應鍾皆文之以五聲宮商角徵羽夫既曰合陰陽之聲矣而又分別之曰若者陽聲若者陰聲明乎陰陽之可合而不可雜也且曰皆文之以五聲明乎陽律陰呂各有五聲也向使律呂而可相雜則周禮何不直云十二律又何不渾言之曰律呂而必條分縷晰曰六律六同陰聲陽聲云爾哉且周禮大司樂之用六樂也所奏者黃鍾太簇姑洗蕤賓夷則無射所歌者大呂應鍾南呂林鍾仲呂夾鍾儻律呂之可雜用何不於所奏者一參以呂或於所歌者而一錯之以律乎是其奏與歌有相合無相混也國語伶州鳩曰律所以立均出度也古之神瞽考中聲而量之以制夫黃

國語本作六中朱子作黃

黃鐘二曰太簇三曰姑洗四曰蕤賓五曰夷則六曰無射爲之六間以揚沈伏而黜散越也元間大呂二間夾鐘三間仲呂四間林鐘五間南呂六間應鐘律呂不易無姦物也彼其於律呂也既分別次第而數之又各自連類而數之未嘗曰一黃鐘二大呂三太簇四夾鐘云云也且其曰律呂不易云者言其各有條理不相互易交而後乃無姦物也

按杜典於十二律備言律呂分屬陰陽此條論清濁分均正深明律呂陰陽不相紊雜之義故

謹錄於此不贅列通於旋宮法內云

典

定律呂之長損益相生篇曰自古論律呂者必先考黃鐘之長黃鐘之長定而十一律呂皆由此定以古尺通之今尺比例推求然後真數可得以古尺言之黃鐘九寸得六寸爲林鐘八寸爲太簇五寸三分三釐三毫三絲三忽三微三纖有奇爲南呂七寸一分一釐一毫一絲一忽一微一纖有奇爲姑洗四寸七分四釐零七絲四忽零七纖有奇爲應鐘六寸三分二釐零九絲八忽七微六纖有奇爲蕤賓八寸四分二釐七毫九絲八忽三微五纖有奇爲大呂五寸六分一釐八毫六絲五忽五微六纖有奇爲夷則七寸四分九釐一毫五絲四忽零九纖有奇爲夾鐘四寸九分九釐四毫三絲六忽零六纖有奇爲無射六寸六分五釐九毫一絲四忽七微四纖有奇爲仲呂仲呂三分益一得八寸八分七釐八毫八絲六忽三微三纖有奇比之黃鐘九寸不足一分二釐一毫一絲三忽六微六纖有奇以今尺言之黃鐘七寸二分九釐則林鐘得四寸八分六釐太簇得六寸四分八釐南呂得四寸三分二釐姑洗得五寸七分六釐應鐘得三寸八分四釐蕤賓得五寸一分二釐大呂得六

寸八分二釐六毫六絲六忽六微六纖有奇夷則得四寸五分五釐一毫一絲一忽一微一纖有奇  
夾鐘得六寸零六釐八毫一絲四忽八微一纖有奇無射得四寸零四釐五毫四絲三忽二微有奇  
仲呂得五寸三分九釐三毫九絲零九微四纖有奇至仲呂上生比黃鐘原數不足九釐八毫一絲  
二忽零六纖有奇夫古尺之度爲數多今尺之度爲數少數多者橫黍之所生數少者縱黍之所累  
數之多少雖異而管之長短則同今尺之七寸二分九釐正古尺之九寸也至於仲呂不能還生黃  
鐘乃數之使然蓋十二律呂上下相生損之漸少而益之不足故仲呂上生之變黃鐘雖不及黃鐘  
一分上下而其數仍與黃鐘相近不得自成一律其聲亦與黃鐘相近不能自成一音細釋其理下  
生而損上生而益損益之間數有稍長亦如氣盈朔虛之有閏分此古人所以以律呂配之十二月  
也

右樂律

聲音之道由器數以宣器數不準於律而欲收依永和聲之雅難矣我朝禮明樂備集千古之大  
成第郊壇廟祀朝會燕享諸樂器典于伶官藏于內府其見于禮器圖及西清寶鑑等書者又  
非人間所能窺見易致譌舛今謹詳列其制以補前考所未備庶使審音察理者參稽考索知所辨

證云

通考

金一

鐘

編鐘

方響

雲鑪

大銅角

小銅角

金

鉦

金

口角

蘇

鑪

鑪

鑪

鑪

鑪

鑪

二

三

四

五

六

七

八

九

十

十一

十二

十三

十四

十五

十六

十七

十八

十九

二十

注鑄如鐘而大樂器圖鑄鐘十二各應律呂之音凡合樂以某律爲宮則擊本律之鐘以宣之孟子所謂金聲是也乾隆二十四年冬于西江得鑄鐘十一 皇上命遵 聖祖仁皇帝所定七寸二分九釐爲黃鐘之數參考本律倍半之法稱鑄其一足成十二又另鑄鑄鐘十二以備特懸 御製銘詞鑄試其上 編鐘十六枚爲一虞陰陽各八以厚薄爲次第薄者聲濁厚者聲清故外形皆同一制而中空容積之多寡實體之厚薄依次遞減之 方響十六枚以銅爲之長闊皆一制亦以厚薄分清濁應十二正律四倍律以小銅槌擊之 雲鑼十面其一木架厚薄有損益與編鐘同卽雲球也元史始見于宴樂 大銅角一名大號上下二截形如竹筒本細末大 小銅角一名二號上截如筒下截如角金邊穿二孔以黃絨繫擊于木柄左手提而右手擊之 鈺形如盆外用木匡鈺邊匡周俱平分三分各穿二孔以黃絨繫擊之掛於頂隋後曲簿皆有鈺而形制不詳通典則曰鈺如大銅疊懸而擊之通考則曰鈺形圓如銅鑼明制有金又有鈺我 朝因之金卽鑼征則如鑼而有邊是則今之鈺制自唐已然而今之金卽宋之鈺也 金口角舊名瑣吟木管本小末大上下金口加蓋哨吹之其名不知所自起或始于方言云 銅鼓邊有二孔以黃絨繫懸而繫之陳暘樂書謂昔馬援征交趾得賂越銅鼓鑄爲馬式此其迹也范成大桂海器志謂如坐墩而空其中兩人昇行以手拊之聲似鞀鼓則實始于嶺南云 銅點制如銅鼓而小後世用以爲點故以爲名今之節奏先擊點乃擊鼓鼓再擊乃擊銅鼓則是點與銅鼓爲應和亦猶將擊鼓先擊鞀也 鈸中有孔以黃

絨緞質之兩面相擊以和樂始於隋九部樂唐乃用之燕樂唐末樂器散亡遼得之具于大樂元明史志不載此器今 行幸用之 蒙古角亦名蒙古號水質空心上下二節末加鍍金銅口雌雄各一雄者內徑微大而聲濶雌者內徑微小而聲清其長短皆相等唐書禮樂志金吾所賞有大角爲魏之箴邏回卽此 口琴以鐵爲之一柄兩股中設一簧簧端點以蠟珠銜股鼓簧以成音 哈爾扎克回樂狀類胡琴以柳爲槽其末圓頂以馬尾二縷爲絃馬尾絃下有網絲絃另以圓木桿爲弓以馬尾爲絃以弓絃軋馬尾絃應網絲以取聲 喀爾鼎回樂狀類洋琴木胎中空左端直右端曲左端上面施木梁以繫鋼絃之本網絃之末施木軸入於右端立面孔內轉其軸以定絃之緩急以手扞撥指彈之取聲 蘇爾鼎回樂一名瑣琮狀類金口角木管本大末小上下飾以金木管口上安銅管銅管上口安蘆哨應笛聲 謹按蒙古角口琴等器皆蒙古樂 國初時卽已取用哈爾扎克喀爾鼎蘇爾鼎諸器與革之達卜那噶喇絲之塞塔爾喇巴十竹之巴拉滿並回部樂我 皇上德威遠播西邇二萬餘里盡入版圖其國俗樂器與高麗國俳喀爾喀樂並陳宴享方諸周禮鞀鞀之掌益昭無遠弗届之休已

石二

特磬

特磬爾雅大磬謂之鞀周禮注特磬十二依辰次陳之以應其方之律朱子云鐘磬有特

編磬

懸者器大而聲宏故于起調畢曲之時擊之以爲作止之節此皆言特磬卽孟子所謂玉振是也乾隆二十五年西域者定和闐貢玉可叶鳴球因 命依律琢爲特磬 御製銘詞鑄識其上磬凡十



二以儻鐃鐘 編磬十六枚同在一處長闊皆同一制其厚薄則有損益應律與鐘同明代 圖五  
磬用玉今 祈穀壇亦用玉餘俱靈璧石周禮巽飾以鱗今則鐘巽以龍而磬巽以鳳業亦如之其  
數必十六枚與編鐘之陰陽各八同陳鳴樂書謂古制不過十二其說非是

土三 壘燒土爲之朱漆繪金雲龍垂五彩流蘇爲飾有黃鍾壘大呂壘黃鍾壘以八倍黃鍾積  
爲體大呂壘以七倍黃鍾積爲體皆頂上一孔前四孔後二孔律呂正義後編曰風俗通曰有四孔  
其二通凡六孔是必四孔之外又有二孔與四孔之二相連蓋前四後二之謂故曰凡六孔朱載堉  
謂塌腰四隅各開一孔相對透明雖顯四孔只是兩孔之通則下文凡六孔句意不相承又云六孔  
卽前三後二併吹孔之謂尤與所云四隅各開一孔者自相矛盾故知風俗通所云六孔者必四孔  
並通而爲六非並吹孔爲六也

革四

建鼓

搏拊

大鼓

杖鼓

小杖鼓

手鼓

龍鼓

行鼓

導迎鼓

排鼓

建鼓

以木爲匡

以革穿徑爲方孔

以柱

貫其中

而樹之

跌上爲座

以受柱圓柱之上爲托雲以承鼓柱貫鼓上出以擊蓋蓋上壓梁上植  
金鸞律呂正義後編曰考明堂位曰殷楹鼓周大射禮用建鼓隋志曰植而貫之謂之建鼓元史樹  
鼓四每樹三鼓中植以柱曰建鼓惟明會典則曰應鼓或以其度小于晉鼓而名之然孔穎達謂應  
鞀爲應和建鼓則建者不當名爲應也 搏拊如鼓而小匡上銜小金環以黃絨絛擊之橫置之跌  
凡合樂工人掛于頸以手擊之律呂正義後編曰書搏拊琴瑟孔安國以搏拊爲樂器蔡以爲作用

之名然周禮有令奏擊拊下管之文則在古必有其器其用則鼓每一擊拊再擊以爲應和之節  
大鼓腹內安銅膽平懸架上律呂正義後編曰孔穎達謂懸鼓卽大鼓陳曠謂後世大鼓卽鼗鼓  
然古鼓橫懸于篋今則平懸于架似不同隋唐鼓吹有大鼓然用之大駕則非懸于篋處可知宋有  
散鼓教坊鼓樂圖皆平置與今相似 杖鼓上下二面木匡細腰以紅漆竹片擊之其制始于漢魏  
今有大小二種 小杖鼓元史謂之扎鼓左手持而右手擊之蓋後周杖鼓有三等之遺制 手鼓  
不知其所自起左手持而右手以槌擊之周禮小師小樂事鼓鞀此或其遺 龍鼓匡繪五彩雲龍  
四旁金銅環繫以黃絨緋陳則置鼓于架行則掛鼓于項歷代鹵簿鼓名不一古橫懸有蓋今平置  
有衣微不同 行鼓一名陀羅鼓上天下小匡貼金銅釘鈸環繫以黃絨緋跨于馬上下馬陳樂則  
懸之于架按唐有三面鼓形如缸首廣下銳冒以虺皮類此 導迎鼓制如大鼓而小匡繪五彩雲  
龍腹內安銅膽麝香鍍金環以黃絨緋舉之 俳鼓朝鮮國樂制與鹵簿龍鼓相似而微小兩旁施  
銅環以黃扁緋繫于項 達卜回樂木腔冒以革以手指擊之 那噶喇回樂狀類行鼓鐵匡上大  
下小冒以革以二木杖擊之

絲五琴

瑟 箏 琵琶

三絃

奚琴

六絃箏

胡琴

月

琴前廣後狹上圓下方通長三

尺一寸五分九釐爲黃鍾四倍又三分之一絃長二尺九寸一分六釐爲四倍黃鍾之度凡七絃面  
用桐木底用梓木黑漆虛中岳山焦尾用紫檀徽用螺蚌爲飾以漆金几承之 瑟前廣後狹面圓

底平中高首尾俱下通長六尺五寸六分一釐爲九倍黃鍾之度絃長四尺三寸七分四釐爲六倍黃鍾之度絃凡二十有五通體桐木黑漆身繪雲龍首尾繪錦邊繪雲梁用紫檀絃孔用螺蚌爲飾以漆金架二承之 箏似瑟而小十四絃各隨宮調設柱和絃以諸律呂通體用桐木金漆梁及尾邊用紫檀絃孔用象牙爲飾唐書言十三絃或十二絃制不可考今十四絃則五聲二變爲七倍之故爲十四也 琵琶曲首長頸廣腹圓背四絃其制大小不等四象十三品多以意爲遷就彈者難之

三絃方槽圓角以蛇皮木柄下曲貫槽中上直與槽面平通體用紫檀山口及軸用象牙柱用竹定絃取聲各隨宮調其制不知所自起唐書有龍首琵琶頭琵琶皆三絃飾以鼈皮則似亦唐制 奚琴剝木爲體二絃以木桿繫馬尾軋之 六絃箏陳暘謂天寶中史盛作六絃琵琶今蒙古

箏六絃意亦唐制 胡琴似琵琶而下銳龍首皮腹背有脊板二絃以木桿繫馬尾軋之元史胡琴如和必斯卷頸龍首二絃用弓揆之弓之絃以馬尾則胡琴亦奚琴類是也但槽端彼方此尖槽面彼覆以木此冒以皮微不同 番胡琴椰槽竹柄二絃以竹弓繫馬尾施絃間軋之較奚琴制微短彼槽以木此以椰彼柄以木此以竹彼軋以木桿此以竹弓 月琴八角木槽而微凹其面柄貫槽中四絃覆手曲首似琵琶通體用紫檀槽面用桐木本名阮咸王圻三才圖繪曰元行沖以其形似月聲似琴名月琴今人但呼曰阮 二絃方槽底面有孔木柄曲首覆尾如琵琶又似三絃但鼓方耳 提琴圓木爲槽上冒蟒皮而空其下竹柄貫槽中柄端刻木爲龍首柄有小環貫四絃于其中

槽面正平設柱以承絃竹片爲弓馬尾雙絃夾四絃間而軋之 和必斯似琵琶而狹小直柄曲首  
四絃柄下腹背如蘆節通體用桐木 軋箏似箏而小十絃以木桿軋之元史禮樂志繁如箏七絃  
有柱用竹軋之則箏亦軋箏之類 塞塔爾回樂木槽通柄槽如茄形面平下圓冒以革柄面平背  
圓兩側有八軸絃絃二雙綱絃一單綱絃六應絃絃以取聲 喇巴下回樂狀類胡撥木槽通柄絃  
絃五綱絃二上端曲向後以施絃軸柄槽形似半瓶曲柄兩旁施五軸通五絃絃而繫于軸以手冒  
撥指彈之應綱絃以取聲

木六

祝所敲拍板

拍

番部拍

祝所以起樂上闊下小狀如方斗三面正中各設圓鼓以受擊一面開圓孔

以出音椎用綠漆八楞律呂正義後編曰考擊之法鄭樵謂有椎柄連底旁開孔內手于中擊之本  
于郭璞及通典唐志之說但連底桐之令左右擊則是鈴鐸之屬其器應俯而不應仰至內手孔中  
撞之則其器又應高而不應卑今用鄭康成設投椎其中撞之其一面有孔者始如琴瑟底之有孔  
以取聲非便于內手其中也 故所以止樂狀如伏虎背上有二十七齟齬通體有紅黑斑紋跌以  
金漆旁施兩耳以置甌籥以竹爲之律呂正義後編曰擊鼓之法先三擊首而後夏其背唐宋已然  
朱載堉謂不必添擊首三聲第以傳注無擊首之說耳然古制多不可考據今稽古故從其舊 拍  
板用堅木爲之六片以黃絨糾聯之左右各三片合擊以爲樂節周禮春牘應雅皆節樂之器後世  
代之以板魏晉以來已有之元惟用於燕樂明始用于丹陛樂 拍紫檀板四片以絃合三片爲一

束執一片拍之 番部拍紫檀板三片以二片爲一束執一片拍之拍小於拍板番部拍又小於慶隆舞拍其用則同

匏七笙 大笙十七簧不接紫檀木以代匏爲管本攢取管於一匏而其一吹口每管設簧以取音

小笙之制如大笙而四管無簧故簧止十三管律呂正義後編曰笙爲匏音其以木代匏者笙之音以簧不以匏列管匏中取其能納氣以鼓簧耳以匏爲笙首固清越但質不堅不能經久故以木代之而與匏音亦無差別至簧數之多寡漢魏諸儒皆謂十二簧郭璞謂大笙十九簧小笙十三簧宋書謂南蠻笙有十六簧陳暘樂書始言宋大樂笙並十六簧又言唐樂圖所傳有十七管笙有十二管笙後周鄭譯獻十六管笙李照作二十四管笙孟蜀進三十六管笙而宋史乃曰巢笙十九簧和笙十三簧皆用十九數而以管之長短聲之大小爲別十三簧者曰閏餘匏九簧者曰九星匏七簧者曰七星匏律呂精義疑十九簧者名竽又名巢十三簧者名笙又名和諸說固自不同而小笙十三簧則未之有異其爲古制無疑然今小笙十三簧有無簧之四管實亦十七管大笙十七簧而四管不用實亦十三簧耳蓋管之必以十七者所謂以象鳳翼而止用十三簧者以聲止十三而無十七也

竹八

排簫 簫 笛 篪 管 篴

排簫十六管爲一具卽十二正律加四倍律也律呂正義後

編曰管皆用竹兩旁管長參差漸短如兩翼然蔡邕及三禮圖皆主二十四管十六管隋宋元志明

會典皆止十六管然則今之排簫蓋古簫之小者十六管備陰陽二均足旋宮之用與編鐘編磬相應有架古以竹爲之今用木亦自宋以來相傳之舊 簫卽古之笛體用紫竹簫笛之制古法皆用角律黃鍾者陽律一均之正宮而姑洗其正角大呂者陰呂一均之清宮而仲呂其正角故用姑洗簫應陽均用仲呂簫應陰均以配排簫之音最爲和協 笛卽古之橫吹體用蘆竹用與簫同以姑洗笛協排簫陽律一均之用以仲呂笛協排簫陰呂一均之用 箎體用竹間纏以絃吹口之上塞之令氣不洩周禮笙師注鄭司農云箎七孔禮圖曰九孔廣雅隋書孔疏賈疏皆曰八孔宋史明會典曰六孔今定一孔上出五孔向外一孔向內一孔在底近底下出並開二孔統計爲十孔除吹孔底孔與二小孔不數則爲六孔 管用堅木或骨角爲之兩端象牙爲飾大管以姑洗律爲體小管以黃鍾半積同形管爲體各設哨於管端大管九孔小管八孔蓋六孔已具七音八孔則七音兼二清聲九孔則七音兼四清聲也 畫角木質空心腹廣端銳設木哨入角口吹之 胡笳本角音今上下用角卽古角遺制 箎箎喀爾喀樂卽唐蘆管但多金口 巴拉滿回樂狀類頭管以木爲之本小末大飾以金木管上口安蘆哨應笛聲

八音之外又有二 麾黃帛爲之其制見於唐志歷代因之舉之而樂作偃之而樂止故麾雖非樂器實樂器之綱 戲竹一對二人執之立丹陛上舉以作樂偃以止樂其制始見於元史禮樂志言長二尺餘明制則長一丈一尺二寸朝會導迎皆用之我 朝因明之制蓋丹陛樂無祝嘏樂設

太和門上惟有戲竹在丹陛上視其門合以爲作止之節舉而合向則樂作偃而開植則樂止也戲

音塵與麾同以上並通典

右樂器

八音 右樂器 一 樂器之類也 凡樂器之類也 凡樂器之類也 凡樂器之類也 凡樂器之類也

凡樂器之類也 凡樂器之類也 凡樂器之類也 凡樂器之類也 凡樂器之類也 凡樂器之類也

凡樂器之類也 凡樂器之類也 凡樂器之類也 凡樂器之類也 凡樂器之類也 凡樂器之類也

凡樂器之類也 凡樂器之類也 凡樂器之類也 凡樂器之類也 凡樂器之類也 凡樂器之類也

凡樂器之類也 凡樂器之類也 凡樂器之類也 凡樂器之類也 凡樂器之類也 凡樂器之類也

凡樂器之類也 凡樂器之類也 凡樂器之類也 凡樂器之類也 凡樂器之類也 凡樂器之類也

凡樂器之類也 凡樂器之類也 凡樂器之類也 凡樂器之類也 凡樂器之類也 凡樂器之類也

凡樂器之類也 凡樂器之類也 凡樂器之類也 凡樂器之類也 凡樂器之類也 凡樂器之類也

凡樂器之類也 凡樂器之類也 凡樂器之類也 凡樂器之類也 凡樂器之類也 凡樂器之類也

凡樂器之類也 凡樂器之類也 凡樂器之類也 凡樂器之類也 凡樂器之類也 凡樂器之類也

凡樂器之類也 凡樂器之類也 凡樂器之類也 凡樂器之類也 凡樂器之類也 凡樂器之類也

凡樂器之類也 凡樂器之類也 凡樂器之類也 凡樂器之類也 凡樂器之類也 凡樂器之類也

二十四史九通政典類要台編卷二百十六

皇朝二十四

兵 兵制 軍令 教習 雜語 馬政

設兵之制歷代因革損益雖互有不同而其實不甚相遠其出于持綏而無所因襲者則我朝八旗之制是也敬朝國初先編立四旗以統人衆尋以歸服益廣乃增建爲八旗其德將滿洲蒙古漢軍之衆而合于一也迨其後戶口日繁又編蒙古八旗設官與滿洲等編漢軍八旗設官與滿洲蒙古等合爲二十四旗其制以旗統人即以旗統兵蓋凡隸于旗者皆可以爲兵非如前代有命派召募充補之煩而後收兵之用也洎乎寶錄攸歸中外一統復設綠旗營以統漢兵蓋本朝建旗辨色以相勝爲用于是五德兼全五行悉備內而京營則有親軍前鋒護軍驍騎步軍之分或用上三旗或兼用八旗外而直隸各省凡駐防兵用八旗各標及營汛兵用綠旗百餘年來增損隨時悉臻盡善至于外藩諸部奔走借來分職編旗與內八旗相等有大征伐並帥師以從斯尤柔遠之鴻圖迄于無外者也

太祖高皇帝辛丑年初設四旗先是癸未年太祖以遺甲十三副起事征尼堪外蘭敗之益厲兵力以次削平諸部歸附日衆初定出兵校獵不論人之多寡各隨旗黨屯寨而行每人各取一矢十人設一長領之其長稱爲牛象額真是始分爲四旗曰黃旗曰白旗曰紅旗曰藍旗以純色爲辨



每旗下以三百人爲一牛彖轄以牛彖額真一人 謹案是年爲編牛彖之始嗣後續設固山額真  
梅勒章京甲喇章京等官至順治十七年始定漢字稱都統副都統參領佐領等名茲謹仍舊稱以  
昭初制

甲寅年定八旗之制以初設四旗爲正黃正白正紅正藍增設四旗爲鑲黃鑲白鑲紅鑲藍黃白藍  
均鑲以紅紅鑲以白合爲八旗統率滿洲蒙古漢軍之衆每三百人設牛彖額真一人五牛彖設甲  
喇額真一人五甲喇設固山額真一人每固山設左右梅勒額真二人時滿洲牛彖三百有八蒙古  
牛彖七十六漢軍牛彖十六行軍時地廣則八旗並列分八路地狹則八旗合一路而行 謹案嗣  
後生齒日繁及中外臣民歸服者益衆隨時增編滿洲蒙古漢軍佐領無定額

天命五年改設八旗官設總兵官分爲二等其副將參將遊擊亦如之各牛彖額真俱爲備禦官每  
牛彖下設千總四人以上通考

天聰八年定八旗官名 諭凡我國官名皆當易以滿語勿仍襲漢語舊名合衆爲釐定五備禦之  
總兵爲一等公一等總兵官爲一等按班章京二等總兵官爲二等按班章京三等總兵官爲三等  
按班章京一等副將爲一等梅勒章京二等副將爲二等梅勒章京三等副將爲三等梅勒章京一  
等參將爲一等扎蘭章京二等參將爲二等扎蘭章京遊擊爲三等扎蘭章京備禦爲牛彖章京旗  
長爲專尼達凡管理不論官職管固山者卽爲固山額真管梅勒者卽爲梅勒章京管扎蘭者卽爲

扎蘭章京管牛彖者卽爲牛彖章京管巴雅喇推額真卽爲推章京管巴雅喇扎蘭額真卽爲巴雅喇  
喇扎蘭章京嗣後皆昭我國新定者稱之又定八旗兵名 諭滿洲蒙古漢人前此騎步守哨等兵  
雖各有管伍未分名色故止以該管將領姓名稱爲某將領之兵今宜分辨名色永爲定制隨固山  
額真行營馬兵爲阿禮哈超哈巴雅喇管前哨兵爲噶布什賢超哈駐防盛京兵爲守兵預備兵爲  
援兵各城寨兵爲守邊兵舊蒙古左營爲左翼兵右營爲右翼兵舊漢兵爲烏珍超哈元帥孔有德  
兵爲天祐兵總兵官尙可喜兵爲天助兵 謹按阿禮哈超哈爲駝騎營之始巴雅喇爲護軍營之  
始噶布什賢超哈爲前鋒營之始烏珍超哈爲漢軍之始天祐天助兵後俱歸入漢軍

九年設蒙古八旗以八年所獲察哈爾部千餘戶及是年察哈爾來歸各官並壯丁三千二百餘名  
編番人丁及舊喀喇沁壯丁分爲蒙古八旗其旗分爲滿洲八旗同每旗設固山額真二人梅勒章  
京扎蘭章京各二人分轄所編牛彖

崇德二年分漢軍爲二旗以滿洲各戶下漢丁共一千五百八十戶令舊漢兵之將領官統之分爲  
左右翼二旗其旗色皆用皂每旗設固山額真一人轄所編牛彖 四年分漢軍爲四旗定旗色一  
以皂鑲黃一以皂鑲白一以皂鑲紅一純用皂色每旗設固山額真一人梅勒章京二人扎蘭章京  
四人牛彖章京十八人 七年設漢軍八旗定旗色與滿洲八旗同每旗設固山額真二人梅勒章

京二人扎蘭章京五人

以上通典

順治元年 世祖章皇帝定鼎燕京分置滿洲蒙古漢軍八旗于京城內鑲黃正黃旗居北方正白

鑲白旗居東方正紅鑲紅旗居西方正藍鑲藍旗居南方左翼自北而東自東而南鑲黃旗在安定

門內正白旗在東直門內鑲白旗在朝陽門內正藍旗在崇文門內右翼自北而西自西而南正黃

旗在德勝門內正紅旗在西直門內鑲紅旗在阜城門內鑲藍旗在宣武門內 又定八旗驍騎管

制滿洲蒙古漢軍各八旗每旗各設都統一人副都統二人所屬參領滿洲漢軍每旗各五人蒙古

每旗各二人 康熙三十四年增設委署參領雍正元年改為副參領 佐領約以三百人為率隨時編設無定額驍騎校每佐領

下一人稽所編人戶田宅兵籍 又定八旗都統所轄甲兵 本朝兵制各旗之官員兵丁其戶口屬籍無不隸于都統至于簡用充補自

驍騎管而外則各該管大臣分領焉 滿洲蒙古旗各佐領下設親軍上三旗者隸領侍衛內大臣下五旗者隸宗室王

公設前鋒隸前鋒統領設護軍隸護軍統領 康熙三十年于滿洲蒙古旗增設烏槍護軍烏槍驍騎

護軍管總統乾隆十四年設 設步軍統領及步軍隸步軍統領其本管領備與驍騎及弓匠或鐵匠

鞍匠等各隸本旗都統漢軍旗每佐領下設步軍統領及步軍隸步軍統領其本管領備與驍騎 雍正

二年于漢軍每佐領下驍騎內設藤牌兵四名乾隆 各隸本旗都統 又定八旗前鋒營制滿洲蒙

元年定漢軍每旗設藤牌兵一百名于驍騎內選充 古八旗分左右兩翼每翼各設前鋒統領一人率前鋒參領前鋒侍衛前鋒校等其所轄為前鋒營

兵備警蹕宿衛 又定八旗護軍營制滿洲蒙古八旗各設護軍統領一人率護軍參領 雍正元年

增設副護 領 軍參 護軍校等其所轄為護軍營兵備警蹕宿衛及門禁傳籌 設領侍衛府滿洲蒙古鑲黃正黃

正白上三旗設領侍衛內大臣六人內大臣六人散秩大臣無定員率一二三等侍衛及藍翎侍衛

親軍校親軍等

康熙三十七年增設宗室侍衛及漢侍衛雍正三年增設四等侍衛于藍翎侍衛內選充

備宿衛扈從 設提督九門步軍營步

軍統領一人率左右翼步軍總尉

順治五年增設八旗副尉雍正四年增設八旗參尉乾隆十九年改總尉名翼尉副尉名協尉參尉名副尉

八旗步軍

尉等統轄滿洲蒙古漢軍八旗步軍掌守衛巡警其城門尉城門校

乾隆十九年改城門尉名門千

總等掌城門啟閉設巡捕營參將遊擊等官統轄馬步兵分汛巡緝別領于兵部職方司

初設南北二營十四

年增設中營康熙三十年始令步軍統領兼管乾隆四十六年增設左右二營為巡捕五營

設內府三旗初定三旗設滿洲佐領旗鼓佐領正

黃旗朝鮮佐領內管領等統各護軍驍騎隸領侍衛內大臣管轄

後改隸內務府總管

嗣後以次增設參領副

參領及護軍統領復添設前鋒分為護軍前鋒驍騎三營備宿衛扈從

盛京內府三旗官員兵丁屬盛京內務府總管仍由

在京內務府掌其升選

設 盛京八旗駐防兵時以遷都燕京

命內大臣何洛會為

盛京總管設左右

翼梅勒章京各一人統領滿洲蒙古漢軍八旗兵駐防

盛京並設各城城守官至三年改總管為

按班章京十年增設甯古塔按班章京康熙元年改

盛京甯古塔按班章京並稱將軍十五年移

甯古塔將軍駐吉林船廠城二十三年增設黑龍江將軍二十八年移黑龍江將軍駐齊齊哈爾城

與副都統統轄城守尉防守尉防禦各員

設直省八旗駐防兵時初設獨石口張家口防禦分遣

甲兵駐防至二年復遣八旗兵駐防直隸之德順府山東之濟南府德州臨清州江南之徐州府山

西之平陽府潞安府蒲州府凡八城每城設協領一人滿洲章京四人蒙古漢軍章京各二人尋復

增定江南江寧府浙江杭州府等處駐防兵制嗣後隨各省形勢設將軍都統副都統或但設城守尉防守尉駐防 設直省綠旗兵凡直省漢兵俱以綠旗為辨總督所屬為督標巡撫所屬為撫標

提督所屬為提標總兵所屬為鎮標自總兵以下則為副將參將游擊都司守備千總把總各員而總督則節制巡撫標及提督總兵標提督又節制各鎮總兵標各鎮標統轄各協及各營其屬于河道總督者為河標所轄各營專司防河護運屬于漕運總督者為漕標所管各衛所專司分幫領運

設外藩扎薩克各旗先是天命天聰年間科爾沁等各蒙古相繼款附予以封爵定鼎之後以次編旗凡內扎薩克二十五部為五十一旗每旗扎薩克一人協理旗務者無定員以王貝勒貝子公台吉等為之設都統副都統於本旗台吉內以原爵兼任參領佐領驍騎校驍騎如內八旗之制至康熙三十年

設喀爾喀各旗三十六年設賀蘭山厄爾持旗及哈密旗四十三年設額濟內土爾扈特旗雍正三年設青海各旗十年設吐魯番旗乾隆十九年設杜爾伯特各旗各隨人眾編佐領有差 設守衛陵寢官員兵丁先是天聰八年 永陵設散秩官至順治初 福陵 昭陵各設雲騎尉五年增設

散秩官八年 永陵增設騎都尉雲騎尉嗣後 盛京 三陵各增設總管副總管防禦驍騎校等員嗣又于 京師 東陵 西陵各設總管副總管防禦驍騎校等員 園寢各設防禦驍騎校等員所屬八旗驍騎各有差 八年定王公府屬武職官員兵丁分別親王郡王貝勒貝子鎮國公輔

國公等以次設長史散騎郎護衛等職並府屬佐領下各設驍騎校驍騎有差 十七年定八旗漢

字官名奉 諭嗣後固山額真清字仍稱固山額真漢字稱為都統梅勒章京清字仍稱梅勒章京

漢字稱為副都統甲喇章京清字仍稱甲喇章京漢字稱為參領牛象章京清字仍稱牛象章京漢

字稱為佐領按班章京清字仍稱按班章京漢字稱為總管烏真超哈清字仍稱烏真超哈漢字稱

為漢軍尋又經大臣議定噶布什賢噶喇按班漢字稱為副鋒統領巴雅喇蘇章京漢字稱為護軍

統領噶布什賢章京漢字稱為副鋒參領巴雅喇章京漢字稱為護軍參領噶布什賢專達漢字稱

為前鋒校巴雅喇專達漢字稱為護軍校分得撥什庫漢字稱為駝騎校

康熙十四年設游牧察哈爾八旗時以遷察哈爾部眾于宣化大同府邊外編為八旗設參領佐領

護軍校駝騎校護軍駝騎等康熙三十八年增設總管如內八旗之制隸八旗蒙古都統後設都統駐張家口管轄二十三

年設三旗虎槍營總統一人以公侯大臣兼任總領六人率三旗虎槍兵專備蒐狩行田 三十年

設火器營總統無定員雍正年間定為六人以王公大臣兼任乾隆二十九年增設掌關防管總八人率八旗鳥槍護軍參領護

軍校駝騎校等統轄鳥槍護軍鳥槍駝騎礮駝騎掌演習火器

雍正二年設 圓明園八旗護軍營總統無定員以王公大臣兼任率營總十年增設護軍參領副護軍參領

護軍校等統轄護軍于 圓明園分地駐劄以備翊衛 設 圓明園內府三旗每旗設護軍參領

副參領護軍校等十年增設營總統轄護軍屬 圓明園總統王公大臣仍隸于內務府 設八旗養育兵

奉 諭八旗滿洲蒙古漢軍均係累世効力舊人承平既久滿洲戶口滋盛餘丁繁多或有丁多之

佐領因護軍驍騎皆有定額其不得充伍之閒散滿洲至有窘迫不能養其妻子者每思及此惻然動念將如何施恩俾得生計之處再四籌畫並無長策欲增編佐領恐正餉不敷若不給以錢糧俾爲養贍何以聊生既不能養其家口何由造就以成其材今將旗下滿洲蒙古漢軍共選四十八百人爲教養兵訓練藝業每人各給三兩錢糧每年共需錢糧十七萬二千八百兩每旗滿洲蒙古漢軍共六百名內滿洲每旗四百六十名蒙古六十名漢軍八十名其漢軍之八十名合爲步兵食二兩錢糧就此錢糧數內通融料理可多得四十名漢軍每旗著選百二十名此所設教養兵若計佐領選取恐多寡不同應于參領下計數選取至乾隆三年復定滿洲蒙古台旗原設養育兵每二名出缺作爲三名照漢軍例各給銀二兩滿洲蒙古旗每佐領下增足養育兵十名漢軍旗每佐領下增足六名十八年復定養育兵每三名出缺作爲四名再恩賞一名各改給銀二兩五錢時于原養育兵一萬五千一百二十四名外勻出缺五千四十四再恩賞缺五千四十四共二萬五千二百十二名食銀四十五萬三千八百十六兩二十九年復定滿洲蒙古之養育兵一萬三百十五名每年增食米一萬六千一百石有奇

乾隆十四年設健銳營總統無定員以王公大臣兼任率兩翼翼長八旗前鋒參領副參領前鋒校等統轄前鋒兵演習雲梯諸技是卽爲雲梯兵二十六年設西域新疆駐防兵時以平定進陽兩回部分派滿洲兵索倫兵察哈爾兵及綠旗兵視各處情形酌量分駐卡倫兵額以待衛屯田兵額

以督屯武職駐防馬兵隸于佐領綠旗兵隸于營員其回兵則令各城伯克經理而以駐劄之將軍大臣總轄之各兵丁或攜眷永駐或三年更代以次增設無定額 四十六年奉 諭向來各省提鎮以下至將弁等俱有分扣兵丁名糧作為得項者此例定自何年其每員應得若干係何名目各省是否一律按照地方情形品級大小酌定數目多寡又或分有參差不同著交各該部將定例年月及現在款項數目分晰查明分單具奏至此事因循已久恐又有于定數之外私自扣增添者若每員任內私扣一名後任積漸加增侵扣無所底止督撫姑息不加查察久之即為虛額空糧之弊尤不可不徹底清查著傳諭各督撫將各省提鎮以下武職現在分扣名糧實數及有無私添之處查明據實具奏 又 諭國家設兵衛民開核軍實期于營伍整齊兵額充足如兵丁等紅白事件從前設有生息惠濟銀兩以資賞卹後因生息名色有關國體特敕停止昨陝甘添兵案內籌及賞卹聲請酌復惠濟銀兩朕以國家賞兵之費藉商生息支給究屬非宜已傳諭令其動用正項開銷今有兵丁紅白銀兩原係加惠行伍格外施恩若因此裁扣名糧致額不足殊非核實行伍之道所有各省營伍賞卹兵丁紅白銀兩自乾隆四十七年為始俱著于正項支給造冊報部核銷至各省提標以下武職員弁俱有應得坐糧馬乾等項令軍機大臣會同該部核辦照文員之例議給養廉其所扣兵餉即可挑補實額核計添給養廉支不及二百萬兩官員既無拮据而各省又增添兵力于行伍大有裨益所有辦理添補兵額紅白賞卹銀兩及裁添兵糧養廉緣由明晰曉諭中外



知之尋議定直隸省裁養廉名糧三千八百七十名實卹名糧九百名增實兵四千七百七十名山  
東省裁養廉名糧一千五百九十二名增實兵二千五八十一名山山西省裁養廉名糧二千一百六  
十名實卹名糧四百三十五名增實兵二千五百九十五名河南省裁養廉公費名糧二千一百八  
十三名增實兵九百七十九名江南省裁養廉名糧四千四百一十一名實卹名糧六百名增實兵五  
千一十一名江西省裁養廉名糧二千三百二十七名實卹名糧二百五十名增實兵二千五百八十  
七名福建省裁養廉名糧四千七百五十六名公費名糧一千四百八十名增實兵四千七百五十  
六名浙江省裁養廉名糧三千七百七名公費名糧二千一百四十名增實兵三千二千九名湖北  
省裁養廉公費名糧二千九百三十三名增實兵二千三百八十八名湖南省裁養廉公費名糧三千  
三百八十六名增實兵二千五百八十八名四川省裁養廉公費名糧四千二百七十四名增實兵  
四千二百七十四名陝西甘肅二省裁養廉公費名糧七千九百三十三名已增兵一萬二千七百三  
十名無庸改募廣東省裁養廉名糧五千七百七十四名增實兵五千七百七十四名廣西省裁養  
廉名糧二千三百二十四名增實兵二千三百二十四名雲南省裁養廉實卹公費名糧五千四百  
八名增實兵五千四百八十八名貴州省裁養廉實卹公費名糧五千二百八十二名增實兵五千二  
百八十四名

以上  
通考

崇德三年論凡和碩親王多羅郡王多羅貝勒固山貝子臨陣交鋒若七旗王貝勒貝子却走一旗王貝勒貝子拒戰七旗獲全即將七旗佐領下人丁給拒戰之一旗若七旗拒戰一旗却走即將却走人丁分與七旗若一旗內拒戰者半却走者半即以却走人丁分給本旗拒戰者有因屯劄他所未拒戰而無罪者免革人丁其拒戰之王貝勒貝子別行給賞若七旗未及整伍一旗王貝勒貝子拒戰得功者按功次大小俘獲多寡賞之野戰時本旗大臣率本旗軍下馬立王貝勒貝子等率護軍乘馬立於後若與敵兵對仗王貝勒貝子大臣不安隊伍輕進或見敵寡妄自衝突者奪所乘馬匹及俘獲人口凡兩軍相對必整齊隊伍各按汛地從容前進如擅離本隊隨別隊行擅離本汛由他汛入及眾軍已進獨却立觀望者或處死或精沒或鞭責或革職或罰銀酌量治罪凡整伍前進稍有先後毋得彼此爭論但以按汛擊敵不致退縮爲上若有以此爭論者卽爲立心不端之人如敵人不戰而遁我軍追擊之宜選精兵驍騎合力馳擊護軍統領不得前進止宜領纛整伍分隊以躡其後倘遇伏兵或於追躡時遇敵旁出護軍統領乃親擊之凡大軍起營時各按佐領旗纛整隊而行若有一二人離隊往來尋索遺物及酌酒者皆貫耳自出城門務遵軍律肅靜行伍毋得喧譁都統副都統參領護軍統領佐領以次各有統束統束嚴明則該管隊伍豈有喧譁之理今後有喧譁者該管官坐以應得之罪喧譁者責懲軍行時如有一二人離旗行走者許同行入卽報送本都統執送者賞銀三兩下營時凡取薪水務集眾同行妄致失火者斬軍士甲冑均書號記臂兩旁皆

用圓鐵葉無甲者衣帽後亦書號記一切軍器自馬絆以上均書姓名馬必繫牌印烙不印烙者罰銀二兩箭無姓名者罰銀二十兩如得他人箭隱匿不出者亦罰銀二十兩軍行時若見禽獸馳馬追射者兵丁射以飽箭員子大臣坐以應得之罪夜行時每佐領人等有別吹竹爲號者執治貫耳若不執治議參領罪次營轡及轡絡羈絆者按法治罪若馬上行李偏墜應整理者本旗人均站立待整乃行兵入敵境時若有一二人離營私掠被殺者妻子入官仍治本營官罪勿毀寺廟勿妄殺平人抗者戮之順者養之俘獲之人勿褫其衣服勿離散人夫婦雖不爲俘獲者亦不許褫衣侵害其俘獲之人勿令看守馬匹如有一二人妄取糧草被殺者罪與離伍擒掠者同勿食熟食勿飲酒前此我兵飲食不慎以不知敵人置毒於中耳今特曉諭宜加謹慎有不遵者依律治罪

通典

康熙三十四年議定軍令條約凡遇出征各該都統護軍統領副都統參領等查明官兵盜甲弓箭應需一切軍器務令精銳堅固兵丁盛尾及甲背令其拴姓名田牌馬駝鬃尾令其拴寫旗分佐領姓名並用印烙凡起行及途次官兵各帶輜重按本旗憲行走毋得前後攙越如有亂行酗酒者即拏懲責自由城以至回兵不得喧嘩喊叫違者嚴責結營之時各按本隊駐劄如有攙越旗分前後亂營者並將該管大臣官員議處其馬無印者罰銀二兩箭無字者罰銀十兩俱給與拏獲之人偷盜籠頭馬絆馬鞍者藥責偷盜鞍轡等物及馬匹者按贓之多寡治罪失火者從重死治官兵及跟後人等所過地方不得攙累百姓搶奪馬匹踐踏田苗妄離本營潛入村莊山谷強取物件違令者

嚴加懲治該管官及本王一併議處如兵丁及跟役逃走在卡倫以內者卽行查拏照例治罪已逃出卡倫者卽派官兵務窮追獲無論兵丁及跟役卽按軍法追拏不獲者將追趕之官兵治罪逃入之主並該管官一併嚴加治罪凱旋之日如有私賣盔甲軍器者從重治罪該管官議處再馬駝係大兵緊要之項添撥官兵加意揀擇水草牧放進兵之時派留官兵在後查收遺失疲乏馬駝其遺失者按照印烙並所拴名姓交還原主疲乏者開明馬駝毛皮數目交與就近地方官或村莊百姓等牧養將數目報明兵部如敢隱匿乘騎及宰殺者嚴加治罪其遺失馬駝之主令將馬駝毛皮開明報兵部註冊坐卡人等不許攜毒前往各按旗分將小旗帶往離大營稍遠放卡加謹瞻望晚間撤回就近住宿放卡地方不許攜帶帳房不得舉火止許乘一馬前往馬不離鞍勿寫遠散放如有敵至番實卽刻報明領兵將軍大臣如並非敵寇誤報及賊人將近漫無知覺怠忽報遲者將放卡官兵卽在軍前按法從重治罪示衆其坐堆官兵夜間弓必上絃毋得脫衣加謹防守如駐劄地方兵丁每日射箭修理軍器務令精銳仍不時將所傳軍令曉諭堆卡加意嚴肅晝夜不許間人行走凡有行走之人詳悉詢問所穿衣帽所佩器械可異者卽行拘拏如坐堆卡之人疏忽怠玩或偷眠或空一二人者該管大臣官員查出將官兵嚴加治罪至與敵相近領兵將軍大臣酌量添撥前鋒章京兵丁前往務令探明敵人虛實踏看地方情形遇敵對陣時領兵將軍大臣務必詳審地勢或係曠野或係排駝營陣或係排列樁木營陣並令某隊伍某旗擊賊之處詳加指示鳴螺進兵于敗

賊後亦鳴螺收兵進攻之時如敵寇堅勁不動卽令其預備兵丁前往應援如違者將領兵將軍大臣治罪敵人在對面進攻之時如王員勳員子公大臣等有越次前進者不準議功仍行治罪務須排列整齊緩響前進如不按本隊尾隨他隊及離棄本隊由他隊前進並他人前進仁立觀望者應治以斬絞籍沒懲責革職之處各按所犯擬罪進攻之時或有稍先稍後者不得彼此爭競旣能隨本隊賊有將伊議論者卽係心術不端置之勿論如賊人不能抵敵敗走卽選精壯兵馬追趕隨卽分隊接踵前進如追趕之人誤陷伏兵或交遇他寇後隊卽接刃攻擊嚴禁兵丁毋許擄掠牲畜財物如正當對陣之際違令布圍搶奪財物者卽將官兵治罪其有責任之大臣官員旣經給有親丁軍前若再挑取護軍披甲漢仗好者卽對敵之時精銳兵丁必致缺少嗣後大臣官員除原有親丁外軍前不許挑取其無親丁官員及委署之章京等出征各準挑取一名再軍糧所關甚重凡出征之時官兵口糧務令按定日期裹帶如不按數以致缺少者將該管官並少帶之兵從重治罪其有跳越排駝管陣及排列樵木管陣身故者違從優議叙領兵大臣有能嚴行約束官兵不致擄掠爲非者陞賞如縱容官兵擄害良民者從重治罪凡與敵相近一切軍令旣經傳諭仍敢故違者將違令之人卽按軍法如有傳行不至者亦按軍法從事

通考

乾隆十三年上諭軍旅乃國家第一要務軍法從事定例甚嚴今刑律內玩寇老師有心貽誤竟無正條非所以重軍務儆戒失律也夫科場作弊尙卽正典刑若以行軍相較孰爲輕重自應稽察舊

案明著刑章俾衆知畏法方能鼓勇用命此非朕欲用重典實以昭示武臣肅紀律而勵勇敢辟以止辟之義也見在纂修會典著軍機大臣會同該部詳酌定議具奏旋議定凡統兵將帥苟圖安逸故意遷延不將實在情形具奏貽誤國事者又凡將帥因私忿媚嫉推諉牽制以致糜餉老師貽誤軍機者又凡身爲主帥不能克敵轉布流言搖惑衆心藉以傾陷他人致誤軍機者均擬斬立決庶軍律嚴明而身任元戎者亦知儆懼奮勵矣通典

### 右軍令

凡領侍衛府三旗教閱之制鑲黃旗每月於初二十六日習騎射二次初六十一二十一二十六日習步射四次正黃旗每月於初三十七日習騎射二次初七十二二十二二十七習步射四次正白旗每月於初四十八日習騎射二次初八十三二十三二十八習步射四次凡八旗驍騎營教閱之制每月初四初八十三十八二十三二十八日習射六次都統以下各官親往監視春秋二季擐甲習步射二次由旗定期咨兵部擐甲習騎射二次由兵部定期通行又春月分操二次合操一次秋月則會諸營大操一次預奏操期仲春孟秋之月按期登城習鳴螺兵部遣官稽察歲以爲常其八旗漢軍鳥槍兵於春秋仲月各演鳥槍四十五日歲仍合操二次季秋月演試礮位於蘆溝橋聞三歲則於蘆溝橋以鳥槍營兵與礮營兵合演槍礮其漢軍藤牌兵每年春秋二季四旗合操一次八旗合操一次其初冬演習步圍每年二次或三次凡八旗前鋒營教閱之制每月初二初六

十一十二二十一二十六日習步射六次春秋二季撥甲習騎射二次或四次又於左右翼內各分前鋒之半兼習鳥槍月演十次均由統領督率所屬如法訓練又每年秋季前鋒統領會同護軍統領奏聞率所屬兩營官軍演習步圍二三次凡八旗護軍營教閱之制每月初二初六十一十六二十一二十六日習步射六次春秋二季撥甲習騎射二次或四次與前鋒營同凡八旗步軍營及巡捕三營教閱之制八旗步軍習步射城門馳騎習鳥槍均以春秋操演步軍翼尉同城門領更番考閱內九門設大礮各十外七門設大礮各五每門礮手二巡捕三營參將遊擊自考其屬之弓矢守備千總把總各練汎兵春秋習鳥槍與城門馳騎同凡內府三旗教閱之制每月習射六次春秋二季撥甲習射二次又每年立冬後內府護軍並尚虞處侍衛鷹狗房執事人等演習步圍又遴選三旗護軍學習馬射等技各以時操演凡火器營教閱之制每月逢四九日演礮逢二七日演鳥槍逢六較射冬二季則八旗合操每年秋後奏請往盧溝橋演放子母礮十日凡圓明園八旗護軍營教閱之制每月習步射一次春秋二季習騎射演放鳥槍凡健銳營教閱之制每月逢四九日演雲梯大隊三槍逢二七日演驢馬騙馬三槍舞鞭舞刀射箭逢三五八十日演水戰其一六日合於本旗校馬步射放槍過駕駐圓明園每日演水戰皆自用船四四旗各二十五人共百八人逢八日大操用船八八旗共二百人均翼領率所屬隨時訓練

通考

順治七年世祖章皇帝諭我朝以武功開國頻年征討不臣所至克捷皆恃騎射今荷天庥天下

一統勿以太平而忘武備尙其益習弓馬務造精良

康熙十二年聖祖仁皇帝諭漢軍不能騎馬者甚多每旗應設一營揀練火器議政大臣等集議以聞尋議覆八旗漢軍鳥槍驍騎每伍領下增十八名共二十名演習鳥槍得 旨火器關係武備甚

爲緊要應嚴加操演以裨實用

以上通典

雍正四年改定每三年一次赴蘆溝橋槍礮均演一月其赴橋之驍騎校兵丁等每日應用火器火

繩鉛子木牌支桿帳房該旗先期移咨工部領取 五年奉 上諭火器管其屬緊要馬上教習熟

練方爲有益凡屬滿洲以騎射爲根本不可專習鳥槍而廢棄騎射兵丁在馬上射前放槍著加意

熟習再兵丁內有自己養馬學習鳥槍技藝及勤謹效力當差者爾等即當勸勉以優等記名其或

行走不及者亦當誘之於善教訓兵丁須如教訓自己子弟不可遽加苛責若有下愚不移之人或

經再三教訓仍然行止妄亂者豈可留之京師爾等當即行奏聞發遣 十二年覆准八旗漢軍驍

騎演習鳥槍每年春季二月十六日爲始秋季八月十六日爲始各演四十五日日本翼四旗仍合操

二次每日每兵演鳥槍三出每出用火藥二錢烘藥二釐每季每兵用火藥一斤十二兩烘藥二錢

七分火繩二條每季演標準三次每次用鉛子三枚每季每兵用鉛子九枚每旗木牌五面均移文

工部支領該旗散秩官員均詣教場閱看其居住新營房兵丁照驍騎營每季演鳥槍所需火藥等

項管理新營房參領呈該旗都統咨工部支領

通考



乾隆十四年上諭去歲金川用兵朕思我滿洲兵向用雲梯攻城因命八旗於前鋒護軍內擇年壯人材健勇者千人特命大臣監視操演所選兵各奮勉學習不數月間皆已精練隨征金川功成凱旋如令仍回本營隨旗行走則伊等前功徒費且我滿洲舊日技藝仍至廢弛若將伊等專設一營演習均可為精銳兵於緩急之用更有裨益遇有行幸令伊等隨往圍獵學習行走更得嫻熟疾回軍之日不必令回本營軍令大臣數人管轄持兩大臣一人統領其如何設營伍操演遇行幸隨蹕再如何施恩使得陞轉之途著大學士公同管轄操演之大臣等詳議具奏尋議准設立健銳營雲梯兵一千名專習雲梯鳥槍馬步射馳馬舞鞭舞刀諸技又於昆明湖設趕繪船以前鋒重習水戰駕船駛風之技 十八年 諭騎射國語乃滿洲之根本旗人之要務朕今歲校閱京城世爵其射箭尚可觀及人材英俊者已施恩選取侍衛並分在各處令其學習行走其射前甚劣不堪教化者察明革職別行承襲至各省駐防亦皆有世爵若不教訓騎射國語伊等近於素養安逸之習必致學為不善著各省將軍都統等將伊等不時教導務使騎射優嫻國語純熟如有教訓不化騎射甚劣者該將軍都統等即指名參奏革職別行承襲將此通行傳諭知之

通典以上京管教

凡直省綠旗各營總督所屬有督標巡撫所屬有撫標提督所屬有提標總兵所屬有鎮標而總督又節制巡撫提鎮標提督又節制鎮標各以駐劄之督撫提鎮為閫帥每歲秋季霜降日申令本標官兵校閱於演武場前一日各營將弁肅隊伍赴校場豫立軍幕屆日黎明軍士環甲列陣中軍建

大燾於場正中闡帥以牲醴致祭行二跪六叩禮中軍以下將士均隨行禮畢軍門鼓吹節越前導  
闡帥徧閱行陣還登將臺升帳儀衛左右分列諸將擐甲侍臺下中軍詣帳前上行陣圖式請令操  
兵乃舉旗麾衆合操臺下舉礮三軍中鳴角擊鼓步騎甲士聞鼓聲依式前進鳴金則止行陣中施  
發鳥槍連環並如 京營之制餘若長槍藤牌刷刀短兵之屬各因其地之宜以教士卒皆有成法  
其爲陣有正有變每變陣視將臺號燾爲指揮之節臺上鳴角三軍中乃鳴金振旅而還閱畢試材  
官將士騎射技勇申明賞罰犒勞軍士各釋甲歸伍漕運總督河道總督屆期教閱本標官兵亦如  
之其各營將弁隨時訓練本管軍士無常期 凡直省水師有內河水師營有沿江沿海水師營各  
練習於四時其出洋信候又各省不同每歲春秋季月或夏秋之季乘戰艦列陣揚帆馭風鳴角發礮  
具如軍律 凡駐防八旗營以將軍都統副都統掌其教閱其訓練八旗士卒及演礮並以時親臨  
校視第其優劣以爲賞罰

順治年間定各省八水師營每歲春秋二季將軍都統副都統等率官兵駕戰艦操演金州福建  
乍浦廣東出海口黑龍江齊齊哈爾默爾根江寧出江天津出海每年四月始八月止均擇天氣晴  
和潮平風順時駕駛出口張帆起碇掌號鳴礮以次演習傳操之後各督率官兵講習水務  
康熙五十二年欽命大臣分往直省賞兵會同該督撫提鎮操演騎射以數軍實

雍正五年奉 上諭浙江綠旗兵懦弱騎射生疏陝西兵人材壯健弓馬嫻熟者願多將陝西各標

營兵揀選一百移駐浙江各標教習訓練浙江兵亦知鼓勵於營伍大有裨益其撥往兵內有能約束教習者卽拔補千把總 十一年奉 上諭各省營伍必須武職官員平日親行巡察庶可以除怠惰廢弛之弊提督一軍節制全未有統轄之地甚廣難以親身徧歷至於總兵官分轄地方道里不甚遼濶巡察尙易周徧嗣後各鎮臣有應行巡察者著先期奏聞請旨候朕批示遵行不必拘定期免各督預備供應致滋擾累倘有苛累所屬弁兵者經朕察出定行從重議處尋議准各省總兵官巡察所屬營汛於親標兵內跟隨一二十名自帶帳房鑼鍋若絲毫苛累弁兵及收受供應並擅役民夫照因公科斂例議處 以上通考

乾隆元年諭各省營伍雖提鎮遼遠不能親身稽察該督撫酌量地方營制如何令提鎮等隔數年一次親身察閱詳議具題尋議准直隸提督分所屬爲三路歲閱一路三歲而遍馬蘭宣化正定三鎮歲各一閱秦寧天津二鎮二歲各一閱山東兗州鎮臨沂沂州等處分路歲閱登州鎮西南東南等處分路歲閱一歲而遍山西太原大同二鎮歲各一閱河南南陽河北一鎮歲各一閱江南提鎮歲各一閱江西南昌南贛二鎮歲一閱二歲而遍閩浙總督並任一閱水師提督一歲閱海壇閩安烽火門等處一歲閱金門南澳銅山等處二歲一遍陸路提督一歲閱興化福州福寧建寧延平等處一歲閱泉州漳州龍巖汀州邵武永春等處二歲而遍海壇金門南澳臺灣四鎮水師歲一閱福建汀州建寧漳州四鎮陸路歲一閱浙江提督三歲一閱定海黃巖温州三鎮歲各一閱衢州處州

二鎮歲各一閱湖廣總督蒞任一閱提督歲閱湖北湖南二歲而遍襄陽宜昌永州鎮寧四鎮歲各一閱陝甘總督五歲一閱提督三歲一閱延綏興漢河州涼州寧夏西寧肅州七鎮歲各一閱四川北重慶建昌松潘四鎮三歲各一閱廣東左翼右翼高州瓊州碣石潮州南澳七鎮歲各一閱廣西提督三歲一閱左江右江二鎮歲各一閱雲南貴州提鎮所屬酌數年內一閱各疏報出巡回任日期及各營汛官兵技藝是否純熟軍裝器械是否齊全以待部核 十八年諭各省標營分年特派大臣查閱又督撫提鎮有統轄操防之責例應以時巡視所以簡軍實嚴武備也是以各兵之漢仗技勇爲本至於旗幟衣帽期足以別隊伍整軍容無缺可矣奚事增美焉近來外省營汛每遇大員蒞閱往往先期部署爲一切觀美計製造旗幟更易號衣公費不足遂坐扣兵餉以致伊等生計爲艱是營伍未有整頓之責而兵丁先被扣餉之累殊非巡查簡閱之本意嗣後查驗兵丁務覈其實毋以旗章衣服粉飾外觀至或有欵差大員經過營汛地方兵丁循例站隊者亦俱無庸張設旗幟總之整飭戎行全在漢仗技勇其緣飾之具皆屬無益之虛文而因以扣餉瘠兵則尤其大不可者著通行各省督撫提鎮咸共知之 三十九年尚書公福隆安奏鳥槍一項於軍器中最高爲得用而進步連環尤爲鳥槍中銳利之法八旗勁敵凡遇專操會操惟演九進十連環使之精熟是以所向無敵至京自綠營兵丁操演鳥槍不過按照陣式虛應故事施之臨陣全屬無用卽如征勦金川所有綠營兵丁放槍俱不得力直至派出京城健銳火器兩營兵前往始自展其所長轟擊殲賊幾

無虛發近日臨清剿捕逆匪亦得京兵之力其效已可概見伏思各省綠營原設鳥槍兵與其循習虛文曷若練實實用請飭令照健銳火器二營進步連環鳥槍法式一體演習并飭該管大員董率將令兵丁專心學習務使進退如法操練精嫻庶臨用並能制勝而防守愈昭嚴飭矣

通典以上  
直省教閱

### 右教閱

凡軍器金鼓以示進退之飾海螺以定朝昏之聚散旗幟以一瞻視甲冑以衛身各器械以敵制各營兵之專習者為弓箭為鳥槍為礮為藤牌兼習者為長槍為大刀為挑刀水師則有排槍鉤鏢槍標槍火箭之屬水陸異用險易異宜習者期純熟教者期專一大礮以兵千名設十礮為率郡邑城守船海沿邊及水師戰艦文貯礮于其所若兵少及非要隘營汛貯礮于督撫提鎮駐劄之地需用酒發仍以時演放如法

順治初年定軍器由兵部定式移文工部製造接名給發仍令該管官隨時稽察有損闕者修整補製如有盈餘器械留營以備增補敝壞者悉行銷毀 五年定八旗兵需用甲冑軍器移文工部製給或給銀令其自製專自兵丁鎧仗動支本地錢糧造給報部覈銷其守護 陵寢兵丁及八旗新滿洲寧古塔新滿洲人等應給軍器該管大員奏准咨部弓箭由兵部給發甲冑等項由兵部轉行工部造給

康熙六年奏准八旗世爵暨文武官員備甲一冑一弓二囊韃一腰刀一其箭數視官品秩之大小公

五百五十侯五百伯四百五十子四百男三百五十輕軍都尉二百五十騎都尉二百雲騎尉百五十武官一品至五品視子男至雲騎尉六品以下均一百文官一二品視子男三品京堂視武職二品四品京堂科道郎中視武職三品員外郎視武職四品管兵護軍前鋒領備各七十驍騎各五十世爵中官大于爵者照官職前數爵大于官者照世爵前數直省督撫提鎮及副將以下官應備弓矢甲冑各按品級定數與八旗武職同 三十年八旗火器營每佐領下設鳥槍前鋒一名鳥槍護軍三名鳥槍驍騎校四名每名各給鳥槍一滿洲八旗每旗各設子母礮五位其餘大小銅鐵礮位均貯漢軍八旗礮局內 又定八旗護軍營驍騎營每佐領下護軍二名各給長槍二驍騎二名各給長槍一護軍營八旗每旗各設海螺三十二前鋒營左右翼各設海螺八火器營八旗每旗各設隨礮海螺五八旗鳥槍護軍鳥槍驍騎每旗各設海螺十四驍騎營每佐領下各設海螺一每參領下各設海螺二漢軍鳥槍營每旗設鼓一金五礮營每旗設鼓一金五藤牌營每旗設海螺五每旗設藤牌兵二百名每名各給藤牌一副刀一每旗設挑刀兵五十名每名各給挑刀一漢軍八旗每佐領下各設鹿角一架連枷棍四副每鹿角一架設棉甲兵四名每名各給連枷棍一副直省標營金鼓海螺鹿角藤牌挑刀等項視營之大小兵之多寡隨地酌設 是年荊州將軍秦湖廣總督巡撫提督總兵官標有火器而滿洲兵無火器應于四千兵內每旗派一百名習鳥槍其所用八百桿鳥槍于荊州庫內取用火藥槍子亦于武昌荊州庫內支用奉 旨八百鳥槍手仍令將軍副都統管轄

兩翼各協領一員每旗佐領一員防禦二員管管又江南將軍奏請添設火器奉旨卽于四千馬

兵內每旗挑百名教習鳥槍將軍等子駐防官內酌派章京管理

以上通考

雍正五年諭各處管伍所用器械向來原無一定之例是以武弁到任往往以己所好尙習業所熟習者操演所屬兵丁間或學習未久而接任官又別有意見將從前所習者更改調換是兵丁之技藝每視該上司之去留以爲轉移非訓練專精之道也凡事久則熟熟則生巧宜令各省將軍督撫提鎮因地制宜酌定規制永遠遵奉除騎射最爲緊要天下通行學習外其餘各種演習悉著該上司會同通省官弁細心斟酌應用何重要詳悉定議奏聞令各管永遠遵行接任官不得擅自更改僅將來有應變通之處具題請旨如此則兵丁各精其業且使一省之中彼此畫一將來或有調遣會集之處正可相資爲用於管伍大有裨益每年議准官兵所用軍器內鳥槍一項能衝銳折堅最爲便利如腹內省分地勢平坦利用弓矢至沿海沿邊省分山林密利用鳥槍應將腹內省分每兵千名設鳥槍三百桿沿海沿邊省分每兵千名設鳥槍四百桿嗣據各省陸續議覆山東省自合營軍器弓箭鳥槍藤牌長槍大刀均係通設之械每兵自名八分作十分弓箭三分鳥槍五分藤牌一分長槍一分此外別設礮手專演發礮河南省自營軍器駐防八旗設馬步弓箭兵鳥槍兵子毋礮兵長槍兵營標兩營設馬步弓箭兵鳥槍兵礮兵藤牌兵大刀兵河北鎮標九營合設馬步弓箭兵鳥槍兵礮兵護礮刷刀兵兩陽鎮七營如之直隸省自營軍器騎射鳥槍礮重二操練外惟宣化

鎮平陽之地利於藤牌應以該鎮向設之三眼槍長槍大刀兵改換藤牌茶荆關鳥槍甚少應以該鎮向設之大刀兵改添鳥槍山西有各營地屬沿邊每兵百名分作十分弓箭前六分鳥槍四分別設礮兵專演大礮惟殺虎協舊有藤牌兵三百名仍令演習其餘長槍刷刀之屬悉令改爲弓箭鳥槍兵江南江西省水師各營軍器除弓箭前鳥槍礮外如藤牌大刀鉤鍊槍過船槍鍊斧標鐵彈均爲水師利用之器其陸路各營有設二眼鏡及長槍者應將三眼鏡改爲鳥槍兵長槍改爲藤牌兵福建省陸路各營每兵千名分作二十隊弓箭馬兵四隊弓箭步兵二隊鳥槍兵十隊礮兵一隊藤牌兵一隊長槍兵一隊大刀兵一隊水師戰船大趕繪船兵八十名設排槍四十二桿中趕繪船兵六十名設排槍三十桿小趕繪船兵五十名設排槍二十五桿大縮船兵三十五名設排槍十六桿中縮船兵三十名設排槍十六桿小縮船兵二十名設排槍十桿仍各備用火藥彈子火罐火箭之屬浙江省又各營每兵千名分作二十隊弓箭前兵六隊鳥槍兵八隊藤牌兵二隊片刀兵二隊長槍兵一隊礮兵一隊陝西四川省又各營除弓箭前鳥槍礮通行演習外其弓箭馬兵兼習槍棒守兵兼習刷刀及令提標守兵二百名專習藤牌廣東省各營每兵百名設弓箭前手二十名各佩腰刀兼習雙刀長槍鳥槍兵五十名各佩腰刀藤牌兵十名用牌刀挑刀兵十名礮兵十名雲南貴州廣西三省各營每兵千名設弓箭前兵二百鳥槍兵六百藤牌兵一百以礮兵百名兼習牌刀十年議准福建省水路海面遼蘭陸路林深菁密鳥槍一項最爲利用於定例每兵千名設鳥槍四百桿外再增鳥槍百桿



乾隆五年議准雲南貴州二省地多山菁又陰雨不常弓箭一遇潮濕之時險仄之地不能應手施展惟弩弓以木爲質其力最勁令弓箭手各兼習弩弓十五年議准湖廣武昌鎮水師二營境界川江水操弓箭技有難施惟鳥槍極爲利便照沿海沿邊省分每兵千名設鳥槍四百桿

以上通典

### 右軍器

太僕寺左翼四旗牧場在張家口外東北一百四十里哈喇尼敦井東西百五十里南北百三十里太僕寺右翼四旗牧場在張家口外西北三百十里齊齊爾罕河東西百五十里南北三十二里

國初設太僕寺兩翼牧場於張家口外

通考

歲春季本寺滿堂官一人往口外將馬駒驗騙秋季往口外分撥騙過三歲之駒入羣三年均養一次屆期列名奏請 欽點前往員外郎歲春季往口外稽察羣生倒斃各數並訓練馬駒逐一印烙秋季往口外驗視肥瘠並訓練馬駒有未印烙及印烙模糊者補印烙北馬羣計三年之內每三馬應羣生一駒於羣生額數外多至一百六十四匹者爲上等八十四匹以上者次之八十四匹以下者又次之其於羣生額數內少至二百匹或少五十匹以上及五十匹以下者亦分爲三等牧長牧副牧丁以是各定其賞罰壯馬羣以在場見牧之數區爲十分視其馴習及斃損之多寡以定賞罰至該管協領以上各官統計所管馬羣得賞受罰之等次核計有差

通典

順治元年設太僕寺堂兩翼牧場之政以直隸山東河南江南額徵馬價銀工十餘萬兩解太僕寺

貯庫歲終覈銷

康熙四十四年設左右兩翼總管各一人三年更代屆均齊時太僕寺堂官往口外察驗該員經官之馬分別孳生及倒斃多寡交部議敘議處又二翼各設驛馬羣翼領一人

乾隆八年議准兩翼馬場原各有一定處所恐日後濶清立界以垂久遠左翼四旗東以布呼衣布拉克為界西以察罕齊老白為界南以都什山為界北以呼什呼蘭台山巴顏托羅塔為界右翼四旗東以庫努克拉羅塔努赫圖溝為界西以珠噶口烏赫爾齊老為界南以克伊格達瓦都德衣哈喇為界北以布爾噶蘇台河南岸為界各該翼驛馬驛馬游牧其中彼此不得侵越不許私自墾種

通考 以上太僕寺馬政

順治初年設御馬監掌各廄之政令 十八年改御馬監為阿敦衙門以大臣侍衛管理均無定員康熙十六年改阿敦衙門為上駟院以管理大臣掌之 三十三年分設上駟院左右二司

乾隆十四年定上駟院卿二人由侍衛內務府官各簡授仍以大臣兼管院事通考 以上上駟院馬政內廄設於 皇城 御馬及副馬川馬各一廄均無定數仗馬一廄七十匹公馬五廄各二百匹駕車馬

羣二廄各馬五十匹其應差巡羣馬附各廄外廄設於 南苑 御馬及內馬共六廄內桐馬一羣四壯馬三十六餘無定數安河公馬一廄二百匹其應差巡羣馬附各廄凡 御馬中有不馴者汰入公馬廄日值

御馬關以內廄 御馬補內廄 御馬關以外廄 御馬補外廄 御馬關簡內馬之良者奏補仗

馬及祭 神爰釐四色馬闕行取大凌河良馬充補川馬闕行崇文門稅務駕車贏闕行戶部轉行  
左右翼稅務又監督賞補駕車馬闕以公馬補公馬及應差巡羣馬闕彙數行各牧羣總管取補通典

康熙年間定 紫禁城內設 御馬及走馬各一廐俱隨時增減無足額 御馬廐附應差公馬五

匹設仗馬一廐三十四附應差公馬十四 東安門內設公馬四百各二百匹設駕車馬一廐七十

匹羸三十四 西安門內設川馬一廐無足額駝一廐百匹附應差公馬十五匹 南苑 御馬及

內馬備御馬之選及充皇子乘騎 共六廐無足額每廐附巡羣官三千匹設豐山公馬一廐二百四十四

雍正元年裁川馬廐廐長廐副各一人廐丁十名以駝廐廐長兼管

乾隆二年定 紫禁城內走馬一廐改爲 皇子乘馬 五年改內管領所管駕車贏闕院管理設

廐於 西安門內馬三千匹羸七十四 十一年定 南苑六廐內設桐馬一羣騰馬十牝馬八十

以備取漕之用 十八年改駝廐爲公馬廐並大有莊公馬一廐 京城公馬四廐共馬千二百匹

爲公廐廐各二百匹其駝百匹分養於 京城公馬五廐廐各三千其附養駝廐之應差馬十五匹

以千匹附仗馬廐以五百匹 皇子乘馬廐又裁桐馬羣內騰馬六匹牝馬四十四匹又減安河廐

馬四十四以上通考以上內外廐

蒙古宗倫歲貢馬駝由理藩院具奏送 上駟院行知掌試 御馬大臣侍衛奏會本院官同選

驗不入選者罰還之選爰者行屠儲司如例給賞駝發內廐馬發 南苑六廐牧養又歸化城兩旗

蒙古獻貢馬喀喇喀哲卜尊丹巴胡圖克圖歲貢駝馬陝西岷川衛二十四寺番僧歲貢馬均由理藩院咨送發各廐為株應管之大臣率本院侍衛詣廐驗試辨其堪供 御馬內馬公馬之屬列其

等次以 聞

通典

乾隆二十二年以後西域哈薩克拔達克山諸部先後投誠遣使貢馬其尤者則 御定嘉名餘皆

分入各廐其哈薩克貿易之馬尤夥每年無定額於烏魯木齊及伊犁廣設牧羣以為新疆駐守各

兵之用其贏餘仍撥補內地各標營額缺

通考 以上貢馬 以

口以內廐 御馬四匹齊其毛色具鞍轡列於院門外凡 駐蹕園明園以 御馬六匹立 圍門

右如之直班侍衛司鞍司轡咸侍恭遇 車駕巡幸日以十馬備 上乘御由掌 御馬大臣奏請

於 御馬內馬中簡其尤良者以從其需用駕車馬公馬及囊駝之數附疏以 聞由院奏遣卿及

侍衛各一人掌 御馬侍衛一人沿途監視支放馬駝芻菽

通典

凡扈 蹕之尚茶尙膳各執事官役及內監所乘之馬由所司行院如數以公馬撥給回日繳院如

不足具數行兵部以八旗官馬撥給過 皇子出行撥給官役應乘公馬如之 凡因公出使者大

臣應乘馬十匹侍衛六匹筆帖式四匹廐牧長各五匹廐牧副各三匹廐丁牧丁二人共馬三匹均

於公馬中撥給廐長記所給馬數於冊月申院卿每三月卿彙數以 聞行該管官覈對其馬有途

次病斃者歲終彙數奏銷若調習夫宜致疲瘁及遺失者有罰 凡真有駐防將軍都統副都統總

督巡撫提督總兵官及朝鮮國使臣來京 朝覲各給馬乘騎均由所司行院於公馬中選擇

通考以

上都達布遜諾爾牧場在獨石口外 達里岡愛牧場在獨石口外 大凌河牧場在 盛京錦州府北口外

上都達布遜諾爾等各牧場馬羣每三年奏遣官察閱一次牝駝羣每六年奏遣官察閱一次議賞罰大凌河牧場亦如之馬羣每百匹倒斃之數自一匹至四匹與五匹至八匹者皆賞九匹至十二匹者免議十三匹至十六匹及十七匹以上者罰有差其羣生之數每三年牝馬五匹額生駒二如羣生馬浮額百六十匹以上者賞最優八十四匹以上者量加其缺額百匹以上與五十一匹以上五十五匹以下者分三等行罰上都達布遜諾爾馬羣每三年牝馬三匹額生駒一計匹分等議罰與大凌河同達里岡愛駝羣每六年內牝駝五匹額生駒二額外羣生二十匹以上者給一等賞十一匹至二十匹給二等賞一匹至十匹給三等賞如羣生缺額計匹分三等罰如之其各總管副管翼領牧長牧副應行賞罰均照例行凡牧場馬羣每年於四月朔為始迄九月望以羣馬牝馬全羣就草

通典

順治年間初定上都達布遜諾爾牧場設牝馬二十羣羣馬六羣又設牝駝十羣羣駝二羣

嗣後以次遞增

應時添設羣數

康熙八年初設大凌河牧場牝馬十羣 三十九年初設達里岡崖牧場牝馬三羣及駝一羣又移上都牧場北駝五羣於達里岡崖牧放

嗣後以次遞增  
隨時添設羣數

四十四年選大凌河牧場牡馬牝馬二千

七十一匹作五分給土默特二處喀喇沁三處牧養歲報孳生倒斃數於理藩院三歲具奏存案

雍正十年定大凌河牧場驢馬羣每年百匹內殘疾五六匹以上者令翼領收長牧副賠補其殘疾馬匹交 盛京將軍賞給兵丁

乾隆六年移上都牧場牝馬二十羣於達里岡崖牧放留上都牝馬一百二十四羣驢馬四十羣走馬一羣每羣三百至五百不等其達里岡崖共牝馬一羣每羣三百至五百不等 十二年定大凌

河牧場牝馬三千一羣共一萬九千七百匹內撥五千匹交哲里穆盟長親王五千匹交上都總管牧廠孳生餘齒老殘病之馬照例變價留牝馬八千匹分二十羣每羣三百至五百不等 十九年

讓准楊禮木牧場驢馬一羣分於大凌河牧場驢馬羣內又以牝馬一羣改爲四羣亦移大凌河牧

放以上通考 以上口外牧場

順治初年定八旗及內府三旗佐領下額設馬駝每年由兵部酌定留京並出場各數奏 聞每翼

安閒用副都統二人於立夏後四日率領官兵陸續趕口外牧場擇水草豐茂處牧放若照管不

周以致馬匹闕少者著落副都統以下各官賠補其實係殘廢倒斃者馬扣存三月錢糧駝扣存四

月錢糧買補如價有不敷准於公用銀內動支至出場官兵均歸副都統管轄在場馬駝亦由副都

二四〇九  
兵  
四佳堂藏版

統分撥官兵牧放其進口日期每年於八九月間豫行報部

康熙三十四年諭議政王大臣八旗都統等朕觀京城八旗兵卒已熟練器械亦整齊惟馬匹缺少前命滿洲蒙古漢軍各佐領下拴馬一半給草豆錢糧軍行以馬爲重今可令衆兵概置馬一匹春冬則給草豆錢糧自四月起發一半放青一半拴餵至九月驅回照常拴餵此所置馬匹令兵丁各自小心飼養交與該管官嚴行稽察設怠玩從事致羸瘦誤公者將該管大臣從重治罪其參領以下撥什庫以上有兵馬之人俱照軍法治罪俟噶爾丹事畢之日仍照養馬一半可通行曉諭

以上通考

乾隆十六年奏准八旗牧養官馬共二萬七百七十三匹每月給馬乾銀三兩近因京城草豆

價昂銀不敷買應暫爲通融請酌撥萬匹在在外牧養熱河撥千匹近在京各莊頭撥二千匹此外七

千匹交直隸各標營其熱河及各莊頭草料銀由副都統內務府會計司官赴戶部支領按月給發

直隸各標營就近於藩庫動支如有減尅料草致疲瘦者該管官議處兵丁莊頭治罪或有倒斃照

八旗例於馬乾銀內按月扣存買補並請特簡大臣均勻搭配不得概以疲馬充數如兵丁乘便

將殘廢馬匹私行抵換者察出從重治罪佐領及都統等交部嚴加議處十九年奏准八旗官駝

照官馬例交與直隸宣化府屬分給牧養二十八年定八旗每年出場牧放馬匹派京城副都統二

人左右兩翼察哈爾總管各一人侍衛各一人管轄其京城官兵停止派往每馬一千匹編作三羣

每羣派察哈爾官一人兵二十名預期來京領馬出口每馬一百匹准倒斃十匹其倒斃止六匹者

官文部議敘兵酌量獎賞如倒斃逾額著令官兵賙補至例應倒斃者於省派京城官兵路費銀內買補三十年奏准八旗官馬原係給與官員兵丁拴養因官兵內或將錢糧糜費以致官馬疲瘦併有空缺又值前數年草豆價昂是以將官馬改交直隸牧養旋因八旗前鋒護軍暨親軍等之官馬當差已奉 旨加恩於直隸牧養官馬內撥出四千五百匹交給各該處設立官圈喂養分給兵丁乘騎今查八旗所有印房章京參領佐領閑散官等當差不能自養馬匹請再於直隸牧養官馬內撥出二千匹給與三營前鋒護軍章京等每人各拴養一匹外八旗滿洲每旗一百匹八旗蒙古每旗五十匹除兼管文職官員外旗員每人分給馬一匹其所存三百餘匹交與前鋒護軍統領等將各營學習閑散官暨當差出力之護軍核每人公給馬一匹各令其拴養仍令該都統及前鋒統領護軍統領等隨時查核

通典 以上  
八旗牧馬

康熙三年定官員解送軍前馬匹若疲瘦三匹以下者免議十匹以下者罰俸三月二十匹以下罰俸六月三十匹以下者罰俸九月四十四匹以下者罰俸一年五十五匹以下者降一級留任六十四匹以下者降一級調用六十四匹以上者革職

通考

乾隆元年定甘肅提標西寧鎮標各設馬場一處以遊擊一人統率每場牝牡馬千二百匹分五羣每羣牡馬二百匹牝馬四十匹以千把總一人為牧長外委千把總一人為牧副兵丁十人為牧丁三年均齊一次屆期總督委官按驗叙明賞罰具題所牧馬不論牝牡每三匹取孳生馬一匹三年



內一羣中多孳生八十匹以下及八十二匹以上至一百六十匹以上者分三等官議敘陞用兵給賞有差如少孳生額數二十匹以下者官兵卽議罰責若於原牧額數缺少者官兵量責罰贖其提鎮遊擊統計五羣之數以定賞罰十三年定甘肅涼州西恩肅州三鎮各設駝場一處每牝牝駝一百六十爲一羣每羣以千把總一人爲牧長外委千把總一人爲牧副兵九人爲牧丁仍委守備一人督理五年均齊一次千把總外委兵丁邊地較內地不同五年期遠應議賞以示鼓勵每牝牝駝百五年內孳生四十隻者無庸議賞於額數外多孳生一至十者及至二十與二十一以上者官議敘兵加賞有差其五年內准倒斃二十隻若倒斃逾額不論多寡以續得孳生抵補其餘再計孳生之數如少孳生一以上與十一以上至二十一以上者官兵分別罰責督理之守備其賞罰亦隨額數上下以爲準每屆五年均齊之期由總督委官赴場印烙將各數目及牧放官兵姓名造冊敘明賞罰具題至孳生牝駝於五年均齊後照例配搭孳生其餘牝駝馴割別牧以備撥用四十年定巴里坤東西三三廠牧放馬匹以遊擊都司守備各一人統率每廠馬分五羣每羣以千把總一人爲牧長外委一人爲牧副按馬二十四匹派兵一名牧放三年期滿總督委員逐廠查驗分晰馬數敘明賞罰具題所牧馬不論牝牝每三匹取孳生馬一匹三年內一羣中除孳生額數外其浮額一百七十六匹以下與一百七十七匹以上及三百五十三匹以上分三等議敘陞用兵給賞有差如缺額二十四匹以下及四十四匹以下至八十四匹以下亦分三等行罰至統率各官應議賞罰均照各馬廠

例核計其孳生盈餘馬匹除分給伊犁各該處足用外仍撥解內地以供協濟通典

三十四年覆准古北口綠旗兵人材壯健但無馬匹難以遠行查古北口鎮標綠旗馬兵一千五百二十名二人共拴馬一匹需馬七百六十四匹馬步兵共一千九百名五人共拴駱駝一隻需駱駝三

百八十隻夏秋令其放青春冬照營馬例支給草料通考以上各省牧馬

順治三年定綠旗兵馬一匹每月給料豆六斗草六十束六年定官員騎坐馬皆自備名目例馬每月照數領草料提督准例馬十五匹總兵官十二匹副將八匹參將遊擊六匹都司守備四匹千總把總二匹至兵丁騎操馬酌各營情形或馬步各半或馬四步六或馬三步七或馬二步八或馬一步九或不設馬皆於奏銷案內照實數報兵部察核行知戶部銷算草料八年定副將以下把總以上每月於應支銀內扣二錢馬兵扣一錢步兵扣五分守兵扣三分名曰朋扣存貯營中以備買馬之用若有餘剩由兵部覈明於奏銷題交戶部充餉又定營馬係對敵及追捕盜賊損失者免其賠補走脫被竊失者著落本人賠補若倒斃者每馬以十兩為額令其賠補名曰賠椿每月遞減一兩至十年者免賠准動支朋扣銀買補十六年定提督例馬二十四匹總兵官十六匹副將十二匹參將八匹遊擊以下仍各照舊數

康熙三年定江南江西福建浙江湖北湖南四川廣東廣西雲南貴州等省督馬以三年賠椿過三年者免直隸山東山西河南西安甘肅以五年賠椿過五年者免四年定三年賠椿之省一年倒斃

二十四年九月重校通典卷一百三十六 皇朝 兵 十八 約雅堂藏板

本兵賠銀七兩合隊二兩本管官一兩二年倒斃本兵賠銀六兩五錢合隊一兩七錢本管官八錢  
三年倒斃本兵賠銀六兩合隊一兩四錢本管官六錢三年以後免其賠椿動支朋扣銀買補五年  
賠椿之省自一年倒斃至三年倒斃之分賠均如三年賠椿之省其四年倒斃本兵賠銀五兩五錢  
合隊一兩本管官五錢五年倒斃本兵賠銀五兩合隊七錢本管官三錢五年以後免其賠椿動支  
朋扣銀買補又定廣東地方潮濕馬易倒斃賠椿准照十兩減半一年倒斃賠銀五兩二年倒斃賠  
銀四兩五錢三年倒斃賠銀四兩三年以後免其賠椿五年定廣西地方瘴濕馬易倒斃賠椿照廣  
東之例又定營馬倒斃如付年限者准用朋扣銀買補其定價直隸每匹九兩山東十兩山西八兩  
河南八兩五錢江南十三兩九錢七分江西十六兩八錢二分四釐福建二十二兩浙江十六兩湖  
北湖南十五兩西安八兩廣東二十一兩九錢廣西二十兩雲南二十一兩八錢貴州二十兩二錢  
二分有奇甘肅四川除以貢馬抵補外其不敷之馬甘肅每匹給價八兩四川每匹給價十二兩七  
年定各省朋椿銀兩歲底兵部查核除應扣外咨戶部撥餉如有營馬闕額開送戶部購買以上通典  
雍正十一年定直隸山西河南西安甘肅馬價在十兩之內山東亦僅十兩均未便以十兩賠椿應  
以七兩爲額如騎一年倒斃賠椿七兩二年倒斃賠椿六兩以下按年遞減若騎過年限免其賠椿  
准動支朋扣銀買補 十二年定營馬除口外差遣及在軍前倒斃者皮贓免其變價外江南督標  
每匹變價一兩五錢提標一兩安徽撫標一兩二錢蘇松撫標九錢二分有奇湖北湖南一兩其餘

直省均五錢發給馬價時將皮臙變價扣除於奏銷冊造報察覈

通考

乾隆十六年 諭滇省各營騎操馬匹定例三年外准報倒十分之三其額外溢倒馬從前該督提等皆於朋扣等項內通融買補並未著賠嗣據該督察出奏聞仍請從寬免其賠搭經軍機大臣等議令照例按數賠補但念邊方水土餒養馬匹與他處情形不同自來通融籌辦今若復令賠搭兵丁未免拮据嗣後滇省馬匹除額定十分倒三按例分別年限著賠外其溢額倒斃馬匹著加恩免賠若兵弁等因有此旨或致餒養夫且溢倒過多者該督提等嚴行參處二十五年議准營馬價值除直隸山東山西河南西安甘肅四川等省或僅在十兩以內或據該督撫察覈實無溢價旨無庸議減福建准以十九兩浙江江蘇安徽准以十四兩江西准以十六兩湖北湖南准以十四兩廣東准以十八兩廣西准以十六兩雲南貴州准以十八兩貴州減二兩准以十八兩報銷

通典以上直省營馬

### 右馬政

謹案通典通志均以大閱擊軍禮通考獨入兵考蓋通考承用馬考舊例故不以大閱隸王禮也檢典志以大閱屬軍禮以教閱屬兵其體例本之會典最為精覈茲謹遵典志例以通考大閱改歸軍禮



二十四史九通政典類要合編卷三百十七

皇朝二十五

刑刑制 詳載 赦宥 贖刑

凡明刑敕法其文有二曰律曰例律以定罪例以輔律律編為六曰吏戶禮兵刑工吏律二曰職制  
 曰公式戶律七曰戶役曰田宅曰婚姻曰倉庫曰課程曰錢債曰市廛禮律二曰祭祀曰儀制兵律  
 五曰官衛曰軍政曰關津曰嚴牧曰郵驛刑律十一曰賊盜曰人命曰鬪毆曰罵詈曰訴訟曰受贓  
 曰詐偽曰犯姦曰雜犯曰捕亡曰斷獄工律二曰營造曰河防總律之大凡別為一編曰名例首列  
 律目及律母八字之義曰以以者與實犯同謂如監子貿易官物無異正盜故以枉法論以盜論並除名刺字罪至斬絞並全科曰準準者與  
 實犯有間謂如準枉法準盜論但準其罪不在除名刺字之例罪止杖一百流三千里曰皆皆者不分首從一等科罪謂如監臨主守職  
官物並贓論數曰各各者彼此同科此罪謂如各色人匠擬赴內府工作若不親自應役曰其其者  
滿皆斬之類曰及及者因類而推謂如彼此皆罪之贓及應禁之物則入官之類曰即即者意盡  
變於先意謂如論八議罪犯先奏請議其犯十惡不用此律之類曰及及者因類而推謂如彼此皆罪之贓及應禁之物則入官之類曰即即者意盡  
而復明謂如犯罪事發在逃者眾曰若若者文雖殊而會上意謂如犯事未老疾事發時老疾以老疾論若在徒年限內老疾者亦如之  
類次列六贓納贖收贖五刑及獄具喪服諸圖次曰十惡一謀反二謀大逆三謀叛四惡逆五不道  
六大不敬七不孝八不睦九不義十內亂次曰八議一議親二議故三議功四議賢五議能六議勤  
七議貴八議賓通志

五刑之制一曰笞刑自一十至五十每十笞為一等凡五等用小竹板折責每十笞責四板旗人犯笞者以鞭代之二曰杖刑自六十至一百每十杖為一等凡五等用大竹板折責折數與笞刑等三曰徒刑發本省驛遞自一年至三年每半年為一等凡五等各依年限應服役滿回籍五徒各予以杖自六十至一百有差到配折責四曰流刑安置遠方終身不返分二千里二千五百里三千里為三等並杖一百到配折責五曰死刑曰斬曰絞皆有立決監候之別五刑之外有較流徒加重者曰充軍發邊遠安置繼按康熙年間復定為五等曰附近曰邊遠曰極邊曰邊衛曰煙瘴曰邊外為民發邊外安置曰雜犯流罪准徒四年曰雜犯斬絞准徒五年死刑之最重者為凌遲為梟示又定獄具之圖一曰板以竹篋為之大頭徑二寸小頭徑一寸五分長五尺五寸重不得過二斤一曰枷以乾木為之長三尺徑二尺九寸重二十五斤一曰杻以乾木為之長一尺六寸厚一寸一曰鐵索以鐵為之長七尺重五斤一曰錄以鐵為之連環重二斤徒罪以上用之命盜重案供辭不實男子用夾棍以榧木三根中木長三尺四寸旁木各長三尺上圓徑一寸八分下方闊二寸自下而上至六寸於三末四面相合處合疊圓窩徑一寸六分深七分婦人用拶指以圓木五根為之各長七寸徑圓各四分五釐定刺字之法凡重囚應刺字者旗人刺臂奴僕刺面民犯徒罪以上刺面杖罪以下刺臂再犯者亦刺面逃犯刺左餘犯刺右初犯刺左者再犯累犯刺右初犯刺右者再犯累犯刺左字方一寸五分畫闊一分有半通典

天命元年諭凡事一人獨斷必致生亂國人有事當訴於公所五日一聽斷之有私訴於諸臣之家

者必當執送其私行聽斷者治罪二年 諭生殺之際不可不慎聽斷之官必詳審始末而後正擬  
倘事有未協勿挾忿爭競庶能得情 五年 命豎二木於門外凡下情不得上達者書訴牒懸諸  
木六年 諭凡遇應死應答應罰之罪如係勤勞有功之人則當死者贖當罰者免責答者戒飭而

釋之通志

十一年申明屯牧田獵及商市違例各禁凡員勒大臣併在外駐防之人及諸員勒下牧馬管屯人  
等有事往屯毋得擅取莊民牲畜供給至田獵採捕不許逐殺麋鹿致疲馬力並禁止邊外行獵違  
者均治以罪其通商爲市漏稅及私往外國交易者並罪之

天聰元年定嚴宰牛馬驢騾之禁奉 諭馬騾以便馳驅牛驢以資負載羊豕牲畜以供食用各有  
所宜非可任情宰殺也嗣後自官中暨諸貝勒以至小民祭祀筵宴及殯葬所用牛馬驢騾永行禁  
止違者罪之 二年嚴使臣齋素之禁奉 諭出差之人定例自備餼糧毋許私取民間食物近聞

有違法妄行者不可不嚴爲禁治爾諸臣皆受朕恩身居民上衣食亦已豐裕乃擅取貧民辛勤奉  
養之牲牢以供口腹貧民何所恃以爲生乎逃亡背叛職此之由嗣後有需索食物者除凡人照常  
處分外若係首糧官筆帖式及巡臺人等處死 五年嚴巫覡星士之禁奉 諭凡巫覡星士妄言  
禍福蠱惑婦女誘取財物者殺無赦該管牛彘額真章京及本主俱坐以罪有用巫覡星士者亦坐  
以應得之罪 七年遣旨頒 欽定法律於科爾沁國王謝圖濟農十月復宣示外藩蒙古諸國



崇德七年嚴善友邪教之極奉 諭近有善友邪教非僧非道合羣結黨私造印劄惑世誣民凡列名於籍者三百餘人法司俱擬死罪朕加寬宥有止誅爲首十八人今後除僧道外凡從善友邪教者不論老少男婦殺無赦該管牛羊章京撥什庫及本主不行察究者一例治罪

順治元年命法司會同廷臣詳譯明律參酌時宜集議允當裁定成書從刑科給事中孫襄請也疏略曰刑之有律猶物之有規矩準繩也今法司所遵乃故明律令就中科條煩簡情法輕重當稽往憲合時宜斟酌損益刊定成書頒示中外俾知畫一遵守刑不上大夫乃古者貴賈之議請自今文官犯罪先下吏部覈議如所坐重大必請 旨革職然後送刑部開擬武官隸兵部亦如之在外府州縣各官被參革職應逮問者行該撫按就近提訊具獄報讞法司但於案書覆數不必徑行勾攝則士氣伸而國體立矣以上通典

刑部侍郎提橋疏言五刑之設死刑居二曰絞曰斬明律分別差等我 朝法制罪應死者俱用斬刑請自今以後釐於重典者仍分別絞斬按律引擬至於應受之人罪不至死若以板易鞭或傷民命宜酌減笞數以三鞭准一板從之定每年元旦令節七日上元令節三日端陽中秋重陽令節各一日恭遇 萬壽聖節七日各 壇 廟祭饗齋戒以及忌辰素服等日並封印日期四月初八每月初一初二日皆不理刑名通典

五年嚴私藏兵與之禁刑部議准嗣後除任事文武官員及戰士外不許收藏銃礮甲冑槍刀弓矢

等器違者本人處斬家產妻孥入官鄰佑十家長杖流至十六年復以民無兵器不能禦侮反為賊利奉 諭除火礮與甲冑仍照例嚴禁外其三眼槍鳥槍已前刀槍馬匹等悉聽民間存留

通考

七年二月停止叩 聞之例先是長安門外豎立石碑凡有冤抑者令其伸訴後以姦人希圖報復

捏詞詐書平民或僱人頂告或夥告或夥證屢經 敕部嚴禁違者治罪至是永停叩 聞之例倘

有冤抑令照例於通政司登聞鼓衙門控理

通典

十一年 勅法司仿古大誥之制擇用刑各款重大者編緝成書頒告天下令有司於春秋暇日為

民講說並令學官常為士子講習十二年 諭帝王以德化民以刑輔治故律例最宜詳慎苟輕重

失則官督得以任意出入欲政平訟理其道無由朕覽職奏本章引用律例每多未協爾部速將滿

漢文律繕寫進呈朕將詳覽更定頒示遵行

通志

十三年嚴商民下海交易之禁奉 諭海逆未勦必有姦民暗通練索資以糧物今後有犯者不論

官民俱處斬貨物入官本犯家產盡賞告發之人其地方文武官皆革職從重治罪地方保甲不行

舉首皆處死 謹按海禁至康熙二十二年始開其貿易處斬之例俱停止惟出洋販賣硝磺者仍

照例治罪

康熙三年申定過失殺人之例先是 國初舊例凡過失殺人者鞭一百賠人一口至是刑部議准

凡旗下過失殺人者仍照 盛京定制鞭責賠人人民人責四十板追銀四十兩給死者之家旗民有

彼此過夫投者俱照給銀四十兩之例免其賠人至康熙七年並旗下亦免賠人之例照律追埋葬銀十二兩有奇給死者之家

七年嚴定賭博禁例刑部議准凡開場招集賭博之人抽頭放頭者旗人枷號三月鞭一百民人責

四十板充軍在場賭博者旗人枷號兩月鞭一百民人責四十板流三千里官員有犯賭博枷責者

的決

十二年定交代錢糧徇隱侵那之例凡新舊官交代錢糧如前任內有侵欺透冒那移墊解并拖欠

未清等弊署事及新任官徇隱不報交代後始行查報者不議前官之罪將接任官照侵那例擬罪

已徵那用詐稱民欠者革職拿問上司徇庇前官逼勒後任交代者照徇庇例議處

十六年定侵盜錢糧限內不完之例江寧巡撫慕天顏疏定例侵盜錢糧人犯限一年追完不完者

本犯僉妻及未分家之子流徙財產入官今請於冊報之後發解之前全完者免其罪從之以上通考

十八年諭國家設立法制原以禁暴止姦安良善向因人心滋為輕視法網故於定律之外復設

條例俾其畏而知儆免罹刑辟乃近犯法者多朕心深用惻然其定律之外所有新例過嚴者著凡

屬廢事科道詳加酌定尋違旨更改條例繕冊奏准刊刻通行名曰現行明例按順治元年八月

二年津成十七年四月復取盛京定例並刑部定例分晰入律各款進呈康熙八年命刑部

酌定現行則例詳晰分款進呈至是上復命刑部於定律之外有新例過嚴者更改通行恭釋  
聖訓於嚴森禁暴之中寓惻恤哀矜之意仁至義盡  
親古聖王解網泣罪之心誠異世而同揆者矣通典

十九年嚴旗人私往外省之禁奉 諭各旗差遣家人或往外省索債或令隨官赴任或以情干求外官者甚多借端督私小民最爲苦書令吏兵刑三部及都察院會同定例嚴禁尋議旗人私往外省借端挾詐囑託行私擾累小民者平人枷號三個月鞭一百係官革職鞭一百不准折贖夫祭之佐領罰俸三個月駟騎校罰俸六個月其差遣家僕之人係閒人鞭一百係官革職差去之僕枷號一月鞭一百從之通考

三十一年五月刑部議太監錢文才毆死民人徐二應絞斬候 諭大學士等曰凡太監犯罪斷不可有朕觀古來太監善良者少要在人主防微杜漸慎之於始縱容姑息假事權迫其勢既張欲欲制之亦無可如何如漢之十常侍唐之北司竊弄威權甚至人主起居服食皆爲所制此非一朝一夕之故由積漸使然也朕聞明代諸君將本章批發委之司禮太監司禮太監委之召下內監此輩素無學問不知理義委之以事其能免於舛謬耶錢文才此案爾等記之至秋審時勿令倖免謹按

重板此皆酷虐之刑著嚴行禁止通志

四十七年定私鑄錢文及販賣私錢者罪私鑄及工匠人等分別首從斬絞其糧艘鹽船私裝販賣運并船戶等照私鑄爲首例治罪 五十六年定強盜分首從例先是康熙二十一年 上以強盜

宦寺之言自漢唐以來迄於明季無代無之其始皆由於愛克厥威其後遂至於難制我朝綱紀肅清恭釋

聖訓防微杜漸凡警御近侍止許供掃除之役誠億萬斯年之良法也

通典

犯案甚多且有獲贓甚少牽連多人不忍概置重典令諸臣詳議尚書梁清標奏強盜皆係凶惡難分首從且恐有司高下其手或罪屬可矜間行寬免伊輩自感再造之恩若預定一例則伊等皆僥倖於不死而愈恣爲盜矣左都御史徐元文奏此等古來宜不待教而誅按律稿三次者照強盜律處絞而強盜行劫至兩三次後發覺者甚衆若從寬典是竊盜反重於強盜矣 上是其言至是特頒恩諭嗣後大盜案件將造意爲首者正法餘俱減等發黑龍江等處著爲令 謹案舊例強盜不分首從皆斬立決夥盜減等之旨蓋於無可生中求一線可生之路誠自古未有之仁政也至雍正四年九卿有欲停夥盜減等之議者 世宗憲皇帝 特降諭旨照舊遵行仍恐行之既久官吏捕役悉知此例或將愚劣無能之輩逼令自承盜首而奸狡積惡反或入於夥盜之中得邀減等令將此條另立檔案首載 聖祖仁皇帝諭旨次將凡因盜案所降 諭旨存案遵行遇有盜案令地方各官詳察案內情形其實在爲盜及被人誘脅者一一註明令大學士九卿會同法司定擬有應減等者將緣由聲明蓋不使 國家格外之恩或爲奸人倖生之路則積惡者既無敢妄希漏網輕於犯法而情之稍有可原者亦得身邀寬典開其自新此則我 朝明刑弼教之至意也夫雍正二年諭刑部向來盜案有滾案之弊強盜被獲審實定罪者於別府州縣或鄰省未結案內賄屬他盜供稱同夥州縣官卽關提質審一案甫畢一案復起名曰滾案輾轉相連動經年歲或更中途脫逃遂使已結之案終歸未結劫殺大盜借此支延無所畏懼而州縣官專喜此等供扳可爲獲

盜過半之地附會了事此弊不除無以除莠安民爾部定例議奏尋議盜犯審實之後陸續狡供又於某案行劫者概不準行至於扳出夥盜在別處已經審實定罪者不必提審對質但行文問取口供查兩案輕重從重歸結以杜藉案遷延脫逃等弊從之以上通考

三年 諭朕自臨御以來欽卹刑獄每遇法司奏讞必再三覆覈惟恐稍有未協又念律例一書爲用刑之本其中條例繁多若不校訂畫一有司援引斷獄得以意爲輕重貽誤非小特命纂修官刻期告竣今據將所纂全書進呈朕逐一詳覽其有應行駁正者已二批示但明刑所以弼教關係甚大著九卿會同細看務期斟酌盡善以副朕慎重刑名之意是年 御製序文頒行 大清律集

解附例凡三十卷律文凡四百三十有六條律有總注律後附例共八百十有五條分爲三項曰原

繫累朝舊例凡曰增例繫康熙年間見行曰欽定例繫欽奉上諭及內外臣通志

例三百二十一條 五年 諭外間常有演習拳棒之人自號教師召誘徒眾甚有害於民生風俗此等原係游手好閒

不務本業而強悍少年投之學習尙氣角勝以致酗酒賭博闖很打降之類往往從此而生且有以行教爲名竊探村莊虛實因而勾引劫盜者各省督撫轉飭地方官嚴行禁止如有自號教師及投師學習者卽行拿究通考

六年 諭律例舊文有八議之條歷代相沿已久我朝雖載其文而實未嘗行者蓋有深意存焉夫刑罰之設所以奉天討罪至公至平無容意爲輕重者也若於親故功賢等故爲屈法以示優容則

律無一定尙可謂之公平乎且此等或以効力宣勞爲朝廷所倚眷或以勳門戚畹爲國家所優崇其人既異於常人尤當秉禮守義以爲士民倡率乃不自愛而罹於法尤非蚩蚩無知者比而執法者又曲爲之宥何以懲惡而勸善乎如所犯果出無心情有可原則臨時酌量加恩未爲不可若豫著爲令是於未有過之先卽以不肖待之名爲從厚實乃至薄也且使恃有八議之條任意爲非必有自干大法而不止者是又以寬容之虛文特陷之於罪戾矣今修輯律例八議之條仍令載入特頒諭旨俾天下曉然於此律之不可爲訓親故人等亦各知所儆惕而重犯法是則朕欽卹之至意也

通志

十一年申定強盜同居親屬等有知情而又分贓者分別流徒得財而不知情者照本犯減二等竊盜同居父兄等不分贓而知情者杖得財而不知情者照本犯減三等知情而又分贓者減二等其竊盜罪止杖刺知情而不分贓者笞不知情分贓知情分贓各照本犯遞減五月申定書役僞造印信誑騙財物其自行雕刻者仍照原律其倩人雕刻者銀十兩以內錢十千以內杖一百流三千里十兩十千以外發黑龍江五十兩以上照枉法贓應流二千里者擬絞監候餘人仍照舊例

通典

乾隆四年諭各部之弊多由於書吏之作奸外省有事到部必遣人與書吏講求能飽其欲則援例准行不遂其欲則借端駁詰司官庸懦者往往爲其所愚而不肖者則不免從中染指至於堂官事務繁多一時難以覺察且既見駁稿亦遂不復生疑以致事之成否悉操書吏之手而若輩肆無忌

憚矣在督撫潘臬等止圖事之完結遂樂爲應付而不惜甘爲容隱而不言無怪乎奸胥猾吏以詐騙爲得計視國法如弁髦也內部之書吏索之督撫彼此效尤必至督撫之書吏索之司道司道之書吏索之府縣層累而降受其害者仍在吾民也嗣後著嚴行禁止藩臬以下經手之案著督撫嚴查禁約倘書吏有仍前需索者督撫即時奏聞如有不遵朕旨私相授受者必將與受之人照枉法贓治罪督撫各隱不奏亦必嚴加議處各京有關差鹽政織造提鎮等官俱一體遵行 六年山西巡撫喀爾吉善奏參學政喀爾欽賄賣生童布政使薩哈諒酷虐貪婪請革職審擬疏入奉 諭旨日前鴻圖賄賣文武生童我 皇考將伊立時正法自此人知畏懼不敢再犯今喀爾欽賄賣生童之案卽當照俞鴻圖之例而行薩哈諒喀爾欽二案著吏部侍郎楊嗣璟前往會同巡撫喀爾吉善秉公據實嚴審定擬尋經審擬喀爾欽卽行正法薩哈諒依律處斬並督稽沒家產 十年定書吏燒燬冊籍之罪御史范宏者奏各部書吏巧詐營私故於冊籍堆積之所暗藏火種因以一炬使營私之案莫可查考本年九月戶部貴州司檔案房屋全行焚燬其起火緣由應於該書吏根究明確如有心燒燬卽治以故燒公廨之罪從之

通考

十四年 諭秋書爲要囚重罪輕重出入生死攸關專有督撫官應詳慎推勘準情酌法務協乎天理之至公方能無枉無縱各得其平朕於情實招冊皆反覆省覽再三究極情狀毫不存從寬從嚴之成見所勾者必其情之不可恕所原者必其情之有可原惟以一理爲權衡而於其人初無愛憎



三四頁之進正異類考卷之九  
三十一  
好惡之見者存也今年各有招冊經九卿改定之案甚多其中有緩決改入情實者或謀殺或故殺或拒捕或誣良致死或威逼致死或姦民聚眾不法或邪教迷拐或強姦幼女或羞忿自盡或連砍數人或毆死有服尊屬皆情罪較重萬無可貸此等凶徒斷不應擬以緩決設非九卿改正經朕裁酌置之典刑則姦徒倖免死傷屈辱者冤無可伸而刑法於是乎失中豈所謂請姦止辟之義耶此於法紀倫常風化所繫甚重所有審擬不當之各督撫皆著嚴行申飭

通志

三十三年 諭昨直隸省查出保安州逆犯孫顯富等妄布逆詞希圖復興邪教一案審擬時究出該犯於乾隆十五六年間即有入教之事該州僅取改過甘結從輕完案實屬姑息養姦因交該督查參今據楊廷璋將前任保安州知州喬鴻參奏已交部察議矣邪教煽惑愚民最爲人心風俗之害久經嚴禁地方遇有此事州縣官一經訪聞即稟明該上司徹底查辦督撫等亦即當據實具奏按律重懲庶可盡絕根株共知儆畏若僅從輕完結姦徒毫無顧忌怙惡不悛日久必復相煽誘藉邪教以圖斂錢財深爲閭閻擾累而無識愚民亦以獲罪甚輕仍易被其簧鼓如保安州一案卽有司輕縱釀成之明驗也嗣後著各該督撫通飭所屬州縣如有潛倡邪教之案立即查拿報明上司據實具奏嚴行按法懲治以靖姦匪而安善良

通典

三十六年申嚴囑匪糾夥劫奪之罪刑部奏準川省囑匪糾夥五人以上在於場市人煙湊集之所橫行搶劫者不論會否得財爲首照光棍例擬斬立決爲從同搶者俱擬絞監候若拒捕奪犯殺傷

兵役並事主及在場之人者審明首犯卽行正法梟示在場加功及助勢者俱擬絞立決同謀搶奪而拒捕奪犯之時並未爲場者仍照光棍爲從本律擬絞監候其在野擄搶止二三人者除實犯死罪外犯該徒罪以上不分首從俱發重貴兩廣極邊煙瘴地方嚴行管束

通考

### 右刑制

我朝紀綱整肅刑獄最詳律法例條旣已屢經修定至內外刑官審擬各案俱於年終覆奏時恭候睿裁無非矜慎用刑惟平惟允所謂辟以止辟而刑期無刑者至詳且盡矣然猶慮有司奉行未當勿克深體聖懷言明察或失之嚴務矜恤又失之寬於上心之鑒空衡平而輕重視人目取者未有得也故自列聖以來訓飭諄諄往覆詳盡我皇上教戒庶司隨時隨案示之以大中至正之槩不下數千萬言用能詰奸懲除暴亂雪冤抑釋矜疑刑罰清而民服詳讞之效也

通典

天命元年定三覆審之例置理政聽訟大臣五人扎爾固齊十人凡有聽斷之事先經扎爾固齊十人審問然後言於五臣五臣再加審問然後言於諸貝勒衆議旣定奏明三覆審之恐尚有冤抑令訟者跪上前更詳問之故臣不敢欺隱民情皆得上聞

通考

順治八年舉行熱審之例時有病死獄中者上覽奏諭曰天時向熱連日風霾不雨前代常有熱審之例刑部可通察刑獄五城司坊順天府京縣各察監犯之無干牽連者卽日釋放笞杖徒流次第減免其有情罪可矜疑者請旨定奪

通志

十三年諭上年暫停秋決今年朝審應決人犯甚眾但其中情罪輕重不同或仍有可矜可疑者當行減等著多羅安郡王岳樂同索厄費揚古額巴黑蔣赫德村爾坤車克圖海胡兆龍再加詳審分別確議

康熙九年正月命刑部詳勘盜案三月以天旱 諭問刑衙門一切獄訟務期平允得情速審速結勿得株累無辜久淹羈禁 二十二年 諭刑部問刑衙門期於審鞫精詳斷決平允而後民情悅服冤抑畢伸近見爾部審理大小事件每多草率因循瞻徇舛錯如聽訟之時兩造是非自應分別定案因意有偏私往往不問曲直勒令和息或逼撤原狀含糊完結以致奸頑倖免良善含冤至於審員謬執已見聽斷不公或更改口詞圖遂私意或恐嚇犯證不令直供或妄肆株連稽延月日或怠玩疏忽苟且告竣此等弊端難以枚舉嗣後堂司各官俱著洗心滌慮一切刑名事務令情法允協無枉無縱以副委任之意以上通典

五十七年定部駁審案督撫拘庇不行改正處分左都御史蔡升元奏督撫審擬案件有宜駁正者如所引律例不符或前後情詞互異經部駁回令其詳審該督撫恐承審各官有失出入之罪而伊等復自涉朦混之愆遂終始徇庇不即改正嗣後部駁再審事件該督撫務虛心細按律例將舛錯處即行改正其承審官免其議處若始終不行改正令該部提取全案覆覈改正將承審各官及該督撫並交部議處部議應如所請從之

雍正元年貴成按察司釐剔宿弊歸於明允奉

諭朕惟直省大小獄訟民命所關國家各設按察

司以專掌之一切州縣申詳至爾司而獄成凡督撫達部題奏事件皆由爾司定案任豈不重與國家定律所以弼教非以厲民是故嚴立刑書防其或罹於法及至斷獄又條分縷析思以曲全其生今或情例相違牽合文法以納民於網或有兩例並見輒上下其手以自遂其私安得無冤獄哉夫折獄憑口供而平反馮案卷今法吏不求得情惟求完結州縣案卷之申詳於爾司者多鍛鍊口供附於律例冀免爾司之駁查爾司之詳督撫督撫之揭部院者又加文致冀免三法司之駁查口供案卷如是冤抑何從平反咎任聽斷之初心原非欲必得其情也今既釐剔宿弊歸於明允毋得因循故事自墮姦欺至納賄出入人罪於法尤重爾司其止已率下使法無枉撓庶幾刑措之風通考十一年諭各省秋審有不應緩決之案經九卿改情實者甚多如各省督撫臬司執法科罪而九卿核情平反或九卿據法定議而朕酌奪從寬如此方合政體豈有執法之官而任意於法外徇縱者乎今九卿雖行改正然不明白曉諭督撫臬司或謂九卿定擬務從苛刻稍存迎合之意遂以可矜可疑之案概以情實奏讞其流弊尤不可言著將改正各案逐一查明通行申飭俾後悉心定擬稱朕明刑欽恤之至意通典

乾隆五年諭盜賊中狡猾者多平日窩夥不肯實供每誣扳素封之家及向有嫌隙之人以圖陷害而捕役索詐弊端百出縱審出誣扳實情准予省釋而被拘候審已不勝擾累矣各省臬司爲刑名

總匯當撤行所屬凡盜賊供扳窩夥必先訊有確據方可拘拏隨到隨審如係誣扳立即自釋并將誣良之賊盜先行重懲以免再有誣扳 八年勅諭直省督撫嗣後每屆熟審時將案情通行檢查除情罪相符者仍照原擬外倘有臨期極口稱冤按之情罪稍未允協即細加研鞫果係從前枉斷十分冤屈者即改正具題以便令法司再行確勘從之通考

十二年前諭僧人界安將十一歲幼徒韓二娃用繩拴吊疊毆立斃甚至其父韓貴隴跪地求饒亦置不理其兇狠慘毒情形甚為可惡該部僅照故殺律擬以斬候尚未為平允僧人出家持律原不應身犯殺戒是以每年秋審時遇有僧人毆斃人命者概予勾決以示懲儆今界安因其徒年幼貪頑輒恃醉逞兇頓起殺機立置之死是界安既犯王章又破佛法非常人關毆故殺者可以豈可令其久稽顯戮著交該部另行妥議定例具奏此案即照新例辦理尋議嗣後僧人逞兇謀殺慘殺十二歲以下幼孩者即擬斬立決其餘尋常謀故鬪殺之案仍照本律辦理通典

二十七日諭今日勾到河南省情實招冊內有智洪義因父智順被趙二毆死趙二已擬絞候智洪義藉言報仇輒殺其子趙倉律擬斬候九卿及閣臣以趙二業已滅流將智洪義可否改入緩決之處文簽聲明意雖近似於事理猶未剖晰至當儒生拘牽春秋復仇之說如唐陳子昂甚至欲以一時旌誅並行固為乖誕即韓愈柳宗元號稱善駁大率不越以其父死於法不死於法為斷殊不知其父已死於法則固無可復之仇即不死於法亦必其相鬪而殺者其情固可矜而其死無可寬亦

無可復之仇也乃其子仍推刃仇人之胸亦豈春秋之法所當乎此在唐代刑制懈弛其說尙不能無弊况我朝百餘年來明罰敕法審慎周詳豈可使生殺不關讞司而一介不逞之徒竟爾私行報復其可乎且智洪義謀殺趙倉時毆死其父之趙二尙以論抵在監其時智洪義不得有復仇之說也以謀殺核擬情實自爲辟以止辟正義弟統核前後緣起智順既爲趙二毆死而智洪義又復抵償趙倉則是智姓二命而趙姓一命於事會所致稍覺情有未平朕是以悉心研究將該犯停勾然使徑行改入緩決則無以杜私復之源而與謀殺本律亦大相背戾該犯本年雖已停勾其下次秋審仍應入於情實俟將來年久或遇恩例減等之事再酌量辦理

通考

### 右詳讞

刑罰者經國之大權赦宥者欽恤之曠典也罪人逃戮則廢法於疑勿釋則失情義正仁旨要及以時而已我朝初造革故鼎新滌瑕蕩穢舊染汚俗從風丕變自時厥後列聖繼承惟以刑期無刑辟以止辟者飭紀綱而彰成憲凡不在三刺三宥之列者先著不赦之條其餘或遇慶典則肆赦或遇膏火則肆赦矜宥減免特恩寬大之詔歲輒屢下或間歲而一下湛濡汪濊浹淪肌膚自開國以迄於今未之有改也然而吏民觸法紙禁者無倖免之責脅從過誤連坐逮問者無久淹之慮至於奸宄肅清獄訟寔息囹圄無輕繫小罪而歲決重囚不過數十人猗歟盛哉唐虞三代之隆莫是過矣

通考

凡赦宥若犯十惡殺人盜係官財物及強盜竊盜放火發塚受枉法不枉法贓詐偽犯姦略人略賣和誘人口若姦黨及讒言左使殺人故出入人罪若知情故縱聽行藏匿引送說事過錢之類一應實犯雖會赦並不原有其過誤犯罪及因人連累致罪若官吏有犯公罪並從赦宥其赦書臨時欽定罪名特免及降減從輕者不在此限徒流人在道會赦計行程過限者不得以赦放有故者不用此律若曾在逃雖在程限內亦不赦免其在途身死隨家口願還者聽遷徙安置人准此其徒流遷徙安置人已至配所及犯謀反叛逆緣坐應流若造重豐毒採生折割人殺一家三人會赦猶流者不在此限凡以赦前事告言人罪者以其罪罪之若干係錢糧婚姻田土等項罪雖遇赦竟免事須究問明白凡恩詔內開有軍流俱免之條其和同誘拐案內係民人改發烟瘴少輕地方者既准寬免係旗下家人發遣爲奴人犯一體援免凡官員間擬徒罪不論未已到配遇赦減免令各督撫造具咨部彙題存案其有關人命擬徒常犯遇赦減等另冊報部核辦不得與尋常徒犯按季冊報凡直省偶值雨澤愆期應請清理庶獄除徒流等罪外其各案內牽連待質及咨核內情有可原者該督撫一面酌量分別減等一面奏聞通志

天命六年

諭凡應死咨罰諸罪必追論

其功有功則當死者贖當罰者免當管者戒飭而釋之功

罪直令相準其由武功授職者必行開

罪乃革其官他罪皆贖若不由武功授職者視罪之輕重

爲斷著爲令通志

天聰元年六月時以歲饑盜賊劫殺所在多有諸臣請按律嚴懲上惻然曰彼皆不得已而為盜耳緝獲者鞭而釋之可也遂命是歲獄獄姑從寬典通典

崇德七年以聖躬違和大赦凡重辟及械繫人犯俱令集大清門外宣諭曰爾等眾犯有罪

應死者有應責應罰者令俱釋爾罪其各改過自新毋再干國典通考

順治元年諭人命至重豈谷一概誅戮以後在京重大獄情詳審明確奏請止法在外仍明律斷

罪如有恣意輕重等弊指參重處又定卹刑官五年一差慎選廉明者往通志

二年定盜賊分別免罪御史馬兆燧奏竄賊之下盜賊竊發及至捕獲少長盡置之法臣以為殲厥

巨魁脅從罔治其老稚不能彎弓操刀者望加矜宥以廣罪人不孥之意從之五年定矜恤獄囚

之例每日給倉米一升冬給錦衣一襲夜給燈油有患病者令醫生診視給藥並酌寬刑具八年

定熱審減等之例時以天氣漸熱飭刑部巡察五城司坊順天府京縣各監犯分別減釋嗣於順治

十年定每年小滿後十日內外直省一體舉行十二年定卹刑事凡卹刑官審錄罪囚有死罪可

矜疑及事無證佐可結者具奏處置流徒以下減等發落充軍人犯除已經發解外其餘不分會否

詳允及雖經定衛尚未起解者逐一關送審錄內有應釋應減者會同巡撫酌量發落又重罪有不

用全律摘引例文及不分首從監坐者如未發遣卽附入矜疑疏內題請開釋雜犯死罪准徒五年

者重已徒而又犯徒總徒四年者減一半例應枷號就近釋放其餘流徒等罪各減等發落其罪



放免其贓犯除侵盜官銀五十兩糧一百石以上者照舊監遣如應還官銀不及五十兩並入官給  
主百兩以上各贓監追至五年或正犯身故逮及子孫勘無家產者奏請豁免其各處盤查坐贓追  
賂銀兩草東亦聽查勘正犯存亡家產有無具奏 裁奪通考

定審錄罪囚有死罪可矜疑及事無証佐可結者具奏處置流徒以下減等發落凡軍人犯除已經  
發解外其餘不分曾否詳允及雖經定衛尙未起解者逐一關送審錄內有應釋應減者會同巡撫  
酌量發落又重罪有不用全律摘引例文及不分首從濫坐者如未發遣即附入矜疑疏內題請開  
釋雜犯死罪准徒五年者並已徒而又犯徒總徒四年者合減一半例應枷號就近釋放其餘流徒  
等罪各減等發落答罪放免其贓犯除侵盜官銀五十兩糧一百石以上者照舊監追如應還官銀  
不及五十兩並入官給主百兩以上各贓監追至五年或正犯身故逮及子孫勘無家產者奏請給  
免其各處盤查坐贓追賂銀兩草東亦聽查勘正犯存亡家產有無具奏 裁奪通典

康熙七年以天旱寬釋輕罪御史黃敬璣疏言刑獄上關 天心今雨澤愆期請 敕內外刑官除  
重囚外其餘輕罪卽行保釋從之 十二年詔赦逆賊吳三桂屬下散處直隸各省有不知逆情官員  
親族人等罪並 敕刑部將逆案干連人等情罪稍可矜疑者概行省釋通典

二十一年 持救流犯回籍時 上謁 陵有尚陽堡流犯王廷試子王德麟叩閭稱伊父以高逃  
充發今年老懇發回籍願以身代督捕議不準行 上以情實可憫著一併發回籍仍 諭後不爲

例 謹按曲宥之典 列祖偶一行之然不以此開倖免之門也先是順治十年 世祖矜子代父

死之請 特免斬犯死罪遣戍遼陽即 諭後不為例又康熙七年浙江嘉善縣民郁之章有罪當

徙尚陽堡會有認工贖罪之例其子候選知縣郁復請修刑部衙署贖父還里迨限滿尚未訖工郁

之章例當復徙郁哀叩閣願棄官代父之徙所郁復弟主員郁廣亦叩閣言乞當代徙留其兄復侍

父疾部議子代父徙非例仍以衝突儀仗論 上並矜而有之至是復有是 赦并 諭後不為例

蓋皆於矜宥之中防廢法之漸仁至義盡所謂垂萬世而可守者也 通考

二十五年諭朕欲崇尚德化務存惇大一切令之自新除前經審擬完結各案及關繫工程錢糧不

議外一應枉法得贓行賄與受人員仍革職免擬重辟照例追贓其未經發覺者悉予寬免有以諭

前事參許者一槩不准自諭以後中外臣民湏洗心易慮省改前非守法奉公敦勵廉耻以副朕使

人寡過之至意 通志

三十六年寬宥言官妄陳赦款之罪時給事中鄭昱條奏平定囑爾丹慶賀大禮頒詔款項奉 諭

凡頒赦詔言人主之事非人臣所宜言自古不以頒赦為善政者以其便於惡人而無益於善人也

鄭昱妄以詔款陳奏念係言官特從寬宥著大學士嚴行申飭 四十五年定大臣廢廢子孫犯死

罪家無次丁者許妻妾入監相聚刑部議准凡經 恩賜祭葬之子孫難廢出身之人不可使宗祀

斷絕如審擬大辟家無次丁者令其妻妾入監相聚生有子息再行正法 通考

五十年部議福建海賊鄭盡心等俱擬卽行正法 上以正法人犯五十餘名多迫於饑寒搶奪財物並未與官兵相抗且俱熟諳水性 特旨從寬免死發往黑龍江益古塔等處充水手當差五十年

三年 上駐蹕避暑山莊

軫念在京獄囚恐盛暑致疫

命加寬恤多置冰水以解暑其九門

鎖禁人犯亦寬其鎖條枷號人犯暫行釋放

謹按五十四年五十五年六月並有是命 通典

雍正元年酌免臺灣叛賊親屬死罪刑部議奏臺灣叛賊鄭文遠等家口應分別定罪得 旨凡謀

反大逆按律凌遲處死正犯之親屬皆斬但此案事起倉卒遠隔海洋親屬有身在臺灣者亦有身在內地者若樂從誅戮情堪憫惻除身在臺灣者依律正法外其在內地者從寬免死給與功臣之家爲奴

通考

乾隆元年六月 諭明刑敕法國之大典而肆赦所加原以昭法外之仁也恩詔之頒期以息事蓋

人使遠邇咸知遷善改過共爲良民以成太平之治乃聞各直省於一切案件仍以提審駁審嚴刑酷夾恣意株連使無辜之人困於囹圄細微之事刻爲鍛鍊含冤稱屈所在多有夫罪名未定案件未協或有仍須審詳者但既非犯在不赦則斷讞亦易成招若使合於赦款之人不得卽邀赦免之澤而以酷刑斃命或因拖累破家則後卽審明援赦亦已無及是朝廷已生全之有司故戕害之親視功令殘虐民生莫此爲甚且頒詔之後已逾半年而題結咨結批結之案尙屬寥寥遲玩已極著刑部卽行令各該督撫速行嚴飭各屬立即詳慎察明逐一詳報歸結省釋如有仍前濫刑擾累及

撻延滋弊以沮抑國家德意者一經察出罪有攸歸斷不輕貸卽刑部所有案件亦卽速爲剖斷勿致沈擱以副朕良矜庶獄之至意

通志

四年定奉天獄囚縣衣煤炭藥餌棺木等項應於贖罰各項銀內給發其解審人犯亦一體給發口糧

通典

十一年 詔赦天下奉 諭古帝王治天下之道以省刑薄賦爲先朕臨御以來愛育黎庶惟日孜孜於茲十年矣仰荷 天 祖眷佑海宇乂安萬民樂業朕心慶慰特沛廣典與民休息念各負覆罪之犯於上年勾到之後見有竊禁囹圄者雖伊等孽由自作法無可寬而其中情事不同輕重亦有差別國家赦宥之典或因行慶施惠或因水旱爲災間一舉行今朕良矜庶獄不忍令其淹滯囹圄所有刑部及各自己經結案監禁人犯除情罪重大及常赦不原者無庸辦理外其餘著大學士會同刑部酌量分別請旨減等發落其軍流徒杖以下一併分晰減等完結俾伊等同霑肆赦之恩勉圖自新之路以副朕協中欽卹本懷 三十八年 諭例載獨子養親一條必先查核死者並非獨子而凶犯實在家無次丁方準聲請亦須核其情節本輕又毫無別故者始可照例援請至其中案情稍重雖經聲請不準留養者前經朕以此等尚非謀故重情常赦不原會降旨俟其拘繫經年量爲末減亦不必於定案時將命案正犯遽行開釋是故明慎用刑之中更寓法外施仁之意第恐愚民無知恃有留養之例凡係獨子動輒輕身鬪狠易罹法網是隲案辦理留養非惟無益而且害

之與其急於縱釋而民輕犯何如稍加慎重之轉得於全乎嗣後內外問刑衙門遇此項案情務須  
確覈罪由審酌主當妥協辦理毋得意存姑息將此通諭中外知之通志

四十九年二月 上巡幸江浙 命減釋江蘇安徽浙江軍流以下人犯四月奉 諭朕巡幸江浙

慶典覃敷於庶獄尤深矜恤業已降旨照歷次南巡之例將江浙二省軍流入犯減等發落但念山  
東直隸二省現在缺雨農田望澤維殷清理庶獄亦可感召 天和所有該二省軍流以下人犯亦  
著一體加恩各予減等發落通典

五十年上諭本年舉行千叟宴盛典官民耆老咸得普被恩施用彰錫福其具有軍流以下人犯亦  
於恩詔內概予減等發落惟罪犯斬絞情節不至予勾或本擬緩決者俱應牢固監禁該犯等因身  
罹重辟雖年已老邁仍不免羈禁固圍未得一體邀恩朕心深為惻然著刑部於朝審秋審情實柔  
勾并原擬緩決斬絞人犯內詳加查核除近年新事及舊案年未及七十者仍牢固監禁外其餘年  
七十以上未經予勾及本擬緩決之犯者加恩分別減免釋放其應如何辦理之處著該部詳悉妥  
議具奏候朕另降諭旨通典

右赦宥

贖罰並見虞書至呂刑以贖為罰蔡傳議之孔穎達疏曰意善功惡令出金贖罪是於其本應罪者  
而予贖以答其意總之皆以濟律法之權耳我 朝初制罰贖並行用於軍旅用於獵射用於牧放

於後有王公職官罪應金贖者改爲罰俸而贖與罰分矣乃有指銀運米河工邊墻諸例凡以興事  
便民由 國憲而俾自新也 聖祖 世宗哀矜折獄重訂贖款之圖 皇上初政遵 憲典而行  
之罪疑惟輕罰懲非死良法美意仁之至而義之盡也近則請贖之案經部臣按月彙題可否總奉  
聖裁無敢妄爲准駁自有贖法以來無若斯番慎者也從茲作奸犯科者無納錢逃罪之虞而罪  
重情輕者受金作贖刑之福矣 通典

天聰五年定縱畜入田罰例凡豕入人田者令送還本主每次計豕罰銀五錢過三次許赴告該牛  
彘額真卽以其豕給之羊入人田者計每隻罰銀三錢駝牛馬驢騾入人田者計每頭匹罰銀一兩  
仍償其禾 定諸貝勒犯罪罰例凡諸貝勒擅殺人命者罰銀千兩發屬下婦女者罰銀六百兩屬  
下有效力戰士隱匿不報以私人冒功濫薦者罰銀三百兩 五年諭國家立法不遺貴戚斟酌罰  
錢以示懲儆凡諸貝勒審事枉斷人死罪者罰銀六百兩枉斷人杖贖等罪及私遣入與外國交易  
或怠忽職業或擅取民間財物馬匹或將本旗人女子不行報部短價收納在家者均罰銀二百兩

通考

崇德七年定獵罰例凡行獵處有擅入圍中者貝勒罰良馬一甲喇額真罰銀十五兩旗長罰銀十  
兩閒散人罰銀九兩離伍退後者與入圍同 通典

順治元年定罰贖無完免追之例時沿舊例有追比罰贖致戕人命或罰贖不完扳引代納者至是

一切禁止並奉 詔贖錢之設原開罪人自新之路嗣後有力不能完者速與免追歸結 三年定

五刑贖罪例先是 國初罰贖之令行於軍旅朝會田獵遊牧及王公大臣各員勒而已餘則未經

定制也至是始 頒行五刑贖罪之圖凡贖刑輕者為收贖若年七十以上十五以下及廢疾犯軍

流以下罪者若樂戶象奴及習業已成之天文生罪止杖笞者若過失殺傷人自首罪至絞罪者並

准收贖次輕者為折贖若命婦正妻例難的決者杖罪餘罪並准贖免重者為納贖分有力稍有力

二等若軍民有力若舉監生員冠帶人犯非姦盜詐偽者流徒以下並聽納贖凡笞杖徒流雜犯死

罪在京俱令其做工及運米炭磚石等計數准銀各有差此例至雍正三年停止外省照例分別有力稍有力

依數遞加折贖通考

五年定官員罪應鞭笞杖責者俱依律折贖免責例八年四月定軍營罰例凡行軍擅離旗幟者罰

銀三兩馬匹無印罰銀二兩前上無姓名者罰銀十兩如不能出銀鞭三十一年定竄獲逃人不

卽起解及隱匿逃人罰贖例凡竄獲逃人不卽起解該管官革職仍罰銀一百兩給與出首之人凡

滿洲家人隱匿逃人鞭二百罰銀五兩其本主不論官民罰銀十兩或另戶人隱匿逃人鞭二百罰

銀十兩宗室公以上家下莊頭人等窩隱逃人鞭一百罰銀五兩管莊撥什庫罰銀十兩逃走二次

或三次如本主不行報明被旁人首告平人鞭二百有頂帶官員鞭二百折贖通典

十六年更定杖罪贖錢之例奉 諭向來贖錢太輕以致奸頑玩視犯者愈眾今自杖一百者贖銀

三十五兩遞減至二十兩而止兩部分別定議尋議杖一百者應贖銀三十五兩九十者三十一兩二錢五分八十者二十七兩五錢七十者二十三兩七錢五分六十者二十兩著爲例從之嗣又議准官民人等犯杖六十徒一年者折銀三十三兩七錢五分杖七十徒一年半者二十九兩三錢七分五釐杖八十徒二年者三十五兩杖九十徒一年半者四十四兩六錢二分五釐杖二百徒三年者四十六兩二錢五分杖一百流罪准徒四年者五十四兩雜犯死罪准徒五年者五十二兩七錢五分

通考

康熙六年定王公縱容家人墾商罰例王公等縱容家人強佔關津要地不容商民貿易者王罰銀一萬兩八罰銀二千兩又定凡內外王公以下官員家人有領本籍佔關津要地者除本犯立斬外若係內務府人佐領軍職係宗室王公家人親王罰銀一萬兩郡王罰銀五千兩貝勒罰銀二千五百兩貝子罰銀一千三百兩公罰銀七百兩仍交宗人府議處若係在外王等家人親王罰銀一萬兩降爲郡王貝勒貝子請旨定奪郡王貝勒貝子罰銀五千兩降爲公若係大臣官員家人伊主皆革職通典

十六年定出征之處殺人贖向刑部議准有出征之處殺人奉旨免死者鞭一百追銀二十兩給死者之家枷號兩月存案令軍前效力贖罪其口外蒙古等有犯亦鞭一百追銀二十兩折牲口一九給死者之家令軍前效力贖罪若不行動力仍追牲口三九給死者之家謹按效力贖罪於罰



金贖錢及做工賦運等例外別爲一條皆 國家於全罪人開以自新之路也凡重臺効力贖罪軍前効力贖罪屯田効力贖罪隄工城工効力贖罪及革職餘罪人員或留該省効力贖罪或發往他省効力贖罪等名色並按罪重輕酌量時事特奉 恩給事無定例是以不樂入贖刑一門

二十九年四月定邊口輸米贖罪例凡死罪現監人犯除十惡強盜及殺人犯外米一數二聽其捐輸死罪如內外三品以上堂官與兼堂官職銜之人捐米一萬石在外實係二品三品文職官員捐米七千石道府官捐米二千五百石在內四品堂官及司官捐米一千五百石在外同知通判知州知縣參將遊擊捐米一千五百石筆帖式佐貳雜職守備千總及文武進士舉人監生人等捐米五百石生員及平人捐米二百五十石皆免死釋放 三十三年定修理邊牆捐納贖罪例先是部定西安等處捐納事例有流犯納銀贖罪給照還籍之條至是以省督臣佛倫奏修理秦省三邊牆垣請照西安納贖辦八例凡各省有已遺流犯除死罪減等之犯外其已流三千里者納銀五百四十兩流二千五百里者納銀四百五十兩流二千里納銀三百六十兩給照還籍其已遺徒罪五年者納銀五十兩五年以下按年遞減銀數免其配驛部議應如所請從之至三十九年十一月部議停止以上

三十八年九月停河工捐贖例先是刑部會同工部議准河工捐贖例除犯係十惡外三品以上死罪捐工五百丈流罪捐工二百丈五品以上死罪捐工八十丈流罪捐工四十丈九品以上死罪捐

工六十丈流罪捐工三十丈庶民死罪捐工二十丈流罪捐工十丈俱免罪以修完日為始保固三年至是奉 旨停止

雍正五年正月定營田贖罪事例凡不論旗民罪擬斬絞非常赦不原者原任三四品官營田四十頃五六品官營田三十頃七品以下進士舉人營田十五頃貢監生員營田十頃平人營田八頃准免罪其重流罪犯各減十分之六徒罪以下各減十分之八俱准免罪仍記檔案倘有再犯徒罪以上者前後通論從重治罪以上通典

乾隆元年復行贖罪舊例奉 諭前因官爵有關名器仕途不且冒濫是以降旨停止捐納至於屬罪一條原古人金作贖刑之義況在內由部臣奏請在外由督撫奏請皆屬斟酌情罪有可原者方准納贖其事尚屬可行嗣後贖罪一條仍照舊例辦理通考

五年定過失傷人收贖銀數例刑部奏准查例內止載過失殺人銀數並無過失傷人若干銀兩之文按過失殺人絞罪收贖銀十有二兩今將收贖過失傷人銀數其致傷輕重應得罪名不成傷首二十贖銀三錢五分四釐手足傷首三十贖銀五錢三分二釐他物傷首四十贖銀七錢九釐按髮方寸以上至五十贖銀一兩四錢一分九釐折人一齒一指眇一目者杖一百贖銀一兩七錢七分四釐折入二齒二指者杖六十徒一年贖銀三兩五錢四分八釐折助墮胎眇人兩目及刃傷者杖八十徒二年贖銀五兩三錢二分一釐致成廢疾者杖一百徒三年贖銀七兩九分七釐成篤疾者

三四月通正刑者類  
卷三十一  
杖一百流三千里贖銀十兩六錢四分五釐 三十九年定凡民人捕獵誤殺人命追埋葬銀兩例  
凡民人捕獵遇有施放槍箭打射禽獸不期殺人者比照捕戶於深山曠野去置窩弓不立望字因  
而傷人致死律杖徒仍追埋葬銀一十兩給與死者之家

通典

右贖刑

二十四史九通政典類要合編卷三百十八

皇朝二十六

象緯天象 兩儀地體 七政宿度 太陽行度 太陰行度 日月實徑與地徑 日月

食 五星 恒星 極度 偏度 天漢 儀器

易曰仰以觀乎天文日月星辰之麗乎上天之文也聖人觀之察之欽若敬授以前民用三代以前尚已漢晉而還觀象者言微應推步者失實測史家分天文律書為二門司馬遷天官書僅載垣官列宿吳太史令陳卓引巫咸甘石之書增益其數後之言天者咸奉以為標準焉鄭樵著天文略屏去誕妄之言祇錄隋丹元子步天歌取其句中有圖言下見象使人仰觀焉而即得其論卓矣然不言推步而仍涉祿祥休咎則未免自相矛盾夫觀象體也推步用也體用不偏廢斯聖人欽若敬授之本旨洪惟 聖祖仁皇帝喜聽作后學貴天人考驗西法最善俾專司時憲時監官南懷仁等畢

智竭能創制儀器最稱精密我 皇上敬 天勤民事惟法 祖申命監臣釐正璣衡以期昭合於

是恆星增減較舊測而加詳參宿後先改距星而順序凡茲垂象訂自 宸謨休乎哉 聖代之新

規直協虞廷之遺意也間攷西法之善理奇而正者數事一曰天圓而地亦圓如卵裹黃與渾天之

說合一曰天有九重最遠則恆星天次土次木次火次金次水日最近者為月天其外則宗動天與

楚詞之說合一曰惟宗動天行有常度恆星天亦右行此即歷代歲差之說一曰日月五星各有天

行皆有輪如珠逐盤所以有盈縮遲疾一曰月與五星有本輪以從天有次輪以法日蓋日尊天月

二十四史九通政典類要合編 卷三百十八 皇月 象緯 一 約雅堂藏板

五星尊天又尊日也。一曰金水與日同天其兩輪包日故不與日相距。一曰月有倍離五星一合日而遲疾一周月一合日而遲疾再周五星之小輪跨本輪之內外月之小輪切本輪之邊其法皆以實測而得。至於南極之紀星座天漢之周尾宮爲中國所未見者西人皆於浮海測之。此其事初若創見然或付於古經或軌於自然之理洵乎確實而不可易有非唐一行郭守敬之所能企及耳。志通

虞書堯典曰欽若昊天厯象日月星辰楚詞天問曰圓則九重孰營度之後世厯家謂天有十二重非天實有如許重數蓋言日月星辰轉運於天各有所行之道卽楚詞所謂圓也。欲明諸圓之理必詳諸圓之動欲攷諸圓之動必以至靜不動者準之然後得其盈縮蓋天道靜專者也。天行動直者也。至靜者自有一天與地相爲表裏故羣動者運於其間而不息若無至靜者以驗至動則聖人亦無所成其能矣。人恆在地面測天而七政之行無不可得者正爲以靜驗動故也。十二重天最外者爲至靜不動次爲宗動南北極赤道所由分也。次爲南北歲差次爲東西歲差此二重天其動甚微厯家姑置之而不論焉。次爲三垣二十八宿經星行焉。次爲填星所行次爲歲星所行次爲熒惑所行次則太陽所行黃道是也。次爲太白所行次爲星辰所行最內者則太陰所行白道是也。要以求地之遠近而爲諸天之曰外然所以知去地之遠近者則又從諸曜之掩食及行度之遲速而得之。蓋凡爲所掩食者必在上而掩之食之者必在下月體能蔽日光而日爲之食是日遠月近之徵也。月能掩食五星而月與五星又能掩食恆星是五星高於月而卑於恆星也。五星又能互相掩食是

五星各有遠近也又宗動天以渾灑之氣擊諸天左旋其行甚速故近宗動天者左旋速而右移之度遲漸遠宗動天則左旋較遲而右移之度轉速今右移之度惟恒星最遲土木次之火又次之日金水較速而月最速是又以次而近之證也是故恒星與宗動相較而歲差生焉太陽與恒星相會而歲實生焉黃道與赤道出入而節氣生焉太陽與太陰循環而朔望盈虛生焉黃道與白道交錯而薄蝕生焉五星與太陽離合而遲疾順逆生焉地心與諸國之心不同而盈縮生焉歷代專家多方測量立法布算積久愈詳已得其大體其間或有毫釐之差諸說不無同異者蓋因儀器仰測穹蒼失之纖微年久則著雖有聖人莫能預定惟立窮源竟委之法隨時實測取其精密附近之數折中用之每數十年而一修正斯爲治歷之通術而古聖欽若之道庶可復於今日矣通考

### 右天象

西法謂地居天中其體渾圓與天度相應卽渾天家卯黃之說人居其中各隨所在皆戴天而履地居赤道北者北極見南極隱居赤道南者南極見北極隱近極則見極高遠極則見極低東方日中西方夜半南方日中北方夜半周天三百六十度日月星辰旋繞其間而人目力所極適與地平止一百八十度昔人局於地平測算而不知地如卵圓故多疏舛今首列兩儀以爲恒星七曜運行之準而西法之與前代迥殊於斯具見通志

### 右兩儀

欲明天道之流行先達地球之圖體日月星辰每日出入地平一次而天下大地必非同時出入居東方者先見居西方者後見東西相去萬八千里則東方人見日爲午正者西方人見日爲卯正也周天三百六十度每度當地上二百里是故推驗大地經緯度分皆與天應測緯度者用午正日晷或測南北二極測經度則必於月蝕取之蓋月蝕與日蝕異日之食限分數隨地不同月之食限分數天下皆同但入限有晝夜人有見不見耳此處食甚於子者處其東三十度必食甚於丑處其西三十度必食甚於亥是故相去九十度則此見食於子而彼見食於酉相去百八十度則此見食於子而彼當食於午雖食而不可見矣通考

### 右地體

日月五星皆有宿度古以十二宮定于二十八宿故宿度逐歲不同者經度亦因而不同今以二十八宿厯于十二宮故宿度逐歲有差而經度終古不變其法以歲差五十一秒按歲積之與各宿第一星黃道經度相加爲本年黃道宿鈴而于七政黃道經度內減去相當黃道宿度餘卽七政黃道宿度蓋七政恒星皆宗黃道故宿度亦以黃道推也至于日月交食則并用赤道宿因其關于天行最著故于推算獨詳然各宿赤道經緯度逐歲不同須用推恆星赤道經度法求得本年各宿第一星赤道經度爲本年赤道宿鈴乃于太陽太陰赤道經緯內減去相當赤道宿度餘卽太陽太陰赤道宿度

通志

右七政宿度

太陽行天每歲一周萬古不忒宜其每日平行而不有盈縮乃微之實測則春分至秋分行天半周而歷日多秋分至春分行天半周而歷日少其在半天所行之度原均而人居地上所見時日不同今卽其不平行之數求其所以然之故則惟有本天高卑之說能盡之本天高卑之法有二一爲不同心天蓋天包地外以地爲心太陽本天亦包乎地外而不以地爲心因其有兩心之差而高卑判焉自春分應夏至以至秋分太陽行本天之大半周故歷日多而自地心立算止行黃道之半周故爲行縮自秋分應冬至以至春分太陽行本天之小半周故歷日少而自地心立算亦行黃道之半周故爲行盈夫日在本天原自平行因自地心立算而不以太陽本天心立算遂有高卑盈縮之異故高卑爲盈縮之原而兩心之差又高卑之所由生也一爲本輪蓋本天與地同心而本天之周又有一本輪本輪心循本天周向東而行日在本輪之周向西而行兩行之度相等太陽在本輪之下半周去地近爲卑則順輪心行故見其速於平行在本輪之上半周去地遠爲高則背輪心行故見其遲於平行在本輪之左右去地不遠不近爲高卑中故名中距其行與平行等本輪循本天東行爲平行度太陽循本輪西行由下而左由上而右而復于下爲自行度如太陽在本輪之下去地心最近是爲最卑太陽在本輪之上去地心最遠是爲最高最高最卑之點皆對本輪心與地心成一直線其平行實行同度故爲盈縮起算之端如太陽由本輪下向左順輪心行能益東行之度故較



平行度爲盈至半象限後所益漸少迨輪心行一象限太陽亦行輪周一象限卽無所益而復於平行是爲中距然而積盈之多正在中距蓋從地心立算爲盈差之極大也從中距而後太陽行本輪之上半周背輪心行故實行漸縮然因有積盈之度方以次漸消其實行仍在平行前迨行滿一象限至最高爲極縮而積盈之度始消盡無餘其實行與平行乃合爲一線故自最卑至最高半周俱爲盈也如太陽由本輪上向右背輪心行能損東行之度故較平行度爲縮至半象限後所損漸少迨輪心行一象限太陽亦行輪周一象限卽無所損而復於平行是爲中距然而積縮之多亦在中距蓋從地心立算爲縮差之極大也從中距而後太陽行本輪之下半周順輪心行故實行漸盈然因有積縮之度方以次相補其實行仍在平行後迨行滿一象限至最卑爲極盈而積縮之度始補足無缺其實行與平行乃合爲一線故自最高至最卑半周俱爲縮也求得兩心之差而本輪之徑自見明於本輪之故而盈縮之理益彰其理相近其用相輔可以參稽而互證也 謹按衆合立爲本天高卑本輪均輪諸說用三角形推算乾隆初西人刻自爾鳴西尼等更相推攷又以本天爲橢圓均分其面積爲平行度與舊法迥殊然法雖巧合而其理則猶是本天高卑之說詳見攷成後編

通志

右太陽行度

太陰行度有九而隨天西轉之行不與焉一曰平行蓋太陰之本天帶一本輪本輪心循本天自西

而東每日平行一十三度有奇二十七日有餘而行天一周即白道經度也二曰自行蓋本輪心循

白道行自西而東即平行經度太陰復依本輪周行自東而西每日亦行一十三度有奇微不及本輪心

行而與本輪心之行順逆參錯人目視之遂主遲疾故名自行以別之授時歷名為轉周滿一周為

轉終其所生之遲疾差名爲初均數也三曰均輪行西人第谷言用一本輪以齊太陽之行往往與

實測未合因將本輪半徑三分之二存其二分爲本輪半徑用其一分爲均輪半徑均輪循本輪周行

自東而西即自行轉周度太陰復依均輪周行自西而東每日行五十六度有奇爲輪心行之倍度均輪心

月行均輪轉周度其所生之遲疾差即今所用之初均數也四曰次輪行蓋用本輪均輪推得遲疾之最大

差爲四度有奇于朔望時測之其數恰合而於上下弦時測之則不合其大差至七度有奇故又于

均輪之周復設一輪循均輪周行命爲次輪次輪心自西而東太陰復依次輪周亦自西而東每日

行二十四度有奇爲本輪心距太陽行之倍度本輪心距太陽行一度月行次輪周二度名爲倍離倍離所生之遲疾差

名爲次均數也五曰次均輪行蓋有初均次均以步朔望以定兩弦則既合矣而于兩弦前後測之

又多不合爰思次輪之上必更有一輪以消息乎次均之數今命之曰次輪均其心循次輪周自西

而東行倍離之度而太陽則循此輪之周自西而東亦行倍離之度用其所生之差以加減次均數

即與太陰兩弦前後所行恰合也六曰交行蓋太陰行白道出入于黃道之內大距五度有奇其自

黃道南過黃道北之點名曰正交即如春分日赤道南過赤道北自黃道北過黃道南之點名曰中交即如秋分日赤道北過赤

二十四月九重文更頁更令編 卷三百十八 皇明 象緯 四 約雅堂藏板

道每交之終不能復依原次而不及一度有餘遂日計之退行三分有餘命為兩交左旋之度自東而西

也亦名羅計行度也

正交曰羅限  
中交曰計都

七日最高行最高者本輪之上半最遠地心之處而最高行者平

行與自行相較之分也均輪心從最高左旋微不及於平行每日六分有奇即命為最高左旋之度亦名月孛行度也八日距且行于每日平行度內減去太陽之行為每日太陰距太陽行二十九日有奇而復與日會是為朔策九日距交行以每日平行度與每日交行相加得每日太陰距交度二十七日有奇而行交一周名為交周也

太陰行度用四輪推之而四輪之法俱係實測而得非臆設也西人第谷以前步月雖惟用本輪次輪蓋因朔望之行有遲疾故知其有本輪而兩弦之行不同于朔望故知其有次輪其法次輪與本輪兩周相切之點故云朔望時太陰循本輪周行而兩弦時太陰則從兩周相切之點行次輪半周距本輪心最遠故次輪全徑為兩弦時大於朔望時平行實行之極大差第谷遵其法用之因不能密合太陰之行故于本輪上復加一均輪且因兩弦前後之行又不同于兩弦故又加一次均輪蓋用本輪推朔望時平行實行之極大差為本輪半徑得四度五十八分有餘而徵之實測惟自行三宮九宮初度之一點為合在最高前後兩象限則失之小最卑前後兩象限則失之大故第谷將本輪半徑三分之存其二分為本輪半徑取其一分為均輪半徑用求平行實行之差為初均數乃密合於天至於兩弦時平行實行之極大差七度二十五分有餘雖為新本輪半徑併均輪半徑仍加

次輪全徑之數然即舊本輪半徑與次輪全徑相併之數也其次均輪行於次輪即如初均輪之行於本輪但所行之度不同耳

初均輪行爲引數之度要之次均輪行爲倍離之度

本輪者推本天之高卑均輪者所以消息

本輪之行度次輪者定朔望兩弦之遠近次均輪者又所以分別朔望兩弦前後之加減故本輪行度合初均輪之倍引而生均數分高卑左右而爲朔望之加減差也次輪行度合次均輪之倍離而生二三均數分遠近上下而爲兩弦前後之加減差也是故非驗實測無以知四輪之妙而明於四輪之用則於太陰遲疾之故思過半矣 謹按刻白爾創爲橢圓之法專主不同心天而不同心之兩心差及太陰諸行又皆以日行與日天消息自一平均以迄交角皆實測之數而要離乎筭谷用本天高卑中距四限與朔望兩弦前後參互比較之法說見攷成後編

以上並通志

### 右太陰行度

日最大地次之月最小新法歷書載日徑爲地徑之五倍有餘月徑爲地徑之百分之二十七強今依其法用日月高卑兩限各數推之所得實徑之數日徑爲地徑之五倍又八分之七月徑爲地徑之百分之二十七弱皆與舊數大制相符足徵其說之有據而非誣也

通考

### 右日月實徑與地徑

日月相會爲朔相對爲望朔而同度同道則月掩日而日爲之食望而同度同道則月亢日而月爲之食

朔望日月皆東西同度而顧推步之法月食猶易而日食最難以月在日下人在地面隨時隨南北不皆同道同道則食

處所見常不同也自大行以至授時其法浸備我朝用西法推驗尤精攷成上編言之詳矣近日西人噶西尼等益復精求立為新表其理不越乎昔人之範圍而其用意細密又有出于昔人所未及者如求實朔實望用前後二時日月實行為比例昔人用平朔平望實距弧者未之及也日月兩心相距最近為食甚兩周初切為初虧初離為復圓皆用兩徑斜距為比例昔之用月距日實行者未之及也日食周圖算月之視行不與白道平行帶食日在地平視差即圓之半徑月之視距即見食之淺深昔之言視差者亦未之及也雖其數所差無多而其法實屬可取其他或因屢測而小有變更或因屢算而益求精捷則又攷驗之常規而推步所當從也

通志

### 右日月食

前史天文志皆言五星行度而明哲莫逾晉志凡伏見留退遲疾順逆各有定率可為後代攷驗之準元史益詳步術惟繁簡疏密之不同也我朝用西法推七政每頒來歲之朔則經緯躔度並有成書持以驗諸懸象皆無差忒

五星近太陽則伏遠太陽則見星體大黃道正升正降緯度在北則速見遲伏星體小黃道斜升斜降緯度在南則遲見速伏

五星之體金星最大木水二星次之土星又次之火星最小星體大則太陽在地平下之度少即可見星體小則太陽在地平下之度多方可見土星當地平太陽在地平下十一度可見木星水星當

地平太陽在地平下十度可見火星當地平太陽在地平下十一度三十分可見金星當地平太陽在地平下五度可見

五星行上弧順輪心行自西而東爲順爲疾行下弧逆輪心行自東而西爲退爲遲

五星距地有遠近次輪有大小上弧之度多於下弧其多少又各不同土木二星輪小而距地遠上下弧不甚懸殊土星上弧一百九十二度有餘下弧一百六十七度有餘木星上弧二百度有餘下弧一百五十九度有餘火星水三星輪大而距地近上弧之度愈多下弧之度愈少火星上弧二百八九十度下弧七八十度金星上弧二百七十度下弧九十度水星上弧二百二十二度下弧一百三十八度

五星與太陽同度太陽在星與地之間星爲太陽所掩伏而不見是爲合伏土木火三星能距太陽半周地在星與太陽之間星與太陽正相對照如月之望是爲衝金水二星常繞太陽行不能相距半周星在太陽與地之間於次輪下半退行正當太陽之下如月之朔是爲退伏土木火三星合伏後漸遠太陽則晨見順行先疾後遲遲極而留爲留退初退行先遲後疾漸近合伏則夕不見金水二星合伏衝旋夕見退行先疾後遲遲極而留爲留順初順行先遲後疾漸近合伏則夕不見金水二星合伏後漸遠太陽則夕見順行先疾後遲遲極而留爲留退初退行先遲後疾漸近太陽則夕不見復與太陽同度爲合退伏漸遠太陽則晨見退行先疾後遲遲極而留爲留順初順行先遲後疾漸近合

二四及力通正典類考卷三十一  
伏則夕不見以上並通考

右五星

恆星即經星也以其有常不易故名經星

史記天官書紫宮房心樞衝咸池虛危列宿部星此經星天之五宮坐位也爲經不移徙大小有差闕秩有常

又各有經緯度故別之曰恆星其星官名數古今不同漢書天文志經星常宿中外官凡百一十八

名積數七百八十二星晉志載吳太史合陳卓始列廿石巫咸三家星官著於圖錄凡二百八十三

官一千四百六十四星今皆不見原本隋丹元子步天歌與陳卓數合此後言天官者皆以步天歌

爲準康熙十三年監臣南懷仁修儀象志星名與古同者總二百五十九座一千一百二十九星比

步天歌少二十四座三百三十五星又於有名常數之外增五百九十七星又多近南極星二十三

座一百五十星近年以來累加測驗星官度數儀象志尚多未合又星之次第多不順序亦且釐正

於是逐星測量推其度數觀其形象序其次第著之於圖計三垣二十八宿星官與古同者總二百

七十七座一千三百一十九星比儀象志多十八座一百九十星與步天歌爲近其尤與古合者二

十八宿次舍自古皆黃宿在前參宿在後其以何星作距古無明文唐書云古以參右肩爲距失之

大違文獻通考載宋兩朝天文志云黃二星距西南星參十星距中星西第一星西注黃宿距中上

星參宿亦距中西一星今按黃宿中上星在西南星前僅六公分餘而西南星小中上星大則以上中

星作距可也若參宿以中西一星作距星則黃宿之黃道度已在參宿後一度餘卽赤道度亦在參

宿後三十一分餘今依次順序以參宿中三星之東一星作距星則黃道度恆在參前一度弱與黃前參後之序合其餘諸座之星皆以次順序無凌躡顛倒之弊又於有名常數之外增一千六百一十四星近某座者即名某座增星依次分註方位以備稽攷其近南極星二十三座一百五十五星中國所不見仍依西測之舊共計恆星三百座三千八十三星編爲總紀一卷庶星官名數今古不同及黃道赤道所屬宮次皆展卷瞭然矣 謹按丹元子步天歌先二十八宿後三垣蓋其風畢雨織女牽牛見於詩書者皆列宿星座而宋兩朝天文志所載垣星俱入列宿度分是列宿星名最古也三垣多取周秦之國與官名知始於甘石之徒然史記天官書首列紫宮殆以北極爲尊猶振夜之挈領今西測次序仍之 通志

### 右恆星

西法謂地居天中其體渾圓與天度相應卽渾天家卯黃之說也天半覆地上半繞地下日出地上爲晝入地下爲夜此終古不易者也人居赤道北者北極見南極隱居赤道南者南極見北極隱近極則見極高遠極則見極低東方日中西方夜半南方日中北方夜半此易地殊觀者也周天三百六十度半在地上者爲一百八十度天頂距地極距赤道皆九十度黃道出入赤道南北各二十三度二十九分 京師北極出地三十九度五十五分則天頂距極五十度五分而赤道距天頂亦三十九度五十五分自京而北二百里而極高一度自京而南二百里而極低一度而日月星之出入



二四身之通正身卷之新 卷三百一十八 皇朝  
晝夜之長短因之而異是爲南北里差自京而東一度而時遲四分自京而西一度而時早四分而交節之後先日月食之早晚因之而殊是爲東西里差此由人居地面隨在所見不同者也明史天文志列北極高度東西偏度謂惟兩京江西廣東四處係實測其餘皆據地圖約計我朝於各省及蒙古回部金川皆經實測以推晝夜節氣時刻亦從古所未有也 通志

### 右極度偏度

李光地云二十八宿分四方者以雲漢之升降定之雲漢陰氣也列宿天中也雲漢之氣與列宿始交於申勢極於亥降交於寅沉化於巳潛明於午陰氣循環於是爲著故四維之限因以定焉陰氣之升爲西爲北降氣之降爲東爲南天之道也其說與天漢在第八重列宿之天相發明而其運動則正第八重之運動焉以廣面爲界旁過二極斜絡於天體猶之黃赤等大圈平分之爲二若論其體乃天體內無數之微星耳星因微少其光不能映射入目如諸大星又因其稠密故覺所見之微光或成白道或如白河之象云爾 通志

### 右天漢

虞書在璿璣玉衡以齊七政儀器之重由來尙矣自漢而後代有制作洛下閎造渾天儀張衡造候風地動銅儀晉陸績造渾象吳王濬造渾儀後魏有候部鐵儀梁有重雲殿銅儀隋有觀臺渾儀唐有渾天閣渾儀開元黃道游儀武成殿水運渾天宋太平興國及祥符皇祐元祐各製渾儀皆所以

察三光分宿度著天體布星辰也乃馬端臨象緯攷俱不之載蓋以其制不皆可攷且或適於一時之用而不能經遠或合於一事之宜而無賞全用耳 國家整一西夏西法諸器畢斐觀臺 列聖相承折衷至賞創制靈臺之儀及璣衡撫辰諸儀彰數理之精密集占候之大成以視王圻續攷所載簡儀仰儀景符儀玲瓏儀閩几燭漏之屬如日月出而燭火難以為光矣

天體儀以銅為球徑六尺面刻黃赤二道平分十二宮布列星漢以肖穹象中貫銅軸露其兩端以屬於子午圈之南北極其外為子午圈週圍各浮天體球五分兩面刻去極度南北極各作半圓合伏兔半圓以受天體之軸其下為地平圈週圍子午圈同面寬八寸環渠為界外刻四象限度及諸曜出入地平時刻方位下施四足承以圓座高四尺七寸設螺旋以取平子午正對處向西少闕以受子午圈半入地平下半年出地平上自天頂設高弧帶地平遊表以察諸曜地平經緯度以時盤定於子午圈設遊表於北極樞令自轉以定日度又能隨天體旋轉以指時座下設機輪運轉子午圈使北極隨各方出地度升降則天象隱現之限皆可究觀

地平經儀以銅為之平置地平圈徑六尺二寸寬二寸四分厚一寸二分上面側面皆刻四象限度上面自南北起初度側面自東西起初度以立龍四座之圈下立柱其高相等適當圈心上出圓軸圈上東西二龍柱精橫梁中穿孔為天頂與圈心對施立表長四尺四寸上應天頂下應地心表末結十字橫表與圈相切尺寸與圈徑同立表頂左右結二線斜貫橫表兩端成兩三角形旋轉橫表

合三線與所測豎直視表所指以測各曜之地平經度

地平緯儀一名象限儀以銅爲之直角爲心兩方皆爲半徑各長六尺寬二寸一分厚二寸一分正面鑄九十度分外規面鑄度數字其數自上而下以紀地平高度自下而上以紀距天頂度聯以雲龍東西立柱縱八尺八寸上下梁橫七尺八寸飾以雲龍梁中各穿圓孔以受立軸軸與儀之立半徑平行長九尺七寸寬二寸一分厚二寸七分東西運之直角施橫軸長二寸一分軸本加遊表寬二寸一分厚二分有奇長與半徑等遊表末設立耳以測地平緯度

以上並通考

右儀器

二十四史九通政典類要合編卷三百十九

皇朝二十七

輿地 京師 盛京 行省 蒙古 青海 西藏 新疆

自古帝王撫馭寰瀛原不徒恃金湯爲固而宅中圖大計及萬世必相天下之勢以爲首善之區鄧  
樞謂建邦設都皆憑險阻山川者天之險阻城池者人之險阻論誠是已顧其所稱去已衰之衰就  
未王而王似乎二代之興必先別識建都則有未可執一而論者三代以下漢唐稱盛漢都卽因秦  
之舊唐都卽因隋之舊豈地利之衰旺頓殊亦視乎設都之主何如耳遼金元皆起自北方遷都燕  
薊地勢雄厚滄海環其左太行峙其右喜峰古北諸關口衛其後南面而臨天下實據九州之上游  
我國家入關定鼎卽仍明都之舊而規模宏遠實有超軼前朝者蓋明代雖曾營建於此每以地  
近九邊控防是亟我 聖朝德化遠被六合一家北逾瀚海南極越裳東抵朝鮮西窮蔥嶺以形勢  
論之古稱河雒爲九州之中而今之 京師實又居天下之中伏讀 御製帝都篇及 皇都篇綜  
論沿革包舉形勢以伊古建都之地無如今之燕京而仍歸之在德不在險撫無外之模彌履日中  
之警 聖意深遠垂裕綿長誠足啓萬年有道之隆矣 通志

京師順天府明京師 皇朝順治元年 世祖章皇帝定鼎建都於此仍設順天府尹十六年省灤  
縣康熙十五年升遵化縣爲州雍正九年增置薊河縣乾隆八年升遵化州爲直隸州以玉田豐潤

三  
卷三十九  
輿地  
一  
約雅堂藏板

二縣往屬 通典

右京師

古帝王膺錄受圖天人協應必有王氣特鍾之地締造鴻基而後四海毛心大統茂集故居岐且堵致美於周詩過沛二侯流徽於漢史創業艱難發祥有自固非偶然也今之盛京爲古青州之域居東方生物之位實符帝出乎震之義其水土深厚長白拱其東醫無閭控其西滄溟襟其前混同江黑龍江絡其後山海環抱爲天下形勢之首蓋自開闢以來天作地藏以待首出之聖人我

太祖高皇帝誕膺天眷撫有東土天命十年以瀋陽形勝之地遂定都焉太宗文皇帝底定全遼東至使大使鹿之部罔不服屬世祖章皇帝統一寰宇定鼎京師尊盛京爲留都設文武大員駐守其地聖祖仁皇帝孝思維則崇奉山陵大駕三巡躬修展謁又以平定羅剎關地至黑龍江以北大興宏頌之外世宗憲皇帝善繼善述添設州縣增易駐防聖謨洋洋經畫盡善我皇上丕顯丕承義昭繩武自乾隆八年暨十九年再謁圍寢賜酬賜復恩澤便蕃賦有陪京之製舞成世德之辭奎藻宸章益光前烈益自承平累葉以來聲教之隆文明之盛逾沙漠而被東瀛留都四境幅員萬里民物殷富風俗淳和瞻陵廟之魏我仰宮廷之肅穆龍蟠鳳翥佳氣鬱蔥國家億萬年景祚鴻庥皆基於此矣 通考

盛京明定遼東寧海州益州復州金州瀋陽鐵嶺二萬遼海廣寧義州寧遠等衛及安樂自在二州

地我 朝發祥長白建 國滿洲逮 肇祖締造 興京肇基王迹傳至 興祖 景祖 顯祖積

功累仁基緒益大至 太祖高皇帝創建鴻圖奄有哈達輝發烏拉葉赫及寧古塔諸地天命三年

城界藩五年遷薩爾滸六年取瀋陽遼陽七年建 東京於遼陽十年自 東京遷都瀋陽 太宗

文皇帝天聰五年營建 官闕號爲 盛京於是全遼之地悉歸撫定 世祖章皇帝統御六合入

關定鼎以 盛京爲留都順治元年悉裁諸衛設八旗駐防官兵統以重臣十年以遼陽爲府置遼

陽海城二縣十四年罷遼陽府於 盛京置奉天府設府尹康熙三年設廣寧府領廣寧縣錦州寧

遠州四年罷廣寧府置錦州府移治錦縣又於奉天府增置承德蓋平開原鐵嶺四縣改遼陽縣爲

州雍正四年於吉林烏拉置永吉州寧古塔置秦寧縣伯都訥置長春縣俱隸奉天府七年罷秦寧

縣十二年於故復州衛地置復州故金州衛地置寧海縣又於錦州府增置義州乾隆元年罷長春

縣十二年罷永吉州共設府二其錦州一府仍屬奉天府尹

通典

興京遼金時爲瀋州東境元爲瀋陽路地明初置建州衛後尋廢 本朝 肇祖原皇帝始於此開

基地名赫圖阿拉 興祖直皇帝 景祖翼皇帝 顯祖宣皇帝皆居於此至 太祖高皇帝癸卯

年增築城垣周五里有奇爲門四乙巳年增築外城環之周九里爲門九其後底定瀋陽建立 盛

京一世祖章皇帝順治五年以赫圖阿拉爲興業之地尊爲 興京 謹按遼陽州東五里有 東

京城周六里有奇爲門八 太祖高皇帝天命七命所築九年由 興京遷都於此號曰 東京十

年復由此遷都 盛京此爲 國初暫建舊會以京名附識於此 通志

吉林將軍駐吉林烏拉城在 盛京東北八百二十餘里東西距四千餘里南北距一千九百餘里東至海三千五百餘里西至威遠堡邊門接奉天將軍地界五百九十五里南至長白山外接朝鮮界一千三百餘里北至松花江接黑龍江將軍地及內扎薩克蒙古界六百餘里東南至布略塔山濱海界二千三百餘里西南至英額邊門接奉天將軍地界七百餘里東北至赫哲費雅哈濱海界三千餘里西北至赫爾蘇邊門接內扎薩克蒙古界四百五十餘里自本城至 京師一千三百里本朝初自長白山迤東濱海諸部地近 興京最先歸附我 太祖高皇帝 太宗文皇帝恩威並用順者以德服逆者以兵臨於是鴨綠江混同江左右全境以次撫定至 世祖章皇帝定鼎京師之後於順治十年設接班章京及副都統鎮守寧古塔康熙元年改接班章京爲將軍十二年始建吉林烏拉城十五年將軍自寧古塔城移鎮於此雍正五年於吉林城之西境增設永吉州隸奉天府尹乾隆十二年罷州改設理事同知廳亦駐吉林城屬將軍管轄

黑龍江將軍駐齊齊哈爾城在 盛京東北一千八百餘里東西距三千二百餘里南北距三千八百餘里東至畢占河接吉林將軍地界二千三百餘里西至喀爾喀河接喀爾喀車臣汗部界八百餘里南至秋花江接吉林將軍地界五百餘里北至外興安嶺接俄羅斯界三千三百餘里東南至葉里伯赫河接吉林將軍地界二千三百餘里西南至雅爾河接內扎薩克科爾沁扎貴特各蒙古

界一百二十餘里東北至外興安嶺接吉林將軍所轄之哈達烏拉河界三千六百餘里西北至額爾古訥行接俄羅斯界二千餘里自本城至京師三千三百餘里本朝太祖高皇帝天命年間黑龍江人次第歸附有索倫達呼爾二部居東北境之額爾古訥河及精奇尼江之旁與俄羅斯接壤並服屬於太宗文皇帝繼因俄羅斯之衆曰羅利竊據雅克薩之地築城居之侵擾索倫達呼爾崇德四年移其部衆駐諾尼江後羅利復來侵擾康熙二十二年始設將軍副都統鎮守初駐黑龍江城東北十里之愛呼城於二十五年發兵進剿羅利克其城俄羅斯遣使謝罪二十八年遣大臣於格爾必齊河旁立石爲界自尼布楚地以東皆歸版圖於是索倫達呼爾諸部仍居舊地二十九年以後移黑龍江將軍及副都統駐墨爾根城三十年始建齊齊哈爾城取諸尼江北之齊齊哈爾莊爲名三十八年將軍始自墨爾根城移鎮於此自將軍以下分設副都統協領佐領防禦驍騎校等員管理滿洲漢軍巴爾虎索倫達呼爾等旗戶並屬將軍統轄凡副都統分駐之地二城守尉分駐之地一總管分駐之地二亦統於黑龍江將軍

以上通考

### 右盛京

禹貢首列冀州以其爲帝都所在而甸服侯服綬服要服荒服又各有遠近之序誠以帝王聲教所訖本無間於東西朔南而必以邦畿爲風化之首居重馭輕之勢然也夫古者中冀之區最稱廣大溯自軒轅涿鹿肇建帝畿其時蓋野分州遂爲萬世興地之祖形勢之勝由來久矣禹貢分州於其



域不言境界蓋當時三面距河而北界所分說者以爲富極陰山而止三代以後東南日熾而西北日縮於是幽燕重地界在邊隅非特地運使然亦由德化之未廣故也今之直隸自遼金元明遞爲畿輔我朝誕膺景命入關定鼎政教一新列聖相承以來漸仁摩義久道化成凡淇恩闡澤之涵濡直隸自先覃被焉其北自長城以外經野設官烟火桑麻徧成樂土已包越古冀州之境至於玉塞秋高合圍續武斗車雲罕歲舉時巡禾蘭林擊之間儼成靈囿皆由聖朝威德不宣化行蕃部舉龍沙朔漠之遠莫不隸於郊甸環衛京師實爲亘古之所未有用奠我國家億萬世丕基猗歎盛哉

通考

直隸明以順天府爲京師共領順天保定永平真定順德廣平大名河間八府延慶保安二州順治元年世祖章皇帝定鼎建都以保定府爲省治康熙三十二年改宣化鎮爲宣化府雍正元年改真定府爲正定府二年升正定府屬之冀趙深定晉五州并改天津衛俱爲直隸州七年升河間府屬之滄州爲直隸州九年復升天津州爲府以滄州屬之十一年於熱河置直隸承德州十二年升保定府屬之易州爲直隸州以晉州還屬正定乾隆七年罷承德州改置熱河廳八年升順天府屬之遵化州爲直隸州四十三年升熱河廳爲承德府

通典

口北三廳在宣化府獨石口張家口邊外東至熱河廳界西至山西豐鎮廳界南至邊牆北至阿巴噶阿巴哈納爾各蒙土界東南至喀喇河屯廳界西南至萬全縣邊界東北至木蘭圍場界西北至

正黃旗察哈爾界明初置開平衛及興和守禦千戶所其南境兼爲全蓋衛地東南境兼爲興州五衛地後俱廢爲雜韃諸部駐牧地 本朝初俱內屬分置各牧廠於邊城外康熙十四年復遷義州察哈爾部衆分駐宣化大同邊外其墾內爲農田墾外爲各牧廠及察哈爾游牧地雍正二年置張家口同知廳十年置多倫諾爾同知廳十二年置獨石口同知廳共爲廳三分泊各地方並直隸於口北道

通考以  
上直隸

自禹貢區州爲九後世分省不能盡依古州之限或兼及他州邊境而止若乃跨越兗青徐三州而又錯出於豫州者惟山東爲然古兗州之界曰濟河徐州之界曰海岱及淮而青州居兗徐之中大約兗以河爲北界徐以淮爲南界濟水自菏澤而下中絡其間以會汶而入海故兗徐與豫之交又必以濟分界自大河屢徙已南合於淮而溢衆之濟水支脈又湮二瀆之分流者俱經更易他如九河之既道大野之既漭故迹沉淪迄無定處是禹跡之難詳在東省爲尤甚鄭樵所謂山川千古不易者又未可槩論矣夫山東以一隅而兼唐虞數州之地則其田野之闢與民生之聚固自古而然春秋齊魯之間稱爲上國兩漢而下仍分置兗徐諸州而疆理各殊至唐時河從千乘入海故以此爲河南河北道宋時建都於汴故以此爲京東路至金改爲山東路厥後隨有山東之名蓋其負山踞海當水陸孔道以環衛 神京實爲南北之鎖鑰至於 巡方之典首重岱宗宗聖之儀獨隆闕里地鄰畿甸霑被 光華此尤左輔之勝區非他省所得而同者矣

通考

山東明領濟南兗州東昌青州登州萊州六府 本朝因之雍正二年升濟南府之泰安武定濱三州兗州府之沂曹濟寧三州爲直隸州八年以濟寧還屬兗州府又升兗州府之東平州東昌府之高唐州濮州青州府之莒州爲直隸州十二年升武定州沂州爲府以濱州改屬武定府以莒州改屬沂州府仍以高唐州還屬東昌府十三年升泰安州曹州爲府以東平州改屬泰安府以濮州改屬曹州府乾隆三十九年升兗州府之濟寧州東昌府之臨清州並爲直隸州

通典

二東之名肇見於詩齊魯之間稱爲東也久矣而其以山東爲名則實始於金蓋古之所稱山東者往往各隨所指管子謂楚爲山東之強國史記引賈生言謂秦并山東三十餘郡後漢書陳元傳謂光武不當都山東皆指函谷關以東而言此以華山之東爲山東者也唐杜牧謂山東之地禹畫九土曰冀州馬攷於冀州部內亦分引山東山西之王俗此以太行山之東爲山東者也自金改宋之京東爲山東遂專指齊魯之地而言其後遂因之不改云

通考以  
上山東

禹貢叙冀州於九州之首而晉陽平陽之間伊耆氏實先後都之所謂惟彼陶唐有此冀方者也冀州三面距河當時關龍門鑿呂梁至於壺口旣載而西河以治此施功之最大者然則今之山西境禹迹所首經之地矣周禮職方氏河內曰冀州正北曰并州其霍恆二山及諸川浸多在今山西境內地利之勝自古而然戰國時趙韓魏以三晉之墟爭雄大國逮乎十六國南北朝時諸雄並起割據相尋率以此爲用武之地蓋其界隣朔塞東據太行而西薄大河形勢最爲險要明代自邊牆以

外爲元裔所逼廬築城架屋號曰板升侵軼之患無歲無之終明之世大同宣府之間倚爲重鎮又以鴈門盛武偏頭爲外三關列戍分屯控防孔亟我朝邊境救寧各衝所之地俱已改爲朔平盛

武等郡縣至於長城之外蒙古各部久爲臣僕若歸化城綏遠城及豐鎮寧遠諸廳並以王官臨治其奉令稟教視內地無異焉於以拱護帝京峙爲右輔固不僅區區焉畫郊圻固封守之爲矣

通考

山西明領太原平陽潞安大同汾州五府澤沁遼三州本朝初因之雍正二年升太原府屬之平定忻代保德四州平陽府屬之蒲解絳吉隰五州俱爲直隸州三年增置朔平盛武二府六年升蒲

州澤州俱爲府乾隆三十五年以吉州及所領縣還屬平陽府又升平陽府之霍州爲直隸州

通典

歸綏七廳在殺虎口外直隸于歸綏道本朝天聰八年太宗文皇帝親征察哈爾駐蹕歸化城

土默特部衆悉降後編爲二旗設都統等官管轄雍正元年以口外地方生聚日衆設立歸化城理事同知乾隆元年於歸化城東北增建綏遠城四年移建威將軍駐其地又設立綏遠城理事同知後因地方遼闊增設協理通判分管六年設歸綏道駐綏遠城以各同知通判隸之後又增至七協理通判乾隆二十五年裁協理通判一員改爲五廳與兩同知共爲七廳凡口外官地及土默特並附近各扎薩克部落蒙古民人交涉事務俱歸五通判分理由兩同知核轉並屬歸綏道管轄

通考

上山

禹貢荆河爲豫而爾雅職方並稱河南爲豫州蓋禹貢兼指南北界言之爾雅職方專指北界言之

河南之名由來久矣今之河南半爲古豫州地豫州南至荆山而今自南陽府外不及荆者二百餘里豫州北距河水而今自開封府外兼有河內地者數百里豫州東北以沂澤與兗分界而今自歸德府外卽爲直隸山東境豫州東南以淮水與揚分界而今自陳州府外卽爲安徽境此則古今建置之異也夫兩戒山河迺天地自然之形勢而豫州實居天下之中古稱風雨所會陰陽所和者於是乎在自太皞神農建邦茲土其開闢獨先於他州逮乎商周作邑舊蹟相傳東漢以迄於宋金洛汴二州每遞爲都會第以四達之區地形平坦加之大河入境盪決靡常三代而還屢經南徙地脈之遷移有非可執古形勢以論者我朝定都於燕處上游以制六合而以河雒爲畿南之雄輔蓋居高以馭規模宏遠矣

通考

河南明領開封歸德彰德衛輝懷慶河南南陽汝寧八府汝州一州本朝因之雍正二年升開封府之陳許鄭禹四州及河南府之陝州汝賓州之光州並爲直隸州十二年升陳州許州爲府仍降鄭州禹州爲屬州乾隆六年改許州府爲直隸州

通典以河南

禹貢以揚州次徐州之後而職方氏辨九州之地首列揚州殆以其幅員廣遠有迥越乎他州者歟今之江蘇安徽江西浙江福建五省皆古揚州地所謂北距淮而東南距海者惟江蘇省實兼之其在古者厥土塗泥厥田下下自漢以後財賦漸擴今且爲九州之上腴矣其民風土俗在周以前號曰句吳春秋而降文物肇興今則郁郁彬彬復爲海內稱首蓋風氣之轉移其來已久而培養調變

黃陶漸漬固有所以益其盛而美其備者我朝厚澤深仁覃敷遐邇而三吳繁富之地彌切民依自列聖相承殷勤南顧凡夫河渠之奠定水利之疏通靡不備舉至於特免浮糧頻除正賦溫膏稠疊江表之霑被爲尤多是以民生日厚民俗日淳爲寰宇之名區而國家之輿府實有非他省所得而絜衡者至於每省各一會城而茲則江寧與蘇州並爲都會良由土沃人殷孳殖廣故政事條目日以益繁斟酌變通因時立制固經野之道則然矣通考

江蘇明以應天府爲南京共領府十四州四其應天蘇州松江常州鎮江淮安揚州七府徐州一州爲今下江地本朝改應天府爲江寧府罷南直隸康熙六年定爲江蘇安徽兩省此爲江蘇省雍正二年升蘇州府之大倉州揚州府之通州淮安府之海邳二州並爲直隸州十一年升徐州爲府仍改邳州爲屬州通典以上江蘇以

禹畫揚州而當時塗山之會執玉帛者萬國杜預以爲在壽春東北實爲鳳陽府境則今上江之地爲當時揚州之都會可知已夫安徽界荆吳之交統馭千有餘里其富庶亞於江蘇而江山阨塞形勢險固幾欲過之自春秋之世吳楚爭鍾離居巢州來皆爲今廬州鳳陽境地漢代去古未遠而揚州刺史實見治於歷陽降及三國六朝若曹魏之合肥壽春孫吳之濡須牛渚終南北朝並爲要地元代以安廬等地屬淮西道而下江之淮揚等地別屬淮東以徽寧等地屬江東道而下江之蘇松等地別屬江南隱然各爲一都會蓋大江左右獨闢隩區其山川之複沓疆域之糾錯居東南襟轆

之會而鈴轄阻深不盡如江蘇所隸廣谷長川平曠巨浸號稱澤國也地險民聚自昔而然我朝  
休養生息編戶日衆而政務益繁爰於康熙六年與江蘇分疆而治於是東連姑孰西盡皖江北抵  
潁川南環歙嶺星羅碁布控制得宜屹然爲上游之重鎮矣

通考

安徽明以應天府爲南京又以鳳陽府爲中都共領府十四州四其安慶徽州盜國池州太平廬州  
鳳陽七府滁和廣德三州爲今上江地 本朝康熙六年定爲江蘇安徽兩省此爲安徽省雍正二  
年升鳳陽府之潁亳泗三州廬州府之六安州並爲直隸州十三年升潁州爲府仍改亳州爲屬州

通典以  
上安徽

禹貢揚州一則曰彭蠡既豬再則曰三江既入而於導漢又曰東匯澤爲彭蠡于導江又曰東迤北  
會于匯鄭康成謂左合漢爲北江右合彭蠡爲南江岷江居中爲中江蓋惟揚州之地江漢爲彭蠡  
參會故有三江之自然則今之江西固三江之衝而禹畫揚州時所首致力之地也夫揚境以淮海  
爲界江水貫中貫其間而豫章全地並在大江以南與上下江之兼控江北者形勢又自各異故自  
古所稱江西多指江北地言之三國志以蘄春廣陵之境爲江西則今自湖北蘄州歷安徽境以達  
於揚州府是也晉書以合肥壽春之境爲江西所謂江西五郡者則今廬州諸府是也貞唐開元時  
分江南爲東西二道其後遂以江南西道節度爲江西節度江西之名所自昉歟若夫處吳楚閩粵  
之交北以長江爲巨防而南又以五嶺爲門戶山川之險兼而有之前代以南贛之區界隣嶺表別

設巡撫都御史與南昌諸郡分閩而理自入 本朝以來四境承平遂罷南贛巡撫之設蓋十三府之建置沿革雖略存元明之舊而提封蓋謫物阜民康則固我 朝之所獨也 通考

江西明領南昌饒州廣信南康九江建昌撫州臨江瑞州袁州吉安南安贛州十三府 本朝初因

之乾隆二十年升贛州府屬寧都縣爲直隸寧都州

通典 以上江西

周官職方以會稽爲揚州山鎮漢代因之以立郡今之浙東浙西皆古會稽郡地也至東漢而分屬吳郡至吳而分吳興東陽臨海新都至晉而分永嘉至隋而分餘杭至唐而分餘姚信安縉雲至宋而分嘉禾建置代殊縷壤交錯蓋十一郡之所從來漸矣禹貢揚州山水惟震澤實陸嘉湖之境若郭璞以錢唐爲三江之一韋昭以浦陽爲三江之一雖持論或有歧出要之其爲揚州東南境固自昔然也總全浙之形勢北通三吳南引七閩而浙水實中絡其間唐時始分浙江東西二道自元以來遂以浙名有蓋江源發自歙縣至桐江合金華衢州之水曲折而東以歸於海是爲由江入海之次第海水自暨子壘入爲諸山所束激而爲濤逆流數百里至富春而始平是爲由海入江之次第故浙水者實全省之鎖鑰也 聖朝軫念海疆勤求保障巨塘屹立永奏安瀾我 皇上法駕所臨親殷相度蓄水豐之順逆籌沙土之盈虛伐石榘薪並承 睿略洵爲萬世之利賴矣若夫濱海之地自嘉興以巡於温州迢遞于有餘里入我 朝而定海置縣玉環設廳並在大海之中南北相望以拱衛全浙鹽萊亞於淮南桑麻比於吳會又 邇治之規模度越乎前代者與 通考



浙江明領杭州嘉興湖州寧波紹興台州金華衢州嚴州温州處州十一府 本朝因之通典以上浙江

禹貢淮海維揚閩居海澨亦當為古揚州地然攷其山川不見於經即貢篚亦不及焉蓋南境之荒

微也職方氏所列七閩鄭氏以為即蠻之別種漢雖隸會稽郡而建國關越以封無諸則亦羈縻之

義居多後漢遷其民於江淮而虛其地三國以後漸設官分邑顧統馭雖廣而比之江淮間之因地

制賦猶未一轍焉唐時隸嶺南道後改隸江南東道道控之而已至宋禮教漸盛名臣大儒每出其

間然其初僅附於兩浙西南路元為江西行省所轄會不得專列為省其與合省並稱為都會者實

始於明時我 朝承平日久戶口殷繁四民樂業其中縣復析縣而縣升為州州升為府迥非前代

之規模疆域猶是而分理者日增無他田野闢而民人聚也若夫瀛海以外臺灣遠島表延于有餘

里入我版圖亦皆郡縣而編籍之以為全首屏障益由 國家德威所播溟渤恬波所謂海隅日出

罔不率俾者歟通考

福建明領福州泉州建寧延平汀州興化邵武漳州八府福寧一州 本朝初因之康熙二十四年

置臺灣府雍正十二年升福寧州為府升泉州府之永春縣漳州府之龍巖縣為直隸州通典以上福建

禹貢以荆及衡陽表荆州之界實兼今湖北湖南全境而爾雅則稱漢南曰荆州周禮職方則稱荆

州其川江漢蓋南條之水以江漢為長江漢既治而其餘附近諸水亦無不治其負漢絡江為一漚

之所交會者惟今之湖北形勢為然漢水由鄖西入境經鄖陽襄陽安陸至漢陽府與大江會即書

導漢自滄浪過三涇至大別入江之道也江水由巴東入境經宜昌荆州漢陽繞武昌府而南入江  
西界卽書導江自漕過九江至東陵之道也是湖北一省禹跡幾周徧焉總其地勢則東引三吳西  
控巴蜀北枕關雒而南跨平洞庭江山雄偉爲全楚扼要之地荆門夏口之間自古倚爲重險自入  
本朝以來承平日久舟車往來久爲川陸通塗至於鄖陽界川陝河南之交明時特設撫治都御  
史以鎮之而施州故衝錯壤黔中歷代又皆爲土司所轄至我朝以秦蜀蓋謚久罷鄖陽撫治之  
設其施南一府則以羣苗內而徧置流官卽疆土之宜因時損益而聖世廣德所及卽於是徵焉  
蓋江漢之化行固遠過周南矣通考

湖北明爲湖廣省共領府十五州二其武昌漢陽黃州德安承天荆州襄陽鄖陽八府爲今湖北地  
本朝初改承天府爲安陸府康熙六年定湖北湖南爲兩省雍正六年升荆州府屬之歸州爲直  
隸州十三年升荆州府屬之彝陵州爲宜昌府又升歸州屬之恩施縣爲施南府仍降歸州爲屬州  
屬於宜昌府通輿以  
上湖北

禹貢荆州先之以江漢朝宗而卽繼之九江孔殷水經謂九江在長沙下雋縣西北楚地記謂巴陵  
瀟湘之淵在九江之間至宋儒胡旦及朱子等皆以爲卽洞庭湖蓋長江爲四瀆之長古稱天塹實  
當今之湖北境洞庭爲五湖之長古稱天險實當今之湖南境必九江治而後荆之全境始底於作  
又湖南與湖北之並爲要地也久矣漢時荆州刺史治漢壽卽在湖南常德府劉宋以後湘州與荆

鄂諸州往往分治至唐廣德初於荆南節度之外分置湖南觀察使以領諸州嗣後宋分湖南北爲兩路元分湖南北爲兩道明代雖總隸於湖廣布政使司而萬厯年間仍別置偏沅巡撫至本朝康熙三年遂定湖南與湖北爲兩省蓋荆楚之間幅員最廣畫疆而理固撫馭之道然也抑又論之禹貢荊州以衡陽爲南界其時衡山左右錯處諸蠻已非內地王制所謂南不盡衡山者也殷周之時荆蠻漸爲邊患屢加征伐逮楚悼王南并蠻越遂有洞庭蒼梧之地秦昭王伐楚略定蠻夷置黔中郡此湖南之始通敷漢興稍增置州郡而長沙五溪諸蠻時起爲寇唐宋以後若獠若獫之屬猶未能使之盡遵約束我朝德教流行若永順一府及乾州永綏鳳凰營諸廳並以生苗內附列於郡縣斯固古昔盛王所鄙爲化外之民甚且以爲是膺是懲者今日俗易風移無不共歸休養聖化之覃敷又豈有涯量哉

通考

湖南明湖廣省共領府十五州二其長沙岳州常德衡州永州寶慶辰州七府靖郴二州爲今湖南省地本朝初爲湖廣省康熙六年分湖南湖北爲兩省雍正七年改永順土司爲永順府升澧州爲直隸州八年升沅州爲直隸州十年升桂陽州爲直隸州乾隆元年升沅州爲府

通典以  
上湖南

古雍州與冀接壤而禹貢叙之於九州之末說者以爲其地勢最高故治水之功以是終焉自幽岐豐鎬遞作周畿所稱奧區神臯者是乎在公羊傳始有陝東陝西之稱後漢書郡國志以陝陌爲二伯所分卽今河南之陝州是也兩晉之時陝東西各隨建都之地稱之西晉都洛陽則稱關中曰

陝西東晉都建康則稱荊州曰陝西自唐乾元時置陝西節度使指陝州以西而言宋初始置陝西路於是潼關以西全秦之地通謂之陝西矣夫陝省據形勢之險秦漢迄唐之故都皆在焉其東距崤函西連隴坻南控漢津而北則黃河迴繞右曰延安府之定邊縣西北出塞左自榆林府之府谷縣東北入塞其間迤為河套瓌帶邊城實為四塞之國明代以套地為元裔所居時多邊警雖屢議恢復而卒鮮成功自入本朝以來鄂爾多斯諸部隸我版宇拱衛塞垣是以二輔之間提封豈固此實國家撫裔寧邊懷柔無外之盛略豈徒以百二山河表地形之勝而已哉通考

陝西明陝西省共領府八直隸州一 本朝因之康熙二年定為陝西甘肅兩省以西安鳳翔漢中延安四府興安一州為陝西省雍正二年升西安府之耀州為直隸州三年升西安府之同華商乾鄜五州延安府之鄜綏德葭三州俱為直隸州八年改榆林衛為府十三年升直隸同州為府降直隸華州屬同州府降直隸耀州還屬西安府乾隆元年降直隸葭州屬榆林府四十八年升直隸興安州為興安府通典 以陝西

禹貢以黑水西河表雍州之界自孔鄭通儒不言黑水所在杜佑以為年代久遠或至湮澗故無以詳焉蓋雍州自夏殷以降西北一邊世為戎翟錯處如西傾積石積野弱水三危黑水之區皆沒於外域而禹貢之舊疆遂不可復問秦時桑長城界中國然西不過臨洮而止漢武征匈奴始取渾邪休屠之地開置河西四郡史稱其地勢西北邪出隔絕南羌西通西域以斷匈奴右臂至晉代張軌

呂光之徒乘時割據五涼相斷皆自保一隅與中土隔絕隋唐時雖暫置郡縣天寶以後河西隴右全沒於吐番大中號稱收復而名存實亡流傳五代以及於宋河隴復爲西夏所據莫能混一惟元代以甘肅與陝西分省並列十一省之中明初以其介在邊陲多改爲衛所以陝西行都司領之於是嘉峪關外初設赤金蒙古等衛以爲屏蔽嘉靖而還諸番內徙但以關爲中外之巨防我朝開拓邊疆若寧夏西寧涼甘諸衛並已升爲府縣其西自肅州而外安西五衛北接天山久爲列聖撫綏駕馭之地我皇上布昭神武全定金方是以升安西爲府改哈密巴里坤爲廳爲關外之雄封四陲之鎖鑰蓋伊吾瓜沙之閒宛然腹地焉以視禹貢所謂西被流沙者固遠出乎其外矣通考

甘肅省明爲陝西省之臨洮鞏昌平涼慶陽四府 本朝康熙二年分爲甘肅省雍正二年以舊衛所改置寧夏西寧涼州甘州四府三年升平涼府屬之涇州爲直隸州七年升鞏昌府屬之階秦二州并改肅州衛俱爲直隸州乾隆三年裁臨洮府改蘭州爲蘭州府爲省治二十五年改安西靖逆二廳置安西府三十八年增置鎮西府改安西府爲直隸安西州又增設直隸迪化州通典 以上甘肅

禹貢梁州至殷周之世卽廢而不置杜佑以爲當時已爲蠻夷之國牧誓所稱庸蜀羌髳微盧彭濮人是也先儒嘗謂梁地併於雍荆豫三州蓋殷周之荆豫皆以漢水爲界梁州自嶓冢以東分屬荆豫而嶓冢以西則雍兼之其地雖併入三州而禹貢岷嶓沱潛諸山水無一入職方者說者謂地既入夷則建州設牧非其所宜大抵如唐宋之靈州簡其政令寬其賦斂使爲不侵不叛之臣而已

夫蜀自葛叢開國以後僻處西南連山深阻天梯雲棧之間言地險者必以爲稱首逮乎金牛開道肇啟秦封巴蜀之列於郡縣自此昉矣漢代通道西南表其疆益大顧冉駹卬馬之屬種類實繁感代以來仍世長其地土官土吏之設於蜀郡爲獨多明初踵元故事招諭諸蠻凡西南各部來歸者多用原官授之於是有宣慰司宣撫司安撫司長官司諸號第其介居山菁獗野難馴終明之世惟建昌等處置衛所以領之其餘各土司未嘗設立文武爲之鈐轄祇聽其互爲雄長而已我 國家聲教洋溢率土尊親若建昌松潘諸衛及永甯石砬西陽諸司或升爲府或置廳州因地制宜已全革其犷獠之俗至於崇岡復嶂之表雜處諸番火種刀耕各安生業亦皆兼幘而並覆之卽有一二頑梗無知自相爭奪比於穴中之鬪隨時加以懲創亦莫不聞風震疊聳我 皇威是以西抵於藏地南達於蒙番作馬旄牛皆遁王會蠻耆雙賤並樂土風 聖世攘外安內之謨洵乎威服德懷各得其道矣

通考

四川明領成都保寧順慶重慶夔州敘州馬湖龍安遵義八府潼川嘉定雅眉邛瀘六州東川烏蒙烏撒鎮雄四軍民府 本朝康熙四年以烏撒府改隸貴州雍正四年以東川府改隸雲南五年以烏蒙鎮雄二府亦改隸雲南併馬湖府入敘州府又以建昌衛改置寧遠府又升成都府屬之茂州二州及資縣並爲直隸州六年升夔州府屬之達州爲直隸州七年以遵義府改隸貴州又升雅州爲府八年增置直隸敘永廳同知十二年升潼川嘉定二州爲府又升重慶屬之忠州爲直隸州乾

隆元年改黔彭廳置西陽州乾隆十七年置直隸雜谷廳二十五年置直隸松潘廳二十七年置直隸石砬廳四十一年平定兩金川置阿爾古美諾二廳

通典以四川

馬氏輿地攷惟以潮州梅州入古揚州域餘則別列爲南越以五嶺之南卽非禹迹所及也周初以南海爲藩服其後楚旣滅越越子孫散處江南海上是爲百越攷百越之稱一在禹貢揚州之域史記秦降百越之君置會稽郡又以閩越王東海王地置閩中郡是也一在揚荆二州徼外卽古南越亦稱百粵又名揚越史記秦并天下略定揚越又漢立尉陀爲南越王使和集自越是也禹貢揚州曰淮海說者以爲及潮陽之海而止蓋自江西大庾嶺東南群山縹互以達於廣東潮州府之揭陽卽揚之南界荆州曰荆及衡陽說者以爲及嶺而止蓋自湖南騎田嶺迤西接都龐萌渚越城諸嶺卽荆之南界故水經注謂五嶺者天地以隔內外也秦漢以來日漸開闢至我朝德化遠被道一風同自嶺嶠以外文物聲明蔚然極盛洵乎聖治之隆非山川風會之所能限已若夫廣東諸郡半皆瀕海昔禹貢言東漸於海而朔南但曰暨者以其未至於海也今則海疆清晏琛賚畢臻若大小西洋及南洋諸島貢市來往悉取道於廣東長波萬里浮舶不驚斯尤承平之盛軌迴越乎前者矣

通考

廣東明領廣州韶州南雄惠州潮州肇慶高州廉州雷州瓊州十府羅定一州本朝初因之雍正七年陞連州爲直隸州十一年陞程鄉縣爲直隸嘉應州

通典

兩廣之域在漢時並為交趾部蓋自虞書載宅南交史記載帝舜南撫交趾王制稱南方曰蠻雕題交趾上世南服未闢凡五嶺左右有蠻之地皆得以交趾稱之逮吳置廣州其後交趾之名專指安南一隅遂有疑兩廣為在九州疆域者其說仿於晉太康地志至晉書隋書於交廣二州直書禺貢揚州之域杜氏作通典始別南越於九州之外且云嶺南鄰接荊州不當舍荆而屬揚其說誠當今就形勢攷之廣東自潮州一府嘉應一州之外若廣州韶州南雄惠州四府在古揚州徼外自肇慶以西至廣西潯州府綿地千餘里皆在古荊州徼外南寧以西至安南則又在古梁州徼外矣

上廣東

馬攷以全州八古荊州域餘並列為南越蓋以五嶺為荆揚之南限其萌渚越城二嶺與廣西接壤故廣西自全州灌陽縣及興安縣以南實在古荊州之外自秦遣史祿鑿靈渠導湘離二水始開其地逮秦併天下略取陸梁地為桂林象郡史記素隱謂嶺南之人多處山陸其性強梁故曰陸梁則其地之荒僻而難治可知已兩漢而降郡縣日增編戶設官等於內地顧自通都大邑之外谿峒深阻若獠若獠若獠若狔若狔若狔人狔人狔人山子之屬性習獷悍馴服為難唐始置土州縣官其酋長使世領之薄其徵入寬其文網然猶依嶮負固叛服靡常自宋訖明若儂氏之亂大藤峽田州之役蔓延數世久而後定蓋勤師征者屢矣終未能使之服教畏神傾心效順也自登我朝版籍以來風俗移易民物誠和凡深林密菁重岡複嶺之區向之憑阻而梗聲教者今且熙熙皞皞共樂太平



蠻烟瘴雨並洗濯於光天化日之下蓋 聖朝德化之漸摩其入人也深矣

通考

廣西明領桂林平樂梧州潯州柳州慶遠思恩南寧太平鎮安思明十一府歸順田州泗城思陵向武都康龍州等七州 本朝順治初降歸順田州思陵向武都康龍州為屬州十五年陞泗城州為

軍民土府雍正三年升鬱林州賓州為直隸州五年改泗城土府為正府九年降思明府為州十二

年升泗城府屬之西隆州為直隸州降賓州為屬州乾隆七年以西隆州還屬泗城府

通典 以上廣西

雲南居古南交昧谷之間為蠻夷之域自彩雲南見肇啟漢疆所謂度博山而越蘭津者此雲南之始通也兩漢以後稍增置州郡而時沒於蠻馬氏四裔攷南蠻內所列南詔驃國及東爨西爨諸蠻

皆今雲南地而輿地攷梁州境內之姚州即今姚安府其戎州都督府之羈縻三十二州又半為今

雲南曲靖潯江臨安楚雄諸府地是今雲南一省馬氏輿地四裔二攷實互載焉蓋其僻處西南本

不在古九州之限雖有羈縻諸州實與中土郡縣不同逮天寶以後且盡為南詔所有則其入之於

四裔固宜也自元迄明始開置路府備設官司然半猶土酋世守元則以同姓諸王董理其事明則

以沐氏世為重鎮第視為藩服而已 國家聲教四訖越裳交趾悉貢悉朝是以萬里滇南死同腹

地我 皇上德威遠播綏靖炎荒象繹諸蠻咸思內面近者九龍江外掃蕩莽夷凡猛勇猛電補哈

猛撒整齊景練諸地方從古所視為化外者莫不向風慕義相率輸誠版籍之通直踰南徼彼前代

所為標銅作界畫各分疆者又豈可同論哉

通考

二十三年

八旗游牧察哈爾

東至克什克騰界西至歸化城土默特界南至太僕寺牧廠及山西邊界北至蘇尼特及四子部落界東延于有餘里國初定為八旗

新藩蒙古喀爾喀四部八十二旗

東至黑龍江界西至阿勒坦山伊犁東北路界南至內扎薩克界北至俄羅斯界延袤八千餘里康熙二十八年歸附三十年編審

旗分定為後部東部西部共三十七旗後遞增設四十五旗又設賽因諾顏部共四部合八十二旗

後部土謝圖汗

初轄旗十有七康熙三十二年增設二十一旗尋分二十旗屬於賽因諾顏部乾隆元年以後復增二旗共為二十旗

東部車臣汗

旗十有二康熙三十五年

至乾隆二十二年遞增設十一旗今為二十三旗

西部扎薩克圖汗

初轄旗八康熙三十三年至乾隆二十二年遞增設九旗今為十有七旗

賽因諾顏部

雍正十年於土謝圖汗部內分轄二十旗別為一部乾隆元年以後復增二旗共為二十二旗

蒙古青海四部二十九旗

東至甘肅河州界西至西藏界南至四川界北至甘肅安西州界延袤二千餘里康熙三十六年歸附受封雍正元年設眾犯邊大兵討平之編審

旗分定為四部二十八旗後增設一旗共四部二十九旗

厄魯特部

初二十旗乾隆十年增設一旗

喀爾喀部

一旗康熙三十六年受封又有喀爾喀河厄魯特二旗達拉爾河厄魯特一旗皆康熙三十六年受封乾隆二十六年遞屬喀爾喀之賽因諾顏部皆

土爾古特部四旗 回特部三旗

賀蘭山厄魯特

駐賀蘭山陰一旗康熙三十六年受封又有喀爾喀河厄魯特二旗達拉爾河厄魯特一旗皆康熙三十六年受封乾隆二十六年遞屬喀爾喀之賽因諾顏部皆

轄其駐牧即在賽因諾顏部內

西藏

東至四川界西至大沙海南至雲南界北至青海及回部界延袤六千餘里其地有四日衛曰藏曰喀木曰阿里共轄六十餘城互市在四川西藏打箭爐之地國初崇德七年番僧遣使

歸誠順治十年受封其國稱圖伯特即唐古忒最尊者曰達賴喇嘛班禪喇嘛代喇嘛理事者曰第巴又有汗則青海蒙古部長為之康熙三十二年有第巴潛通厄魯特為亂拉藏汗誅之詔遣使安撫其地五十三年準噶爾乘安阿喇布坦與師受藏滅壞喇嘛拉藏汗詔遣大兵討平之此後不復設汗雍正五年噶卜倫阿爾布巴等搆亂後藏噶卜倫頗羅罷走避以聞遣兵進

二十四年九月通文且貢是言

剿阿爾布巴等伏誅願羅羅田台吉封多羅貝勒總理衛藏噶卜倫事務乾隆四年晉封多羅郡王子珠爾默特納木扎勒嗣尋陰謀叛逆駐藏都統傅清左都御史拉布敦誅之十六年設噶卜倫四岱貢五第巴三塔布一分理藏務均設駐藏大臣及達賴喇嘛統轄

衛地 居諸藏之中 藏地 在衛 喀木地 在衛 阿里地 在藏地 亦名中藏 西南 東南 極西

新疆伊犁 東至喀爾喀界西至藩部哈薩克界南至天山回部界北至俄羅斯界延袤萬餘里舊為阿睦爾撒納尋叛二十二年分南北路進討平之伊犁復定設立伊犁將軍統轄天山南北諸路及參贊大臣辦事大臣等員設立駐防屯田兵丁分東南路西北路二境其東南之烏魯木齊已

新設迪化州 隸於甘肅省

伊犁東南路 伊犁西北路 庫爾喀喇烏蘇 塔爾巴哈台

回部 東至甘肅省安西州界西至慈嶺南至沙海接西藏界北至天山接伊犁界延袤萬餘里初兵討平之二十四年回部悉定仍立回部伯克等官設駐劄大臣侍衛等官以統轄之其哈密及關展吐魯番二城舊先歸附以俱係回人併紀於回部中

哈密 康熙三十五年 關展 吐魯番 西州 乾隆二十四年 伊犁 乾隆二十四年 以西域底定仍歸故土 喀喇沙爾 乾隆二十四年 內附二十三

年 庫車 乾隆二十三年 定 沙雅爾 乾隆二十三年 定 賽喇木 拜 阿克蘇 三城為逆

舊部地 乾隆二十三年 大兵進討 烏什 乾隆二十三年 定 喀什噶爾 為逆回波羅泥都舊部乾隆二十四年 逆回通走庫車諸伯克以城降

葉爾羌 乾隆二十四年 大兵進討 逆回二會由葉 和闐 乾隆二十三年 逆回通走 葉爾羌 過旋投首其舊伯克以城降 以上通志

右蒙古青海西藏新疆

馬端臨輿地攷以禹貢九州為綱凡自宋以前之郡縣皆析載於其下蓋本社佑通典之例顧且簡

雲南明領雲南澂江廣西廣南鎮沅臨安大理楚雄順寧蒙化景東永寧十二府武定曲靖尋甸元江姚安永昌麗江鶴慶八軍民府北勝一州 本朝初因之順治十六年改廣南土府爲正府康熙六年置開化府八年降尋甸府爲州屬曲靖府三十七年升北勝州爲永北府以永寧土府屬於永北府雍正二年改威遠土州爲直隸同知廳四年改四川之東川軍民府來屬五年又改四川之烏蒙鎮雄二軍民府來屬六年降鎮雄爲州屬烏蒙府七年置普洱府改麗江土府爲正府九年改烏蒙府爲昭通府乾隆三十年武定曲靖東川元江永昌等府俱罷稱軍民府三十五年省姚安府入楚雄府省鶴慶府入麗江府改廣西武定元江鎮沅四府爲直隸州改蒙化永北景東三府爲直隸同知廳

通典以雲南上

馬氏輿地攷於荊州境內備例費思夷播珍漆諸州皆今之貴州地夫古荊州以嶺嶠爲限說者謂自巴東踰江而南爲四川西陽州又迤邐而東南經湖南之永順辰州沅州府及靖州西境訖廣西越城嶺而止今貴州全境並在嶺嶠以西自非荊州疆宇所及矣蓋黔省本處梁州徼外於古號爲鬼方殷時去夏未遠而有鬼方之伐爲化外之域可知隋唐以後開置羈縻諸州而旋或淪陷元初尙稱爲羅施鬼國則其荒遠僻陋固與內地之夙登郡縣者不同也以今日黔中形勢論之東楚西滇南粵北蜀實界四省之中居然腹裡之地特以山箐阻深群蠻錯處故前代率以荒徼視之明時漸治以中土之法增設流官分爲一省東西千里南北三百餘里於諸省之中壤地爲狹我國家

改易衛所俱置州縣又益以四川湖南廣西附近之府州縣南北之境幾與東西均至於古州八寨諸苗伊古不通聲教自經 聖朝戡定以來設官臨治等於齊民黔之四封屹然有截洵所謂文德誕敷有苗來格者歟通考

貴州明領貴陽思州石阡黎平忠南銅仁鎮遠都勻安順平越十府 本朝初因之康熙三年以平定水西改設流官以水西宣慰司之水西城置黔西府以比喇壩置平遠府以大方城置大定府又改四川之烏撒軍民府為威遠府來屬二十六年改黔西平遠二府為州屬於大定府二十六年又改大定府為州與黔西平遠二州俱屬威遠府雍正五年增置南籠府七年改四川之遵義府來屬復升大定州為府降威遠府為州以屬之乾隆三十七年升遵義府之仁懷縣為直隸廳通典以

右行省

舊藩蒙古內扎薩克二十五部五十一旗東至盛京黑龍江界西至賀蘭山厄魯特界南至長城北逾絕漠袤延萬餘里國初歸附定為四十九旗後增

設二旗共五十一旗

科爾沁旗 扎賴特旗 都爾伯特旗 郭爾羅斯旗 敖漢旗 奈曼旗 翁牛特旗 林巴旗

扎嚕特旗 喀爾喀左翼旗 阿嚕科爾沁旗 克什克騰旗 土默特旗 喀拉沁旗二旗康熙四十四年

增設 烏珠穆親旗 阿巴噶旗 霍濟特旗 蘇尼特旗 阿巴哈那爾旗 四子部落旗 喀爾喀右翼旗 烏喇特旗 毛明安旗 鄂爾多斯旗六旗雍正九年增設一旗 歸化城土默特旗二旗乾隆二十

年增設一旗

分配疆域有不盡足據者禹貢分州但有山川之限非若後世郡國之書有四至八到之可攷九州中惟兗豫青徐實居腹地猶可約略得之若冀州不言境界說者以爲三面距河則其北界於何而極荊州曰荆及衡陽說者以爲自衡陽以南無復有名山大川之可紀則其南界於何而止梁雍二州皆以黑水分疆自黑水之迹不明則其西界於何而判至於揚州之境北據淮而南臨海自晉以後歷代諸史皆云五嶺之南至於海並爲揚域然攷禹貢山川及物產貢賦皆不及焉漢書所載南粵閩粵尚與西南夷同傳則自三代以前其曾通中國與否固莫得而知也於此欲按其界限分列地名使截然不爽難矣爲九州之說者每曰禹以山川定疆界爲萬世不易之書史家作志以郡縣爲主郡縣一更而其書遂廢其言是矣不知郡縣能變其疆域而山川亦能混其疆域自山川未可盡憑而九州益難審攷昔孔安國曰孔子述職方而除九邱九邱者九州之志也而除之存禹貢以著夏后治水之功而所述者職方也然則言地理者自當以今之郡邑爲主豈必多爲之說以求合於古哉抑又論之馬氏所纂者固自夏商周至宋十數朝之書也三代以後多襲古州之名止就其疆理所及分之故每代各有參差兩漢十三州晉十九州宋齊偏安而州名轉增多有僭置者蓋晉之冀州非卽漢之冀州本境宋之冀州非卽晉之冀州本境諸州莫不類然梁魏之末益務夸張往往一郡之地而析置者數十一縣之名而複見者數四輾轉遷移循名失實幾於不可究詰至隋末改州爲郡而古者以州領郡之制俱廢唐復改郡爲州別設各道領之而宋又改稱爲各路勢不得

於一書之中屢更其體例兼之南北割據時邊境之守彼此不常晉末於十六國分地宋齊梁陳與北魏北齊北周分地唐末五代與十國及契丹分地朝隸南疆夕歸北界讀史者細辨方隅伊於何屬馬氏一以禹九州統之而後條理秩然至五朝續通考仍其舊例者亦以事閱數朝稱名互異必仍用九州分配而始歸畫一也洪惟 聖祖丕基式廓分土辨方昭大一統之盛又何取拘牽前例以古州之名號冠賞代之版章乎且我 皇清受 天景命肇基東土撫有寰瀛幅員之廣遠本有非禹迹所能限者而 列聖相承重熙累洽 京師 盛京而外爲省一十有八分置各府以領諸縣諸州則參列其間或直隸如府或分治如縣至各邊外之地隸在輿圖者復以千萬里計四履之盛固已超軼漢唐今 天子恢偉略靖遐壤月窟冰天皆歸疆宇境爲亙古所未通事屬生民所未有其地之在古九州外者北自大青山左右爲蒙古諸部至喀爾喀地南自五嶺外爲廣東廣西及貴州地東北自 盛京邊外爲吉林黑龍江等地西南自四川境外爲雲南及青海西藏地正西則自安西境外至於流沙而禹迹已盡其在天山北路則有烏喀木齊伊犁等地天山南路則有喀什噶爾葉爾羌和闐等地自昔所稱近有龍堆遠則蔥嶺天所以界別區域者今則建官授職因地屯田耕牧方興邊氓樂業其境且遠及二萬餘里若仍以九州爲綱則是贏出之地多於正數轉失分綱之本意矣通考

二十四史九通政典類要合編卷三百二十

皇朝二十八

四裔朝鮮 日本 琉球 安南 暹羅 緬甸 廣南 英吉利 呂宋 南掌 荷蘭 法蘭西 布魯特 博爾都噶爾亞 意達里亞 俄羅斯 哈薩克

朝鮮古營州外域箕子始封其地漢末改稱高麗明洪武二十五年從其國王李成桂請復今名其全境三面距海併有高句驪濊貊新羅百濟沃沮諸國有兩京分八道統郡四十一府三十三州三十八縣通志

天命四年朝鮮以兵助明與明海蓋道康應乾兵合營富察之野我師與戰大破之上因以書諭曰爾以兵助明吾知非爾意也迫於其勢有不得已且明曾救爾倭難故報其恩爾原與我國無仇今擒爾統兵官屬十人念王之故特留之王其與我合謀以仇明耶抑既已助明不相背負耶其詳告我通考

天聰元年正月太宗文皇帝命大貝勒阿敏率師征朝鮮克義州定州漢山諸城次于平壤其國之西京也李倭遣使求成不許二月逼王京倭擊妻子遁江華島固請求成許之大軍振旅而還二年開市中江通貿易春秋入貢且有定額後違約反覆屢賜諭書不奉命崇德元年十二月太宗文皇帝親統大軍聲罪致討屢克其城至臨津江先是江水冰泮不可渡車駕未至前三日天驟寒冰堅合大軍支驛渡江眾兵莫不驚異先遣兵抵王京倭兵迎戰大破之殲其眾倭擊長子湏棄



京城遁入南漢山城遣兵圍之屢擊敗其外道援兵 上次王京城由城外徑渡漢江益軍圍侂二年正月侂請成不許降 敕切責侂奏書稱臣 二月 上班師以朝鮮凋疲許丁丑戊寅兩年准免貢物倡議敗盟之洪漢翼諸臣皆伏誅自是朝鮮扞誠歸化朝貢不絕

順治元年五月以破流賊李自成底定燕京捷音宣示朝鮮七月侂遣陪臣表賀貢方物奉 敕減朝鮮歲貢額內紵布四百匹蘇木二百斤茶十包棉綢千匹各色細布五千匹布四百匹麤布二千匹順刀十把刀十把其元旦又主 萬壽慶賀貢物以道遠俱於朝正時附進著為令以上通典

十五年諭禮部朕撫御萬方臣民一視朝鮮恭順有年尤慮體恤聞遣使該國多負貿易濫擾朕心不忍嗣後使臣正副使各一其八分人員隨往及貿易俱行停止以昭朕字愛藩服至意十六年五月朝鮮國王李溥覺六月世子柎以訃告溥母趙氏奏請以柎襲爵九月遣工部尚書郭科等往朝鮮 諭祭故王李溥賜諡忠宣遣大學士蔣赫德吏部侍郎覺羅碩博會充正副使往封朝鮮世子李柎為朝鮮國王妻金氏為王妃通考

康熙四十五年十月諭大學士等曰觀朝鮮國王凡事極其敬慎其國人亦皆感戴聞其國有八道北道與瓦爾喀地方土門江接界東道接倭子國西道接我鳳凰城南接海嶺有數小島 太宗文皇帝定朝鮮之役我兵無處不到以已破之國我朝為之重加營建俾安堵如故其國人於 太宗文皇帝駐軍之地樹立石碑備書更生之德累世感戴以至於今且彼更有可取者明之末年彼始

終未嘗叛之猶爲重禮義之邦也

通典

雍正七年朝鮮國有爲逆謀事覺伏誅奏入得旨朝鮮世受朝廷恬冒之德其國兇醜卽于犯天討之人王先事覺察不使漏網從此境內無警官民久安朕心深慰特賜王粧纒等四十疋康熙字典性理精義詩傳彙纂音韻述微各一部賞有功兵丁銀一萬兩

乾隆三十六年哈道正使海溪君李燦副使吏曹判書趙瑩順入貢八月禮部議朝鮮國王李吟奏國內流傳康熙丙子年間朱璘所撰明紀輯略本于明人陳建之皇明通紀載其先世之事因訛襲謬誣妄含冤請將二書中有關小邦之語並行刊去等語查朱璘輯略於乾隆二十二年浙江巡撫楊廷璋奏請銷燬其陳建通紀遍訪京城內外書肆並無售者是二書中國久已不行奚事改削至該國王所稱書中誣讖其國祖康獻王且世系及其四世祖莊穆王僖事蹟二條今恭閱欽定明史朝鮮列傳載其始祖世系及國人廢琿之僮之處攷據已極詳明乾隆三年我皇上允該國王所請刷刊頒給該國自當欽遵刊布使其子孫臣庶知所信從若陳建通紀朱璘輯略二書該國尙或有流傳應令該國王于其國中自行查禁焚銷永杜疑竇謹按朝鮮於我朝歸命最先被德亦最渥天聰崇德間兩煩天討宗社已覆仰蒙列聖仁慈特予生全自是稱藩奉朔禮數優隆封賞喧卹例以三品以上大員充使其國使臣至禮部通官逆諸鳳凰城送亦如之至于遞減貢額遠賤餼黎朝賀元旦并行附貢準爲正貢使臣宴資從厚越境人民免罪殊恩異數有非他國所

三國史記卷之九十一 卷之三十一 皇朝  
敢望者是以感激愛戴爲諸藩倡請三田渡祀 恩之碑考累世恭順之蹟盛乎哉化浹東壤矣璋  
倥廢立事據焯吟先後以免誣入曰雖出於子孫之口而觀倥生平行事恭順慈惠允號賢王君子  
知人論世自不當有異執事我 聖祖仁皇帝嘉其能重禮義謂于明之末造始終未叛明朝大哉  
王言所以鼓舞忠孝者夫豈有極前史皆言高麗人雖柔弱而好文重學豈非以此故能明於事  
上之禮歟抑商賢之遺教固猶有箕子餘風者哉以上通考

右朝鮮

日本古倭奴國唐咸亨初更號日本以近日出而名也國在東海中環波而宅有五畿七道三島一  
百十五州統五百八十七郡皆依水嶼小者不過中國一村小而己其國有官名曰者猶云幸輔  
之職代相更替尊國政兵馬國習中華文字而讀以倭音通典

順治二年其國一十三人泛海遭風飄至內地 詔守臣支給衣糧隨朝鮮使臣津發回國十一月  
朔 詔朝鮮王李倭曰今中外一統四海爲家各國人民皆朕赤子務令得所以廣同仁前有日本  
國民人一十二名泛舟海中飄泊至此已救有司周給衣糧念其父母妻子遠隔天涯深用憫惻茲  
命隨使臣前往朝鮮至日本可備船隻轉送還鄉仍移文宣示俾彼國君民共知朕意七年正月朝  
鮮國王李溟奏言據議政府報云倭子情形可畏去年秋間鞭撻使臣出言不遜驛館倭使常以密  
書示通事言詞甚謬每年所與糧米前皆運至中中今堆積驛館似有所待又云彼國叛賊雜於漢

商船內出沒沿海地方又遣使至我國云漂至洋船卽行執送今因解送 上國蓄怨於我比前尤甚臣竊念自壬子之變城郭不修器械不整者十有餘年今觀倭情情形可慮將欲修築訓練以爲守禦之備奏入 上疑其妄遣大學士祁允格等往訊果無其事降 諭切責之

乾隆二十四年御史李兆鵬以內地絲價翔踊條奏禁止出洋又兩廣督臣請將綢緞綿絹一并禁止俱經部議奏准嗣據江蘇巡撫陳宏謀以額商楊裕和等採辦洋銅向帶綢緞絳助糖藥等物往日本易銅分解各省今奉禁止未免貽誤鼓鑄請將綢緞絳絹酌量攜帶尋戶部議奏准其每船攜帶綢緞三十三卷配運洋銅從之

以上通考

日本自前明寇警不絕 聖朝聲靈震疊海宇救寧通商利用綏靖有經超軼前古之盛軌於斯可概見也

通典

### 右日本

琉球在福建泉州府東海島中接漳泉福興四州界自福州五虎門出海水程一千七百里至其國距 京師七千八百三十二里國分三省各隸間切間切譯言府也王城所治爲中山爲中頭省隸間切十有二村縣百一十有三山北爲國頭省隸間切九村縣六十有八東西狹南北長四際皆海島嶼環列凡三十有六皆轄於琉球其西南方有北山延袤三百餘里與日本接界由琉球之薩摩境開船四日可至凡國王嗣位先遣陪臣來請 朝命 欽命正副使奉 敕往封賜以鍍金銀印

琉球國王未封以前稱世子權國事受封乃稱王 國王尚氏前明時遣使請封會遭阻留未  
還我 朝順治三年福建平經略洪承疇轉送使者至京以前朝敕印未繳遣其使還六年世子尚  
質遣使奉表歸誠十年遣使來貢十一年三月質又遣使來貢兼繳前朝敕印請封 賜宴錫賚有  
差 命兵科副理事官張學禮行人司行人王垓充正副使齋 詔印往封令二年一貢進貢人數  
不得過一百五十人許正副使二員從人十五名入京餘俱留關待命通典

康熙七年重建柔遠館驛於福建以駐琉球使臣是年國王尚質薨八年尚質世子尚貞遣陪臣英  
常春來貢於常貢外加進紅銅及黑漆嵌螺茶碗照例給賜

乾隆元年遣陪臣毛光潤鄭國柱等進貢光潤至閩病卒二年遣陪臣王翦向啟獻等貢 上登極  
是年六月小琉球國有粟米棉花二船遭風飄至浙江定海象山地方浙閩總督嵇曾筠資給衣糧  
由閩回國閏九月事 聞 上曰沿海地方常有外國船隻遭風飄至者朕胞與爲懷內外並無歧  
視外邦民人既到中華豈可令一夫失所嗣後似此被風飄泊之船令督撫等督率有司加意撫恤  
動用存公銀兩資給衣糧修理舟楫查還貨物遣歸本國著爲令以上通考

二十一年世子尚穆遣使進貢兼請襲封 命翰林院侍講全魁編修周煌充正副使冊封頒賜並  
如前例全魁等回京代奏請官生入監讀書許之二十五年遣陪臣來貢并遣官生梁文治等入監  
讀書二十九年遣還琉球國誠心向化恭順最著其國山形本南北向以中國在海西王殿及門皆

西向以表忠順面內之意通典

右琉球

安南漢交趾九真日南三郡地唐置安南都護府宋時始爲黎氏所有旋易李氏封安南國王後仍爲黎氏其國治交州距京師一萬一千一百六十五里與滇粵接界分十二道有府四十九州縣二百餘東西相距一千七百六十里南北二千八百里凡國王嗣位遣陪臣來請朝命欽命正副使奉敕往封賜以鍍金銀印文曰安南國王頌崇儒教交州有國學文廟各郡縣皆建學祭祀配享俱慕效中國爲之氣候多煖少寒國中農桑極盛兼饒魚鹽之利通典

國王黎氏祖籍清華人爲安南王都清華繼因交州爲歷代據險地兼有通海之利始遷都之國無城池人烟輻湊地勢平坦一望皆田村莊櫛比人多地少合境州縣不過具數而已

順治十七年國王黎維祺奉表貢方物得旨覽王表奏輸忱向化深可嘉悅因下部議十八年禮部議奏安南國王黎維祺傾心向化有協力討賊之勞例應賞銀百兩錦四端絳絲十二表裏得旨交趾傾心向化復協助剿賊深可嘉尚爾部以故明卑視外國之禮議覆殊不合尋另議賜銀五百兩大蟒緞二疋粧緞二疋絳緞表裏各十二合兵部撰給敕書付來使齎歸上從之以上通考

康熙十六年敕諭黎維祺大兵攻討逆賊吳三桂滇黔與安南壤地相接宜遴選將士協力攻剿十八年維正奉表慶賀大捷疏言逆賊吳三桂屢遣使脅誘令臣服從區區忠悃不敢從賊乃有本國

逆臣莫元清與吳三桂密相締構圖為掩襲願仗 天威遣兵追擒逆黨明正其罪許之 二十七年三月 諭禮部安南世為屬國凡遇朝使冊封至其國自應遵行三跪九叩頭禮乃該國王狃於小邦陋見與冊使商論拜跪儀注原屬無知經德保顧汝修指示成例始知恪遵外藩不諳體制部臣應預行宣示嗣後遇有安南冊封等事即將應行典禮并前後遵行拜跪儀節告知正副使令其永遠遵循著為令以後貢使不絕照例加賞四十九年國王遣使謝 恩表貢方物 御書南交屏翰額賜之通典

乾隆九年兩廣督臣馬爾泰奏粵西奸民葉寨私出外夷誘教為匪安南饑民流入甯明等處得

旨滇粵界接安南各處關隘嚴行稽察始不至彼此滋擾或釀成事端今葉寨始出作奸饑夷偷入內地是各要隘難免潛出竄入之虞殊非防範邊境之道該督撫會同詳酌具奏嗣兩廣總督馬爾泰廣西署撫託庸提督豆斌奏言南甯府屬邊陲土筒之板蒙等隘太平府屬思陵土州之叫荒等隘鎮安府屬下雷土州之下首等隘共三十餘口岸俱逼近安南應疊石建柵添卡撥兵各土司帶領土勇扼險守巡并飭地方官每年冬月查修通報安南驅驢地方為各處貨物聚集之所最與由隘相近從由隘入驢驢不過六十里故商販願從由隘出入向設閉禁開之責便商民應設支倉長稽商民往來并責地方官偵密查察至平而水口兩關通太原牧馬等地宜設立鐵鍊橫江攔截逢逢五日開一面以通商 上從之通考

右安南

暹羅在廣東省西南海道四十五晝夜可達古暹國羅斛國地明洪武中始名暹羅地方千里環國皆山城分八門官制九等國分大庫司九府十四縣七十二西北土磽确爲古暹國地東南土平衍爲古羅斛國地卑濕氣候不常或風或濕人皆樓居俗修釋教男女多爲僧尼居庵寺文字皆傍行自明正德時選留貢使二二人入館肄業始稍習漢文我朝順治九年十二月暹羅遣使請入貢并請換給印敕勅合從之 賜以駝紐鍍金銀印文曰暹羅國王

通典

康熙四年國王森列拍臘照古龍拍臘馬嘑陸坤司由提雅普埃遣陪臣坤司各喇耶邁低禮等齋金葉表文航海入貢其文曰暹羅國王臣森列拍臘照古龍拍臘馬嘑陸坤司由提雅普埃誠惶誠恐稽首頓首謹奏 大清皇帝陛下伏以 新君御世普照中天四海沾帡幪之德萬方被教化之恩卑國久荷 天朝恩渥未傾葵藿之心今特躬誠朝貢敢效輸款敬差正貢使握坤司各喇耶邁低禮副貢使握坤心勿吞互替三貢使握坤司敕博瓦梯大通事揭帝典辦事等臣梯航渡海齋奏金葉表文方物譯書一道前至廣省差官伴送京師進獻用伸拜舞之誠恪盡遠臣之職伏冀俯垂寬宥不恭微臣瞻仰 天聖高勝屏營之至謹具表稱奏以聞 上命從優賞資 六十一年遣使來貢 賜其國王及王妃紗緞 諭令運米三十萬石於福建廣東益波等處糶賣並 諸大學士等曰暹羅國人言其地米甚饒裕銀二三錢可買稻米一石朕諭令分運米石至福建等處於地方

二  
四  
四  
四



甚有裨益此三十萬石係官運不必收稅雍正二年十月貢稻種果樹 賜國王蟒緞玉磁等器其  
 船捐目九十六人本係漢人求免回籍得 旨暹羅不憚險遠進獻稻種果樹恭順可嘉其運來米  
 石令地方官以時直售賣毋許行戶低昂隨帶貨物概免征收稅捐目九十六人居住該國歷經數代  
 實難勒令歸還應免回籍以示寬大之典 通考

乾隆八年九月奉 旨暹羅國商人運米至閩源源而來其加恩之處自當著為常例嗣後外洋貨  
 船帶米萬石以上者免船貨稅銀十之五五千石以上者免稅十之三十一年九月 上以該番航  
 海遠來慕義可嘉其帶米不足五千石者仍加恩免船貨稅銀十之二十四年七月貢使至 賞資  
 如例又加 賜國王蟒緞玉磁等物 御書炎服屏藩匾額賜之十八年二月貢使至照例加賞并  
 從所請加 賜人參以後職貢不絕並照例加賞 通典

謹按暹羅相傳即隋唐時赤土國隋煬帝時屯田主事常駿至赤土知其國王姓曷曇氏豈王崇佛  
 教故從之耶攷暹羅館志則云人皆有姓無姓雖世隔千年而有姓無姓語多不符又暹羅為扶南  
 別種南史海南諸國傳扶南初以女人為王號曰柳葉明王圻續通攷稱暹羅婦人智重男子上  
 其果扶南遺風歟自元明以來世與華通我 朝文命遠敷兼令運載米石津濟內地荷歟休哉比  
 於明鄭和之下海洋徒收寶物者何啻霄壤而該國奉琛王享慕義無窮在南方諸國中益與安南  
 比埒云 通考

右邊羅

緬甸故稱宋波國地界雲南永昌府騰越州天馬虎踞諸關外其酋居阿瓦城南至海西至孟養北至孟密所屬有木邦等十三路地方遼闊俗尚柔詐老官屯一帶山高瘴大殊難行走其夷官夷民服飾與南寧相似婦人束髮穿耳短衣圍以錦幅長裙老官屯地多海鹽恆與內地民人貿易土產有蘇木象牙翠羽木棉之屬元及明初雖示羸靡然柔詐性成時時反覆嘉靖後莽瑞體父子雄長諸部恃其險遠不修職貢我朝順治間故明桂王朱由榔走蠻莫思綿緬擒以獻涵濡聖化畏威懷德蓋非一朝夕矣乾隆十五年其王莽達喇製金銀二鉞篆刻表文並奉金塔馴象緬布各等物抒誠入貢奉諭嘉獎其使臣筵宴俱照各國王貢使之例並頒敕諭御書編輯西琛四子匾額賜之令使臣賚捧歸國嗣爲木梳酋長薄藉牙所篡子惜惱憎駁相繼佔踞

乾隆三十三年奉諭據明瑞奏報現在進剿緬夷已過蠻結地方連破賊壘十六殺賊二千有餘

等語明瑞秉性純誠才優幹濟前者西陲之役每身先士卒效績宣猷昨歲自伊犁來京陸見值緬酋滋事因令節制雷貴並授爲將軍領兵進剿凡辦理軍營諸務均能悉心籌畫動合機宜近自木邦整隊突入於舊小地方統衆設柵今次至蠻結復親冒矢石摧堅陷銳至自受鎗傷猶鼓勇直前克揚我武朕心深爲嘉慰明瑞現在所襲之公保承恩世爵今既屢著殊績自應特沛恩施明瑞著授爲一等誠嘉毅勇公三十四年特命大學士公傅恆往滇經略軍務選派黑龍江索倫兵三

千同吉林水師盛京新滿洲兵各一千並揀厄魯特三百餘鄂倫春三百次第赴滇進剿初緬匪恃有老官屯之險必得舟師夾擊攻拔其柵始可沿江順流直搗賊巢經略大學士公傅恆始至卽於銅壁關外野牛壩鳩工造船七月二十日由騰越啟行進兵時猛拱土司渾覺遣其頭目脫猛鳥猛至騰越投誠願備舟濟師八月二十四日大兵至南底河猛拱城長來迎遣將撫定其城猛拱爲緬甸門戶感化服從則全勢已得九月初十日大兵至蠻暮會兵大江上游要地盡爲我有於是分撥舟師水陸並進賊衆潛聚新街於江灘結寨一其右及西岸各結大寨一以拒我師我師進擊大破之礮碎其舟射斃紅衣賊首數人奪得賊纛一破其西岸大寨獲賊無數賊大震懾通典

經略大學士公傅恆等奏大兵攻圍老官屯緬匪情駭遣人致蒲葉書懇求罷兵情願繕具表文十年進貢一次茲差頭目二人呈送洋錦洋呢洋布等物臣等卽堅卻不受經頭目等率夷衆一百八十餘人負荷陳設營門再四懇求卽飭令接受並諭以表文規制察其情狀似無欺飾奏至 上許之猛拱司渾覺合於邊內擇善地處之三十五年振旅而還自是緬酋震懾 天威不敢侵擾請土司南荒帖息焉通考

### 右緬甸

廣南古南交地王阮姓本中國人歷代未通職貢其地東接安南西鄰占城南濱海東北至緬甸西北距暹羅境有大山海包其外形如半月名曰廣南

康熙八年廣東都司劉世虎等逃風飄泊國境廣南國王遣其臣趙文炳送歸并帶貨物船隻來粵部議趙文炳等雖奉廣南國印文遣來實係中國之人或留或遣請旨定奪其帶來之物現奉海禁不便貿易應入戶部得旨廣南國王送劉世虎等回粵殊爲可嘉著給以照驗遣歸廣南船貨不必入官仍給來使嗣後凡往來商船由廈門至廣南邇安南界歷七洲洋取廣南外之占畢羅山卽入其境國無城郭周栽刺竹以自固云以上通典

### 右廣南

英吉利一名英圭黎紅毛番種也距廣東計程五萬餘里王姓名世系遠者不可攷其近者名弗氏京也治傳于昔斤京也治又傳于非立京也治康熙間英吉利始來通市後數年不復來雍正七年後互市不絕通典

英吉利土產有大小絨曝曝羽紗紫檀火石及所製玻璃鏡時辰鐘表等物精巧絕倫二十四年方嚴絲勛出洋之禁兩廣總督李侍堯奏言近年英吉利夷商屢違禁令潛赴寧波今絲勛禁止出洋可抑外夷驕縱之氣惟本年絲勛已收請仍準運還奏入報可是年英吉利夷商洪任輝妄控粵海關陋弊訊有徵商汪聖儀者與任輝交結擅領其國大班銀一萬三百八十兩按交結外國互相買賣借貸財物例治罪二十七年英吉利夷商白蘭等求仍照前通市兩廣總督蘇昌請照東洋綢商搭配綢緞之例酌量配買得旨每船準買土絲五千觔二靛湖絲三千觔其頭靛湖絲及綢緞

緞疋仍如舊禁止不得影射取利自是英吉利來廣互市每船如額配買歲以爲常其明年并進帶  
綢緞成疋者二千觔所屬有亞齊國通考

### 右英吉利

呂宋居南海中在臺灣鳳山沙馬崎東南至廈門水程七十二更其國北面高山遠視若鋸齒俗曰  
牽牛坑山有土番屬於呂宋閩人以其地富饒商販者數萬人往往久居不返通典

雍正十三年呂宋以麥收歉薄附洋船載穀二千石銀二千兩海參七百觔來廈門欲易麥二三干  
石時提臣王郡以例禁五穀出洋奏請得旨朕統御寰區內外一體呂宋雖隔重洋朕心並無歧  
視國家所以嚴禁五穀不許出洋者乃杜奸商匪類暗生事端若該國缺少米糧以實情奏聞朕尙  
酌量豐餘以濟之今載穀易麥更爲情理當從著轉飭有司均平糶糴俾番船載回以濟其用並將  
朕旨傳諭來商知之通考

### 右呂宋

南掌本老撾部屬其俗佩雕刀爲飾故呼爲撾家古爲越裳氏地明嘉靖間始稱南掌東南與安南  
接西南與暹羅接西北至雲南省迨八百八十里皆陸行貢道由普洱府入夷性獷悍身及眉目皆  
刺花相傳酋長三等大曰招木弄次曰招木牛又次曰招木化居高樓部屬入見不下樓卽所至之  
地爲等級焉 本朝雍正七年雲貴廣西總督鄂爾泰疏言南掌國王烏孫遣使奉蒲編金字表文

一道馴象二獲求入貢得 旨嘉獎沿途護送從厚支給

通典

乾隆四十七年南掌國王遣使臣叭整哄等四人入貢 上於山高水長連日賜茶果又於 紫光

閣賜宴又於 三無私殿賜宴

通考

### 右南掌

荷蘭俗稱紅毛番亦曰紅夷在西北海中西北與佛朗機接去中國水程五萬餘里其國有大山名那蘭山山麓建城名那蘭城其人深目長鼻鬚眉髮皆赤足長尺二寸其國受 朝敕稱王名列外服其臣下官爵見於奉使者亦有戶部官總兵官等名俗奉天主教與英吉利同性强悍好爭雄所恃惟巨舟大礮舟長三千丈廣六丈厚二尺餘樹五桅後爲三層樓旁設小窗置銅礮桅下置二丈巨鐵礮發之可洞石城震數十里世所稱紅夷礮卽其製也柁後置照海鏡徑大數尺能照數百里其所役使名烏鬼入水不沈走海面如平地然舟用夾板重大難轉或遇淺沙卽不能動而其人亦不善戰故挫衄每多

通典

順治十三年六月國王累投爲也甲必丹物馬綬極遣陪臣杯突高嶠惹諾皆色齋表朝貢并請貢道經禮部議覆荷蘭從未入貢今重譯來朝誠我 朝德化所致應五年一貢貢道由廣東入得

旨荷蘭慕義抒誠航海修貢念其道路險遠可八年一朝以示體恤遠人之意八月貢使歸國 賜勅諭曰惟爾荷蘭國累投爲也甲必丹物馬綬極僻在西陲海洋險遠歷代以來聲教不及乃能緬

懷德化效慕尊親擇爾貢使赴闕來朝虔修職貢朕甚嘉之用是加賚文綺白金以報孚忱至所請朝貢出入貿易有無雖漕輸貨利益商民但念道里悠長風波險阻若貢期頻數猥煩多人朕皆不忍著八年一次來朝員役不過百人令二十人到京所攜貨物在館交易爾其慎乃常職祇承寵命通考

康熙三年大兵渡海攻鄭錦等荷蘭國率舟師助剿上嘉其功賜國王文綺白金等物二十五年六月國王遣使請進貢五年一次並請貢道由福建入許之是年定減荷蘭貢額賜敕慰諭乾隆元年特命減荷蘭國稅額二十七年准荷蘭夷商每船配買絲斤綢緞皆有定額著爲例通典

### 右荷蘭

法蘭西一名佛郎機亦紅毛番種也東與荷蘭接其國都地多邑離士國王姓無慮蒙名雷士堅治父名雷士吉多治祖名雷士多利治其人長身高鼻髮赤鬚特強凌轢諸國無所不往土產有象犀珠貝市易但伸指示數雖累千金不立約契我朝順治四年八月廣督佟養甲疏言法蘭西國人明季寓居蟻境澳與粵商互市後因闖入省會遂飭禁止請嗣後仍准番船連市上從之自是每歲通市不絕惟禁入省會耳通典

### 右法蘭西

東布魯特回部別種也在天山北準噶爾部西回部西北東南距阿克蘇城七百九十里東北距伊

犂一千四百里其部有五西布魯特與東布魯特相接在回部喀什噶爾城西北三百里西接哈布爾諸部落道由鄂什噶恩嶺而至其部落凡十有五通典

### 右布魯特

博爾都噶爾亞在歐邏巴極西境周七百里西濱大洋地分五道四方商船皆聚都城通海大市凡六水泉二萬五千國有二學曰阨物辣曰哥應拔歐邏巴高士多出此學土產果實絲綿極美多水族善釀蒲萄酒卽過海至中國不壞明以前未通中國入本朝西洋諸部內向化雍正五年四月其國王名若望者遣陪臣貢方物上嘉其誠悃優加宴賚並賜敕書於國王及文綺諸物使齋捧歸國通典

### 右博爾都噶爾亞

西洋去中國水程八萬里其道由地中海西出大洋南行過福島東南行汎利未亞海過大浪山折而東行過西南海東北行過小西洋又東行至呂宋入廣南境其地名歐邏巴州意達里亞在歐邏巴州南境周一萬五千里三面環地中海一面臨高山土田饒沃州郡繁多其最大者凡六城曰羅瑪曰勿擲祭亞曰彌朗曰納波里曰熱孛亞曰福撈察其俗尊奉天主自國都至閭井咸設天主堂有掌教者專主教事稱爲神父其堂一切供億皆國主大臣民庶轉輸不絕每七日瞻禮一次名曰彌撒通典



康熙九年六月國王阿豐肅遣部臣瑪訥撒爾達聶等奉表進貢金剛石飾金劍金珀書箱珊瑚樹  
珊瑚珠琥珀珠伽南香哆囉絨象牙犀角乳香蘇合香丁香金銀乳香花露花幔花氈大玻璃鏡等  
物得旨西洋地居極邊初次進貢具見慕義之誠可從優賞賚尋遣瑪訥撒爾達聶等歸國通考  
五十六年廣東總兵官陳昂疏稱天主一教開堂聚眾在廣州城內外者尤多乞循康熙八年例再  
行嚴禁從之雍正元年浙閩總督覺羅滿保疏言西洋人於內地行教聞見漸清請除送京效力人  
員外俱安置澳門其天主堂改為公廨從之二年兩廣總督孔毓珣疏言西洋人先後來廣東者甚  
眾澳門地窄難容請令暫居廣州城天主堂內惟不許妄自行行走行倡教說其外府之天主堂悉撤  
為公廨內地人民入其教者嚴行禁止通典

右意達里亞

俄羅斯國東北至海南接喀爾喀及伊犁北路之塔爾巴哈台及哈薩克境西接西洋諸國東南至  
格必爾齊河東岸自大興安嶺之陰以東至海與黑龍江分界秦時為渾庖屈射丁靈即丁零見史記一作丁令  
諸國通典

俄羅斯國明時阻于朔漠未通中國本朝順治十二年其國察罕汗始遣使來朝貢方物上嘉  
其誠款降勅及恩賜令來使齎回國敕曰兩國遠處西北從未一達中華今爾誠心向化遣  
使進貢方物朕甚嘉之特頒恩賚卽俾爾使臣齎回昭朕柔遠至意爾其欽承永效忠順以副恩寵

十三年遣使奉表來朝貢方物以來使不諳朝儀卻其貢而遣還之十四年復遣使奉表進貢途經三載以十七年五月至表稱俄羅斯一千一百六十五年謬多矜夸廷臣咸謂其不遵正朔宜逐之奏入得旨察罕汗雖恃爲酋長表文不合體制然外邦從化宜加涵容以示懷柔俄羅斯遠處邊陲未沾教化乃能遣使奉表而至亦見慕義之忱來使著該部與宴賞物查收察罕汗及其使量加恩賞但不必遣使報書爾衙門可即以表文矜詞不合陛見之故諭而遣之通考

康熙二十五年察罕汗上疏言 皇帝所賜之書下國無通解者及前使尼果查歸始悉情節以下國邊民構覺請察明作亂之人收回正法除遣使議定邊界外謹先齋書以獻並乞撤雅克薩之圍上許之二十七年察罕汗遣費岳多羅等至 上遣領侍衛內大臣索額圖都統公佟國綱尚書

阿喇尼左都御史馬齊護軍統領馬喇等往二十八年會議於尼布楚歸我雅克薩尼布楚諸城定議邊界以北流入黑龍江之綽爾結即阿倫穆河相近格必爾齊河爲界循河上流以至於海凡山南一帶流入黑龍江之溪河盡屬中國山北屬俄羅斯凡獵戶人等不許越界犯則擒治行旅有往來文票者許貿易勿禁不留逃入議定乃盟立碑界上釋兵而還自後遣使通貢互市不絕

乾隆二十二年準噶爾平侍衛順德訥窮追阿睦爾撒納至額爾圖拉與俄羅斯略比潭相見於額爾齊斯河上索阿睦爾撒納未得將軍兆惠以聞 上命理藩院移咨令遵不納逃人之例擒獻二十三年正月俄羅斯遵奉行移不敢諱匿述阿睦爾撒納罪闖入俄界旋以痘死且出其屍於邊

界之恰克圖城乃遣親王齊巴克雅爾品爾等驗而歸之

以上通典

謹按俄羅斯地處極北據使臣圖理琛所錄夏至前後不甚暗日落猶可奕棋不數刻即曙而日出正與唐史所載骨利幹國事相符又圖理琛所錄俄倫地去北海一月程而荷蘭人貢使臣稱與俄羅斯接壤又其俗皆奉天主教與西洋諸國同豈其國近北海而又接西海歟在北魏時爲烏洛侯國疑侯字乃侯字之誤卽俄羅斯轉音耳然地雖荒遠亦不應使臣三四年而後歸伏讀 御製土爾扈特全部歸順記定爲俄羅斯故爲紆繞其程觀於土爾扈特之來祇八月而已至益可見矣其國自羅利歸誠以後恪守分界且遣使入貢幼童來京讀書洵所謂 聲教四訖臣古來未臣之國非甚 盛德何以致此哉

通考

### 右俄羅斯

左哈薩克在準噶爾部西北西爲右哈薩克北爲俄羅斯東去塔爾巴噶旦南去伊犁皆千里其部曰鄂爾圖玉斯駐伊什爾河旁無城郭東西千餘里南北六百里環境皆山源泉經絡其西北爲伊什爾河地苦寒其西南境外二千里平時逐水草事游牧地廣人稠甲於他部

通典

乾隆二十年二月準噶爾平 詔遣使往諭其汗阿布查言于使臣侍衛順德訥達永阿曰向聞

大皇帝臨御中土以山川之故貢譯不通今 天威遠播埽伊犁興黃教實無疆之福敢以誠心歸

於德化

通考

右哈薩克東與左部接東南與進鳴爾接南與布魯特安集延納木干諸部接西南踰塔什干西六百餘里其部曰齊齊玉斯烏拉玉斯通考

右哈薩克古爲康居西境漢康居五小王所治之地大宛之西北鄙也乾隆二十一年左部降其汗阿布賚請與右哈薩克布魯特來會阿布賚復以兵佐逆不果其後參贊大臣富德以兵索逆賊哈薩克沙喇至右部遣使往撫諭次軍於莽格特城外以待是時圖里拜等方與塔什罕回人圖爾占戰使至宣諭令解營釋兵卽頓首聽命圖里拜等並詣軍門納款奉馬進表以降時左部已歸順兩哈薩克並嚮化而丙二十三年圖里拜遣其子卓蘭及輝格爾德之弟博索爾滿朝行在 賜宴避暑山莊與觀大閱及燈火自是朝貢歲以爲常通典

右哈薩克